











SAMUELIS L. B. de PUFENDORF  
DE  
STATU  
IMPERII  
GERMANICI

LIBER UNUS.  
*IN USUM REGIÆ BEROLINENSIS  
ACADEMIÆ*  
CUM PRÆFATIONE  
in lucem editus

Cura

JACOBI PAULI GUNDLINGI


In Regia Berolinensi Academia Juris Publici  
ac Historiarum P.P.

*EDITIO POSTHUMA.*



*Coloniæ ad Spream,*

Sumptibus JOHANNIS ANDRÆ RÜDIGERI.  
Anno MDCCVI.



*ILLUSTRISSIMO ATQVE  
EXCELLENTISSIMO  
DOMINO,  
DOMINO  
MARQUARDO  
LUDOVICO  
de PRINZ,*

*SACRÆ REGIÆ MAJESTATIS  
BORUSSIÆ MINISTRO STATUS  
INTIMO, SUPREMO RERUM  
FEUDALIVM DIRECTORI,  
SUMMO REGII PALATII MA-  
GISTRO, COMITATUS RUPPI-  
NENSIS PRÆFECTO: NEC  
NON ORDINIS BORUSSICI  
AQUILÆ NIGRÆ ET MOSCO-  
VITICI DIVI ANDRÆÆ  
EQUITI,*

*DOMINO MEO GRATIO-  
SISSIMO.*

*ILLUSTRISSE ATQUE  
EXCELLENTISSE*

**DOMINE,**

**DOMINE LONGE  
BENIGNISSE.**

**N**on diu mihi delibe-  
randum fuit, quem  
**PATRONUM**  
atque **PROTECTOREM**  
egregio Celeberrimi inge-  
nii, cum mortales inter ad-  
huc

DEDICATIO.

huc esset, foetui, FAMIL-  
GERATISSIMI PU-  
FENDORFFII Libello  
De STATU IMPERII  
GERMANICI, studerem,  
quo par sit cultu ac venera-  
tione conciliare. Tuæ Dex-  
træ, ILLUSTRISIME  
DOMINE, preces meæ de-  
mississimæ illum nunc su-  
stinent & offerre, atque  
commendare, quæ suffice-  
re ei adversus ingentem  
invidorum manum facile  
poterit. Dabis hoc, GRA-  
TIOSISSIME DOMINE,  
Auctoris famæ ac meritis,

)( 2

ut

DEDICATIO.

---

ut Tuo in Sinu Liber hic  
lucem, splendoremque u-  
beriore nanciscatur, & ibi  
receptus Benignissime in  
admiratione ac deliciis  
omnium habeatur. Faciet  
sic Inclyta Virtus Tua su-  
um opus, & qui de viven-  
tium Populorum Nostro-  
rum salute, deque Imperii  
Borussici Gloria ac Orna-  
mentis mille modis optime  
mereris, non poteris Mor-  
tuo illud Beneficium dene-  
gare, quo in ipso sepulchri  
squalore non recreari tan-  
tum videtur, sed Gratiam  
ac

DEDICATIO.

---

ac Decus, Fulgoremque adipisci. Ita qui olim Eruditorum PRINCEPS erat, illumque Tibi PRINCIPATUM cum consensu Orbis reliquit, eludet mortalitatem, ac injuriam temporum vincet PRINCIPE VINDICE TANTO AC ASSERTORE, quamq; TIBI Gratiam nec Ille, nec ego, EXCELLENTISSIME DOMINE, referre potest, omnes, qui nunc Studiis ac Sapientiæ favent, & nunc & olim rependent. Vale ILLUSTRISSIME DOMINE,

( 3 )

DEDICATIO.

MINE, & Gloriæ ac Felicitatis tantum quotidie collige, quantum Romano Imperio salutis tribuere curis nobilissimis assidue perendis, & inter Florentissimam Fortunam, Vigoremque animi tanti ac Corporis quam diutissime decurras.

*TUÆ ILLUSTRISSIMÆ  
EXCELLENTIÆ*

humillimus Servus

JOH. ANDREAS RÜDIGER.



# JACOBUS PAULUS GUNDLINGIUS,

Juris Publici ac Historiarum Prof. Publ.  
in Regia Berolinensi Academia,

*Lectori Benevolo*

S. P.

**N**on defuerunt a placido ex hac  
vita discessu, Illustris Viri Sa-  
muelis Liberi Baronis a Pufen-  
dorff, clarissimi in Republica Literaria  
Viri, qui summo expetiverunt desiderio  
ut nobilissimus Illustris Pufendorffii li-  
ber, de Statu Imperii Germanici, mul-  
to abhinc tempore sub personato no-  
mine Severini de Monzambano Vero-  
nensis in lucem editus, ipsa manu Illu-  
stris Viri revisus, atque descriptus in  
( 4 lu-

## PRÆFATIO.

---

lucem cderetur, maxime cum Illustris *Pufendorffius* ante obitum præceperit, ut liber sine persona in lucem prodiret. Equidem non defuerunt gravissimæ moræ, quæ id ipsum institutum in tempus extraxerunt, donec tandem Illustris vidua, multis precibus efflagitata, edendi libri negotium Amicis nonnullis commiserit. Hoc tamen sciri, publice expedit, quodque reticeri a me non debet, vix unquam librum in Germania prodiisse, qui tot hominum animos, ac summos florentissimosque in Republica viros commoverit, maxime postquam Illustri Auctori ex re videbatur, sub Itali ac Romano-Catholici Persona seu Larva incedere, ac Lælio, suo fratri, quem fingebat, veram Germaniæ faciem depingere secum constituit. Vix in lucem a Vlaquio Hagæ Comitum emissus erat, statim suos

## PRÆFATIO.

---

suos fautores censoresque nactus est Liber, qui tam libere de Statu Imperii Germanici, de Capite, ejusque membris agebat, ac multa exponebat, quæ altius penetrabant, aut quæ aliis aliter videbantur. Suboluit statim omnibus fere Rerum Germanicarum peritis, neutiquam hæc ab Homine Italo, rerum alias parum extranearum curioso, esse consignata, maxime cum tam multa sese offenderent, quæ non omnibus tam facile subvenire possunt. Mirabantur Rerum Germanicarum periti ingens indignoscendis rebus judicium, amœnum ingenium, quo Autor involutissimis ac obscurissimis Rebus personam deducebat. Non defuerunt tamen multi in Germania Viri, maxime in Principum aulis, quæ interdum petebantur, qui quam maxime

10  
PRÆFATIO.

---

Illustris Autoris libertatem seu licentiam, uti vocabant, detestabantur, maxime quum viderent, Episcopos, & Clericos, & ipsam Curiam Romanam hoc libro posse concitari. Delatus hic ipse Liber ad Divum Leopoldum Imperatorem, simulque Illustrissimus Liber Baro Boyneburgius, Vir rerum, abs se gestarum, gloria æterna memoria dignissimus, ac si ipse, adjutus forsitan ope Clarissimi Conringii, hunc librum conscripsisset. Male hoc habuit Illustrum Boyneburgium, ceu literæ ad Bœclerum Argentinensem testantur, quarumque summam Kulpisius produxit. Conqueritur, se labe aliena pati, maxime quod ipsius sit facta mentio, ac eo tempore, quo sequiore usus fortuna. Ignorabant tamen omnes, qui librum legebant, verum  
illius

PRÆFATIO.

---

illius Autorem, qui tamen se conjecturis aliquid assequi posse putabant, Boyneburgium vel Hermannum Conringium scriptis publicis etiam Clarissimum Autorem credebant. Aliis aliter visum, qui Eliam Pufendorffium, qui Regis Sveciæ Minister Status erat, Autorem Libri fecerunt, qui Fratri suo nostro Samueli tela subministraverit, quæ ipsa noster devibrare debuisset Autor. Tandem tamen Vincentius Placcius, & Johannes Dekherus rem omnem divinati sunt; qui Samuelem Pufendorffium verum Autorem ostendebant, qui eo tempore in Academia Heidelbergensi Juris Naturalis & Gentium Professore agebat, ac postea in Sveciam obeundæ eidem Professioni in Academia Londinensi erat evocatus, ac postea Holmiæ

Cor

## PRÆFATIO.

---

Consiliarius & Historiographus Regis Sveciæ, rerum suarum, quæ ipsi concreditæ erant, satagebat. Nec adeo delitescere voluit Illustris Pufendorffius, cum in Svecia ageret, ac haut pauci in Germania inveni-  
rentur, qui contra Monzambanum, ut aiebant, fremebant. Provola-  
runt statim in Autorem Martinus Schookius, Oldenburgerus, Præse-  
kius, Senator Ratisbonensis, & Caro-  
lus Schareschmidus, qui omnes sibi  
quid excogitabant, quæ Autori  
possent reponi. Omnes fere, qui  
litem inibant, spargebant nimiam in-  
esse Autori de morbis Imperii judi-  
candi libertatem, nec erubescabant,  
qui scribebant; exuisse Autorem  
omnem in Patriam amorem: mo-  
rem neutiquam laudabilem descri-  
bendi Rempublicam, quo ipse Status  
igno-

## PRÆFATIO.

---

ignominia exponatur, Respublica confundatur, & exteris deridenda prostituatur. Noluisssem hæc Kulpisio probari & excidisse, cum de Germania nostra nondum actum sit, licet Illustris Autor Germaniam, Statumque ejus Publicum, uti tum eum deprehendebat, consignaverit. Nolim putare, multum effecisse librorum prohibitorum censuram, quæ faciem saltem iis, quæ prohibentur, præferre assolet. Nec laudandus est nefandus ille mos & rigor, qui tyrannidem redolet. Neutiquam moverunt sua debilitate expirantia rerum argumenta, Illustris Autoris animum, ut ipse in hac conditione profitetur, certissime cum fuerit persuasus, ab antiquo Imperio nostram compagem, cujus caput Rex vel Imperator est, ex Ducatibus illis & Feu-

## PRÆFATIO.

---

Feudis coaluisse ac suetum in ea cursum; Nexui Feudali seu Imperii retinuisse, cum nihil in Imperio sit, quod sub Ducatibus illis olim non fuerit comprehensum. Sed fremebant haud pauci, qui rerum Germanicarum erant ignari, acsi de Germania actum foret, si status Feudalis vel etiam irregularis in Germania Respublica haberetur. Hi inquam in immensum sibi placuerunt, qui ex antiquorum Philosophorum Regulis tres illas adeo decantatas Imperii formulas, omnes Imperii status dimetiebantur. Urebant hæ adeo Schareschmidi animum, ut Dissertatione aliqua habita, de Republica monstruosa, falsa multa, ne quidem Autori cogitata impingeret. Sed apparuit exinde Rolettus, nam sub hac persona Pufendorffius incebat,



15  
PRÆFATIO.

---

debat, qui nebulas illas uno ictu dispellebat. Ne autem alii, qui infelici suo ingenii partu aliis graves esse solent, haberent, de quo sibi gloriantur, ipse Pufendorffius de Republica irregulari Dissertationem edidit, qua ea, quæ dubia aliis videbantur, explicabat, ac objecta refutabat. Servavit postea liber honorem dignitatemque, illustratusque a Clarissimis in Re literaria Viris, Ulrico Obrecht & Christiano Thomasio, quorum hic Kulpisio, ubi is iniquior Autori visus est, respondit. Nec amplius erunt, qui de Autore poterunt conqueri; ea enim, quæ durius nonnullis posita videbantur, ipse emollivit, quæ dubia videbantur, firmabat, ac nomen apponere tandem suum neutiquam dubitavit, ac post sua fata tandem publici juris fieri præ-

## PRÆFATIO.

---

præcepit. Habes heic, Lector Benevole, quod Beatissimis Viri manibus præstare potui, qui cura quam maxime eo intendi, ut curatius in usum Academiæ Regiæ Berolinensis prodiret liber, quem notis ex ipsis historiarum fontibus & Imperii Legibus explicare ac illustrare aggressus sum, quo facile patebit, Illustrum hunc nostrum Autorem omnia ex Historiarum Monumentis & publicis Legibus hausisse, nec quicquam ex suo ingenio addidisse, quod illi quam maxime negare visi sunt, qui calamum quondam in Autoris librum strinxerunt. Cum igitur mihi propositum sit, has notas, quas adornavi, publici juris facere, ita & tunc demonstrandum erit, quanta libro insint rerum momenta, quæ alii aliter vel intacta reliquerunt.

Vale & Salve.

---



*LECTORI BENEVOLO  
SALUTEM.*



Huit jam larvam hic  
Libellus, postquam  
odia mortalium Au-  
tori rebus humanis  
xento non amplius metuuntur.  
Conscriptus hic fuit impellente in-  
ignatione præreptæ ab altero pro-  
fessionis, quam sibi deberi credide-  
at autor. Editionem præcessit cen-  
ura & adprobatio Principis, cui is  
inc inserviebat; cujus sensa & af-  
ectus hinc inde exprimuntur. Nec  
juvenilis audacia satis perpendit,  
quam periculosum sit privato  
A 2 magna-

magnates vellicare. Placuit post auctori maturioribus annis libellum recognoscere, alieno instinctu aut improvide posita expungere tum hinc inde paucis verbis elidere, quæ ab aliis objecta fuerant. Quæ super religione sub finem libelli adjecta fuerant, omittere visum, quod id argumentum aliis scriptis latius ac solidius ab eodem post deductum sit. Præcipuus autem scopus fuit circa formam Reipublicæ Germanicæ disquirere; quam irregularem esse eo facilius quisque agnoscet, quo, penitus qua ratione vasta isthæc machina gubernatur, perspexerit. Cæterum eam ob causam auctor ab initio fictitium nomen libello præscripsit, quod censura Palatina eum quidem in se probaret, ut tamen alibi eum imprimi suaderet. Igitur  
is

is ad fratrem autoris Eſaiam à Pu-  
fendorf, tum negotia Regni Sue-  
ciæ in aula Gallica tractantem,  
transmiſſus eſt. Qui cum eundem  
typographo cuidam imprimen-  
dum dediſſet, corrector ad verba  
ſ.3. poſita, *ineptus quorundam Gal-  
lorum faſtus* hæſerat, atque effece-  
rat, ut is cenſuræ Mezeræi hi-  
ſtorici notiſſimi ſubjiceretur. Qui  
cum probare non auderet libel-  
lum Lutetiæ imprimi, mox Adria-  
nus Vlacquius Hagæ nullo ſcru-  
pulo publicavit. Operæ pretium  
autem eſt, Mezeræi judicium heic  
ſubnectere.

*Lettre de Monsieur Meze-  
rai touchant le Manu-  
script de Statu Imperii  
Germanici, écrite à un  
Marchand Libraire de  
Paris.*

MONSIEUR ;

**J**'Ay leu le manuscript latin que  
vous m'avez envoyé, de l'Etat  
present de l'Empire d'Allemagne.  
C'est une piece de politique, non pas  
bistorique, comme je le pensois.  
L'Autheur est un homme de grande  
reflexion, qui possède bien son sujet,  
& qui va fort avant. Le livre merite  
bien d'être imprimé, mais pour moi  
je

*je n'oserois en donner de billet :  
premierement parce qu'il y a quel-  
que petit endroit , qui choque la  
France , & vous sçavez , que le temps  
est fort delicat. Secondement par-  
ce que les prestres & moines y sont  
mal traités. Et c'est fort bien fait ;  
mais ils s'en prendroient à moi , &  
me damneroit en ce monde ; car  
pour l'autre je ne les y crains pas , &  
si nous y comparoissions teste à teste ,  
je leur y ferois leur procès plutôt ,  
qu'ils ne me feroient le mien. Qu'y  
a-il donc à faire la dessus ? C'est  
d'adoucir ce qu'il y a de choquant  
contre la France , & que quelqu'un  
de ces Messieurs demande le privi-  
lege , ou le fasse demander par quel-  
que personne , qui ne sçait point la-  
tin , ou du moins de profession des  
lettres , afin que Mr. le Chancelier*

ne lui reproche pas qu'il a fait im-  
 -primer un livre , ou il y auroit à re-  
 dire. C'est l'avis que je vous don-  
 ne , & je vous advertis aussi, qu'il  
 seroit beaucoup meilleur en fran-  
 çois qu'en latin. Car nôtre langue  
 est plus diserte en ces raisonnements,  
 que n'est pas la latine , à moins  
 qu'elle ne soit tres elegante. Je vous  
 ai dit , que si on le desire , je vous  
 fournirai un bon traducteur , vous  
 le direz à ces Messieurs. Je suis, &c.  
 Ce 19. d'Aoust. 1666.





SAMUELIS L. B. de PUFENDORF  
DE STATU  
IMPERII GERMANICI.  
*LIBER UNUS.*

---

CAPUT I.

*De Origine Imperii Germanici.*

**G**ermania Magna quondam  
ad meridiem Danubio, ad  
occasum Rheno finiebatur.  
Sarmatiam versus iidem fere,  
qui hodie termini videntur fuisse: reli-  
qua Oceanus ambibat. Sic ut sub isto  
vocabulo tunc quoque veniret Dania,  
Norwegia, & Suedia usque ad finem  
Bodnicum; quas partes plerique an-  
tiquorum Scandiæ aut Scandinaviæ

nomine complectuntur. Quod adhuc in provincia Scania superest, quæ è continente adventantibus prima occurrit, eoque cum ab exteris primum frequentata fuerit, vocabulum id in totam peninsulam diffudisse videtur. Sed quæ trans istum sinum sita sunt, antiquæ Germaniæ parum recte accenseri crediderim. Nam modernos Finnos linguæ genique diversitas separatam penitus à Suedis, aliisque Germanicis, Gothicisvé populis nationem arguit. Ad quos ipsos tamen illa, quæ *Tacitus de moribus Germanorum tradit*, haut quidquam pertinere, sed ad Lappones, videntur, quorum hodieque par fere vivendi ratio. Veros autem Finnos sub Æsthis latere probabile est. Neque vero mirum, *Tacitum* circa remotissimas illas gentes parum distincte tradidisse; quarum vix tenuis fama ad ipsum erat perlapsa. Enim vero hodie partes illæ septentrionales seorsim regnantur. Igitur ex illo latere Germania Mari Baltico terminatur; & magnam Cherso-

nesi

nesi Cimbricæ partem sibi Dania vindicat. Sed ista velut in compensationem ultra Danubium ad Italiam usque, & Illyricum fines protulit: ac trans Rhenum non exiguus tractus, quondam ad Galliam Belgicam spectans, eidem adcrevit; cujus tamen insignem partem nostra memoria Galli iterum suo Regno junxere.

§. 2. Tam vastum terrarum spatium complures quondam populi insedere, numero inprimis & robore virorum validissimū. Quorum singuli tamen fere suam sibi seorsim civitatem constituebant, à reliquis distinctam, nisi quæ linguæ morumque similitudo, communisque origo jungebat. Et plerique quidem populari regimine gaudebant. Nonnullis Reges erant, sed fere suadendi magis autoritate, quam jubendi potestate. Neque enim isthæc natio unquam totam servitutem potuit pati. Igitur antiqua illa Germania nunquam unum Imperium constituit. Id quod commune habuit cum Italia, Hispania, Gallia,

Gallia, Britannia, & Græcia, antequam istæ à Romanis subigerentur ; ne de aliis partibus orbis terrarum dicamus. Qui status ex primæva illa civitatum origine, qua segreges familiæ paulatim in unum corpus coaluere, magis expressa retinebat vestigia. Verum utut antiquis illis eximia quadam libertatis specie talis autonomia cum primis blandiretur : tamen tantam multitudinem Rerumpubl. frequentissimis inter se bellis collidi necessum erat. Et vel ideo exterorum invasionibus opportunæ reddebantur validissimæ cætera gentes, quod uno imperio vires ipsarum non connecterentur. Imo ne fœderibus quidem pleræque sat mature se contra commune periculum muniebant ; sed tunc demum concordia bona sentiebant, postquam dum singulæ pugnarant, universæ victas sese compererunt.

§. 3. Ab isto statu ut discederet Germania, primi causam præbuere Franci. Quæ natio ad Germanos, an ad Gallos primam referat originem, non ita  
in

in expedito est. Nam utut concederemus, quidquid populorum Græcis quondam sub communi Celtarum vocabulo fuit comprehensum, puta Illyrios, Germanos, Gallos, Hispanos, & Britannos, ex uno velut fonte promanasse; quin tamen isti deinceps moribus & linguis insigniter discreparint, nemo antiquitatis peritus inficias iverit. Occasionem disceptationi dedit ineptus quorundam Gallorum fastus, qui obliti, non paucos quondam Galliæ populos ultro circa originem Germanicam fuisse ambitiosos, Germanos Francorum generis autores agnoscere fastidivere. Isti ergo contenderunt è Gallia magnam hominum multitudinem sese quondam trans Rhenum in Germaniam effudisse, tractumque circa Mœnum fluvium ad sylvam usque Hercyniam insedisse. Eam postea, transmissio aut occupato, quod ad dextram Rheni ripam ad ejus divergium jacet, id flumen transgressam, antiquæ sedes patriæ postliminio velut recuperasse. Partem  
tamen

tamen circa Mœnum hæsisse, circum-  
jectæque regioni de se nomen indidisse.  
Pro ea opinione firmanda testis excitatur *Livius* l. V. c. 34. *Cæsar de Bello Gallico* l. VI. *Tacitus de Moribus Germanorum* c. 28.

§. 4. Hisce tamen non absurde reponere possunt Germani, scriptorum Romanorum auctoritatem non esse omni exceptione majorem; quippe qui adseveratione fat languida de rebus longissime à sua memoria remotis tradidere, & quidem circa populum exterum, cujus antiquitates nullis literarum monumentis, conservabantur. Neque vero simile videri, cum Trebocci, Nemetes, Vangiones, Treviri, alique Rheno propiores populi originem Germanicam jactaverint, oram hisce fere oppositam à Gallico fuisse populo occupatam. Et ut maxime detur, Francos ab initio fuisse coloniam Gallorum: tamen qui per secula circiter octo in solo Germanico habitaverint, linguamque & mores à reliquis Gallis discrepantes, sed  
Ger-

Germanis congruenter induerint, inter Germanos deinceps censendos manifestum est, saltem hætenus, ut posteris ipsorum causa non sit, quare Germanica stirpe erubescant. Id constat, ante seculum à Christo nato tertium vix ullam in historiis Francorum fieri mentionem. Unde probabilissima sententia est, circa tertium seculum plures Germaniæ populos, inter Rhenum & Albim sitos, id vocabuli sibi imposuisse, ostentando eximio tuendæ libertatis studio, adversus Romanos, è Galliis subinde Germaniæ quoque jugum intentantes. Nam Francus Teutonice lingua liberum hominem notat. Etsi alii pressius prima regni Francici incubula apud Sicambros, & alios circa populos ad Isalam investiganda censeant. Adducuntur quoque testimonia Francisci I. & Henrici II. Regum Galliae, qui in literis ad Ordines Germaniæ è stirpe Germanica genus se profitentur ducere. Etsi sola isthæc testimonia rem non conficiunt, cum cordatioribus

tioribus non difficulter suboleat, quo fine ejusmodi exoletæ cognationes quandoque jactentur.

§. 5. Isti igitur Franci in Ubiis, ut vulgo traditur, Rhenum transgressi maxima Galliarum parte subacta nobilissimum Franciæ Regnum condidere. Cujus Reges è prima stirpe, quæ Merovingica adpellari solet, flexo velut victoriarum cursu, Rhenoque iterum superato, Alemanniam, & quicquid fere terrarum inter Mœnum & Danubium retro in Thuringos extenditur, subegerunt. Verum longe lateque Francicum Imperium per Germaniam extendit Carolus Magnus, victis cumprimis Saxonibus, & Tassilone Bavarix Rege. Sic ut iste ditioe complecteretur non solum pleraque Germanicis populis infessa, sed & quæ versus Mare Balticum & Poloniam ad Vistulam usque Slavi tunc obtinebant. Nam & hos Carolo tributarios factos, aut saltem ejus majestatem comiter coluisse historiæ testantur.



§. 6. Hunc Carolum suæ nationi vindicare Germani plerique anxie satagunt, quippe editum in lucem Ingelhemii oppido prope Moguntiam, jam in ditione Electoris Palatini. Imo in antiquo instrumento Abbatiae Fuldensis terra circa fluvium Unstrut, i. e. Thuringia vocatur terra conceptionis ipsius. Eundem quoque lingua Teutonica usum evincunt nomina mensium, quæ ab ipsa posita creduntur. Enim vero in contrarium adferri potest, quod Franci sedem regni sui in Gallia statuerint, quam tunc Rhenus adhuc à Germania dirimebat; quo regno Caroli pater Pipinus potitus est, ejusdemque majores in eodem summis honoribus functi sunt. Partes autem Germaniæ Cisrhenanæ, quæ tunc ad regnum Francorum pertinebant, accessorii duntaxat instar habebant velut provinciæ bello subactæ. Illius porro nationis quisque censetur, cujus pater ipsius est, & ubi sedem fortunarum à patre majoribusque traditam obtinet. Solus nativitatis locus

B. diver-

diversæ à paterna nationi aliquem haut-  
quidquam inferit ; quanquam si Rhe-  
num limitem ponamus, Ingelheimium  
in Gallia situm est. Neque Germania  
Cisrhenana sub Franciæ vocabulo venit,  
nisi postquam ea sub Carolo Francorum  
regno fuit adjuncta. Nam inprimis ,  
ubi ipsius posterius avitum regnum divi-  
sissent , ab autoribus frequentari inci-  
pit distinctio inter Franciam Latinam  
seu Occidentalem , & Teutonicam sive  
Orientalem ; quæ ipsa est Germania  
magna seu Cisrhenana. Etsi post Otto-  
num tempora ea Germaniæ adpellatio  
paulatim videatur exolevisse. Dubium,  
quod è Caroli lingua movetur, commo-  
dissime hoc modo expediri potest. Galli  
Romano jugo subjecti paulatim domi-  
nantium quoque linguam adscivere, sic  
ut demum vix ulla antiqui Celtici Ser-  
monis superaverint vestigia. Francos  
porro in Gallias ingressos Teutonicam  
suam linguam non statim oblitos extra  
dubium est. Sed nec iidem antiquos  
Gallos interneçione deleverunt, aut se-  
dibus

dibus ejecerunt , sed Imperium duntaxat in eosdem sibi asseruerunt. Exinde tamen contigit , ut qui Francici essent sanguinis , in republica eminerent ; antiqui Galli tanquam victi deterioris conditionis essent. Quem admodum autem , quando duo flumina diversi coloris confluunt , utrumque aliquandiu suum colorem , quem communi alveo intulit , servat , donec tandem majus in minori suum paulatim perdat : ita ab initio aliquandiu retinuerunt suam linguam Galli , suam item Franci , donec successu temporis ex utraque mixta cinnus velut quidam emerfit , in quo tamen Latina plurimum prædominaretur. Cujus rei ratio facile investigari potest. Nam sine dubio multitudine excedebant Francos Galli ; & longe difficilior hisce erat addiscere linguam Teutonicam , quam illis Latinam. Inde etiam apud antiquissimos rerum Francicarum scriptores vulgaris lingua Latina rustica audit , quod nobiliores Teutonicam adhuc lin-

quam retinerent ; cum rustici & reliqua antiquorum Gallorum plebs nil nisi Latinum sonare sermonem nossent. Sic hodieque deprehendimus in Livonia & Curlandia , ubi per Germanos antiqui incolæ ad conditionem rusticorum reducti sunt , omnes fere nobiles oppidanosque callere linguam rusticanam ; Rusticorum contra vix decimum quemque voculam Germanicam intelligere. Ergo Carolus potuit nosse linguam Teutonicam, tum quia illa inter Francicæ stirpis homines nondum usurpari desierat ; tum quia magnam Germaniæ partem & antea Franci , & ipse universam imperio complexus erat. Nec vero rudi illo seculo cum Germanis conversari licebat , ni vernacula ipsis lingua fermocinari nosses. Cavendum & tamen ne diversæ heic quæstiones confundantur. Si enim quærat, ad Gallos , an ad Germanos Carolus primam stirpis suæ originem referat ; sine dubio respondendum erit , quod non sit stirpis Gallicæ, sed Germanicæ seu Francicæ.

Verum

Verum si quærat<sup>ur</sup>, qua patria idem c<sup>en</sup>seri debeat, Gallia non Germania ipsi assignanda erit, adeoque hoc intuitu non Germanus, sed Franco-Gallus dicetur. Sic apud homines Germanos si in Nobilem Livonum incidas, eumque interroges, cujas sit? respondebit, se Livonum esse, non Germanum. Ubi ulterius instas, quali stirpe sit oriundus, quod Livoniam duplex natio incolat; dicet se Germanum esse, non Lettonem.

§. 7. Cæterum Carolus hic diversas regiones imperio suo complexus erat, diverso adquisitas titulo. Franciam obtinebat tanquam paternum regnum jure hæreditario ad se devolutum. Ut enim apud antiquissimos Francos aliqua procerum quoque, populique in Rege constituendo intervenisse auctoritas legatur; putaverim tamen eam magis habuisse instar solennis inaugurationis, obsequiique erga novum Regem contestationis, quam liberæ electionis. Nec temere ab ordine sanguinis discessum, nisi per factionem aut quia hæres

Sceptro penitus inhabilis judicabatur. Regno Franciæ jam antea juncta erat pars Germaniæ; reliqua à Carolo armis subacta. An quidam ultro sub ipsius imperium concesserint veneratione magnitudinis, in obscuro est. Belli quoque jure subjecit sibi regnum Longobardorum in Italia, prætextum suppeditante Pontifice Romano. Idem denique Imperator Romanorum Augustus voluntate Pontificis Populique Romani est consalutatus: per quem titulum quid acceperit, paulo post monebimus.

§. 8. Sic igitur sub Carolo Germania fuit portio regni Francorum, sat absoluto ipsorum, ut videtur, imperio subiecta. Eam in complures provincias divisam præfecti, originis plerique Franciæ, sub nomine Comitum aut Marchionum administrabant. Etsi Saxonibus amplior quædam libertatis species relicta; quippe quos Carolus, diuturno demum bello fractos, in jura populi Francici adscivit unamque velut gentem cum Francis esse jussit. Ut tamen

tamen ferocem nationem , servitii que impatientem eo melius in officio contineret , adsumti in subsidium sacerdotes , qui populum religione Christiana imbuerent ; simulque sedulo inculcarent , quantopere illis essent devincti , per quos viam adipiscendæ salutis æternæ didicissent. Inde complures Episcopatus atque Abbatiae per Germaniam Carolum fundatorem agnoscunt. Eadem conditione sub Ludovico Pio Caroli filio Germania fuit , nisi quod præfectorum illorum autoritas & potentia magis magisque adolescere , sacerdotibus simul per indulgentiam Principum gliscente opulentia fastus non parum augeri cœpit.

§. 9. Verum postea cum Ludovici hujus filii paternum imperium inter se divisissent , (quæ præcipua fuit causa convulsæ potentiae Francicæ, prostratæque familiae Carolinæ : ) avulsa fuit à reliquo corpore Imperii Francici Germania , & peculiarem sibi Regem accepit Ludovicum Pii filium. Et quanquam

mox sub Carolo Crasso cum reliqua Francia iterum coaluit ; non longo tamen , post tempore Arnolfo Rege ab ista iterum avulsa est , ac deinceps suas res sibi seorsim Germania habuit. Cum hacce coaluit magna Galliæ Belgicæ pars ad Rhenum vergens, Teutonicis fere populis infessa , quæ à Lothario itidem Ludovici Pii filio Lotharingiæ nomen est sortita ; etsi hodie modica duntaxat regni Lotharii portio isthoc vocabulo insigniatur. Cæterum inter exitialia bella , quibus Caroli posterì inter se collidebantur, non solum enormia fumsit incrementa procerum Germaniæ potentia , sed etiam ipsa stirps Carolina demum penitus fuit extincta, aut saltem regno Francorum dejecta, (nam hodieque & Comites Palatini ad Rhenum, & Duces Lotharingiæ alique à Carolo stemma suum deducunt;) ac Germani è suæ nationis proceribus sibi Reges legerunt. Ex quo tempore Germania separatam rempublicam constituit , nec cum Francia communi imperio



perio est uſa. Porro quia Germanorum Reſpublica populari uſu nomine Sacri Romani Imperii ſolet denotari, operæ pretium puto erit paucis inquirere, quo modo hunc titulum primitus naſta ſit? quid per eum ipſi acceſſerit? & quo jure eundem hodie gerat? Ad quod ſolide intelligendum neceſſum erit paucis repetere, ad quam conditionem antiquum imperium Romanorum ante Carolum redactum fuerit.

§. 10. Quemadmodum igitur populus Romanus, poſtquam nobiliſſimam orbis terrarum partem jugo ſuo ſubjecerat, demum ambitione paucorum præpotentium civium in bella civilia ruerit, & exinde ſub unius dominatum pervenerit, in vulgus notum eſt. Cæterum Auguſtus Monarchiæ Romanæ conditor uti ope militum imperium quæſiverat; ita per eosdem idem ſibi fervandum eſſe facile perſpiciebat. Inde utut circa multa imperii negotia nonnulla poteſtatis ſpecies Senatui relictæ; curam tamen rei militaris ſibi ſoli

seposuit, eamque nomine Imperatorio non obscure præ se tulit. Enimvero tanquam præcipuum regni arcanum, curatissimis simulacris involvendum, & à vulgi militaris intelligentia submovendum erat, penes milites esse Imperatores solio admoveere & deturbare. Quod postquam evulgatum fuit, non minus misera ipsius Imperii, quam Imperatorum conditio extitit. Illud enim frequentibus bellis intestinis debilitatum, ex libidine avari aut turbidi vulgi sæpe pessimos homines cervicibus suis imponi sensit; sæpe optimos rectores immani scelere sibi immature eripi luxit. Neque his satis firma transmittendi ad posteros suos imperii spes; & precarius semper spiritus inter venales trahendus. Ergo revera vis Imperatores constituendi erat penes milites; (id quod usu venire solet omnibus Monarchiis militari-  
bus, seu ubi validus quispiam, isque perpetuus exercitus uno in loco alitur.) Senatus Populusque imbellia & vana nomina erant, illudendæ simplici plebe-  
culæ

culæ retenta, quasi univerforum ultro-  
 neus consensus imperium daret. Su-  
 perstructum istud militari licentiæ re-  
 gnum uti ad diuturnitatem erat in-  
 eptum; ita ejusdem ruinam insigniter  
 maturavit Constantinus Magnus, &  
 Theodosius: Ille fixa Byzantii sede re-  
 gni, & dimotis à ripa Rheni & Danu-  
 bii in Orientem legionibus validissimis:  
 hic diviso inter filios ignavissimæ indo-  
 lis Imperio, quos proditorum insuper  
 improbitas non parum adfligebat. Exin  
 duo pro uno regna extitere, nulli alii  
 usui, quam ut divulsus orienti occi-  
 dens barbaris eo facilius succumberet.  
 Nec multo post Imperio Occidentis  
 finis impositus, capta & vastata per He-  
 rulos, Gothosque Roma; quæ & an-  
 tea reliquis provinciis non deteriore  
 jure, quam quo partæ fuerant, exci-  
 derat; & nunc propriæ libertatis jactu-  
 ram experiebatur, regni Gothorum  
 accessio facta.

§. II. Post, Gothorum opibus collapsis,  
 Roma & magna Italiæ pars Imperio  
 Græ-

Græcorum adjuncta; etsi ista ob antiqui venerationem fastigii, & quod Constantinopoleos sese matrem ferret, ad sociæ potius, aut comparis, quam subiectæ modum tractaretur. Revera tamen summum imperii penes Imperatores Græcos erat, qui id Romæ ac per alia Italiæ loca sibi parentia missis Exarchis exercebant. Sed paulatim Pontifices hujus quoque Græci imperii tædere cœperat. Causam ipsi referunt in libidinem Exarchorum, & quod nonnulli Græcorum Imperatorum in imagines sævierant; quæ tamen utilissimum judicabantur instrumentum superficiariis pietatis ritibus imbuendæ rudi plebeculæ; postquam illa fere ad capienda solidiora inhabilis & per solam animi puritatem, vitamque honeste exactam Numine posse uti propitio sacerdotibus parum quæstuosum. Fortassis etiam credebatur multum splendoris accessurum Ecclesiæ, si pedetentim seculare sibi imperium stabiliret Pontifex, penes quem alias sacræ potestatis

testatis per orbem summa erat. Et sane ferendum non videbatur, mancipio Imperatoris Græci interdum virilitate deminuto obnoxium vivere illum, quem Deus tanta cum autoritate suum in terris Vicarium statuerat, ut ipsi à negotiis Ecclesiæ deinceps otioso solis rebus civilibus invigilare vacaret; has quoque eidem delegaturus, ni constaret, sanctissimas Præfulum animas, divinorum dulcedine rerum delinitas, à profanis istis penitus abhorrere. Enimvero utut non metueretur longe remotus Græcorum Imperator, quem alias satis distinebat ingruens per orientem Sarcenorum vis: terrebat tamen Longobardorum potentia, toti sine dubio Italiæ imminens, & jam ipsa Romæ suburbia affrans. Huic cum par solus Pontifex non esset, haut occurrebant, qui validius auxilium sedi Romanæ possent ferre, quam Francorum Reges. Quos ad id promptissimos reddebat favor gloriæ, illum ab aliorum injuriis vindicasse, per quem quidquid Christianorum

rum animos divinæ gratiæ irrigat, velut ex inexhausto fonte dispensatur. Nec leviter de Pipino, Caroloque meritis fuerat Pontifex, dum Chilperici tonsuram adprobat. Id quod hisce quantivis esse debebat; cum alias facile conscientias ipsorum scrupulus potuisset urgere; an jure subditus in Monachum radat Principem, qui id tantum videbatur peccasse, quod ministro prævalido plus, quam regno expediebat, potentiæ indulgisset. Ac in eo cum primis favebant Francis fata, quod tam plausibilem nanciscerentur occasionem Italiam invadendi, quæ sui desiderio semper transalpinos uffit.

§. 12. Postquam igitur Carolus per Italiam sibi subjecisset, quod antea Longobardorum fuerat, Pontifex, in quem ex præda non parum redundarat, ut gratum sese ostenderet, simul in posterum de stabili defensore sibi prospiceret, Imperatorem atque Augustum, acclamante plebe, ipsum declarat, saltem inquam primarius civis, & sacerdotum  
ejus

ejus urbis princeps, quos circa auspicanda ejusmodi negotia intervenire solenne habetur. Per istum titulum quid Carolus acceperit, non ita in aperto est. Sane dudum desierat Roma esse sedes antiqui Imperii Romani, facta primum accessio regni Gothorum, inde Imperii Orientalis. Ergo non poterat à Romanis tunc in Carolum conferri, quod quondam ad Imperium occidentale pertinuerat; nam id jure belli, cessionibus, aut per derelictionem dudum in alienam ditionem transferat. Quin ipsa Roma sui juris non erat, adeoque alteri se donare non poterat. Unde & Carolus illud vocabulum usurpare dubitavit, priusquam transactio super ea re cum Imperatoribus Græcis intercessisset. Circa quam hi quidem non adeo erant difficiles, quod Francos habere amicos expediret, ne Calabria quoque ipsos exuerent, & quæ alia ipsis opportuna loca Græci tenebant. Sed & quicquid juris Carolo in urbem Romam ac circumjectas regiones

giones competebat , id non demum ex ista acclamatione partum fuerat ; sed jam ante ipsi in easdem jus quæsitum erat vel jure belli vindicatis sibi , quæ Longobardi antea tenuerant , vel ultro-nea submissione validum sibi defenso-rem adsciscientium. Sic ut vix adpa-reat , quid solidi in Carolum tunc col-latum sit , aut conferri potuerit ; nisi quod Pontifex , populusque Romanus repetitum ex antiquæ Romæ statu splendissimum Imperatoris & Augusti titulum novo Principi per adulationem , aut testandæ venerationi circumposue-rit. Quale autem jus illud fuerit , quod Carolo runc in Romanam urbem , ac circumjecta competebat in diversa ab-eunt scriptores , prout in Cæsarem aut Pontificem studio feruntur. Id in con-fesso est , à Carolo Ecclesiam , sedemvè Romanam multis terris , ac potestate aliqua in ipsam Urbem fuisse donatam. Illud ambigitur , utrum Carolus supre-mi jus imperii in istas sibi reservarit , solis proventibus , ac inferiore quapiam  
juris.



jurisdictione in Pontificem & Ecclesiam Romanam collata: an vero plenum dominium istarum rerum in Sedem Romanam contulerit, solo defensoris, protectoris, seu Advocati munere sibi retento. Circa quæ in effectu parum interesse videtur; Sane qui semel Ecclesiæ quid donarunt Principes, haut videntur aliud quid juris in hoc sibi reservasse, quam quod ad idem defendendum & conservandum pertineat. Defensoris autem & Advocati munus est, Sedem Romanam, ejusque bona contra quosvis defendere, & si quæ intrinsecæ turbæ oriantur, in dedecus aut damnum Ecclesiæ redundaturæ, autoritate sua componere. Cui vicissim incumbit, majestatem defensoris comiter colere, ac inprimis neminem ipso invito in Sede ista collocare. Unde defensoris aut Advocati jus non excedit, per pravas artes Pontificatui immissos expellere, Ecclesiæ subversionem aut dedecus insignemolientes in ordinem redigere, aut Romanos, aliosvè in Pontificem insur-

C

gentes

gentes compescere sumtibus in eam rem factis è ditionibus Ecclesiæ repetitis. Sed qui utique contendunt, Carolum Pontificem cum urbe Roma, bonisque ad Sedem Romanam spectantibus in subjecti loco habuisse, ac in hæc exercuisse plenam imperii vim, quæ in ferendis legibus, indicendis tributis, constituendis magistratibus, jure dicendo, aliisque similibus sese exserit; illi viderint, quomodo cum hisce donationem à Carolo factam concilient. Sane vero similis videtur, ab isto tempore Sedem Romanam peculiaris instar civitatis constituisse, neque cum Regno Francorum in unam rempubl. proprie loquendo coaluisse. Cæterum Carolus, & nonnulli ex ipsius posteris, uti Imperatoris & Augusti vocabulo sic satis sibi placuisse videntur, & ob id inter reliquos Reges haut sane repugnantes primum sibi locum asseruisse: ita, quantum mihi constat, sub stirpe Carolina regnum Francorum titulo Romani Imperii fuisse insignitum nusquam legitur.

§. 13. Vergente Caroli profapia & Germani suam rempublicam à Regno Francorum disjungere, & Italiam gravissimæ exercuerunt turbæ, dum è veterum ruina opum alii novas sibi extructum eunt. Inter istas cum Rex Germaniæ Otto I. devicto Berengario regnum sibi Italiæ subjecisset, Pontifici nondum viribus suis confiso consultissimum visum Ottonem sibi defensorem, an Principem adsciscere eodem fere quo antea Carolum jure. Et quidem ut deinceps illa protectio Sedis Romanæ regno Germaniæ ita conjuncta foret, ut qui eo regno potiretur, ad hanc quoque statim jus nancisceretur. Cæterum postquam non pauci ex antiquis Germaniæ Regibus jus istud qualecunque in Sedem Romanam sat mascule exercerent, & vero interea non Pontificis solum, sed & Episcoporum per Germaniam potentia immensum glisceret, Germaniæ quoque protectionis fastidium Pontifices cœpit subire. In causa erat quibusvis nationibus infixæ ad-

versus extraneam dominationem averfatio ; & quia indignum erat prudentia celebres Italos ferocia Germanorum imperia respicere. Urebat quoque Vicarium Christi diutius velut sub tutela agere , qui jam dudum omnibus leges ferre pruriebat. Igitur excutiendo isti oneri hæc via initur , ut Regibus Germaniæ negotium facefferetur modo per Italiam , modo per ipsam Germaniam , strenue operam navantibus Episcopis ; subinde quoque in eosdem fulmina emitterentur , quorum istis seculis maximus terror erat. Sic tandem Teutonicos Reges Italiæ tædium paulatim cepit , iidemque contenti suo regno Sedem Romanam arbitrio Pontificum reliquerunt ; id quod hi tot seculis varias per artes , magnosque Europæ motus quæsierant. Retinetur tamen antiquus Titulus Imperatorum Romanorum , & dum regnum ipsis defertur , primo loco defensio Sedis Romanæ injungitur. Abs qua tamen cura Electores Protestantes otiosos eosdem esse jubent.

§. 14. Ex quibus adparet, falli eos qui credunt, regnum Germanorum in antiqui istius Romani Imperii vicem subiisse, & hoc in illo continuari, cum istud Imperium, cujus Sedes Roma erat, dudum fuerit destructum, antequam Germania unius instar regni habere cœpisset. Titulus autem ille Imperatorum Romanorum, in Carolum & Ottōnem collatus successu temporis regno Germaniæ vocabulum Romani Imperii adfricuit, utut ditiones Sedis Romanæ cum regno Germaniæ nunquam in unam civitatem coaluerint; multo minus Carolus aut Otto sua regna Romæ velut Sedi Imperii aut Metropoli subjecerint. Scilicet cum crederetur, in vocabulo Imperatoris Romani ob amplitudinem antiqui istius Imperii eximii quid splendoris inesse, Reges Germanorum solo isto nomine notari frequens erat. Cui consequens erat, ut Germania quoque velut nobiliore nomine Imperium Romanum inciperet vocari. Distinctionem tamen

Romani Imperii à regno Germaniæ haut obscure arguit distincta coronatio & inauguratio. Et recentiores Cæsares à Maximiliano I. post nomen Imperatoris Romanorum expresse subjungunt Regis Germaniæ titulum. Quin & hodie Germanis solenne est vocare Imperium Romanum Teutonicæ nationis. Quæ tamen formula contrarium sibi ipsi sensum videtur habere, postquam satis liquet, modernam Germanorum rempublicam cum antiquo Romanorum Imperio unum & idem non esse. Retinent tamen receptum semel vocabulum Reges Germaniæ, utut dudum & coronationem Romanam omiserint, & vix quidquam ex antiquæ illius Advocatiæ juribus usurpaverint; quia Principibus solenne est re citius quam titulo cedere. Anne illud quicquid est juris lapsu temporum expiret, sed solo tituli usu conservetur per occasionem aliam iterum exercendum?

§. 15. Cæterum ex titulo Imperii Romani non modo nihil emolumenti, sed

sed & plurimum damni & incommodi in Germaniam redundasse in apri-  
co est. Habent hoc omnes fere sacer-  
dotes, ut manus semper paratas ge-  
rant ad accipiendum, nunquam ad  
dandum. Et cum alii clientes patro-  
nos suos muneribus demulceant, Sa-  
cerdos cliens, ni ultro donis delinia-  
tur, ringitur, suamque benedictio-  
nem in immensum imputat. Et judi-  
caverim, priscos illos Principes, ut  
tantas opes in Clerum per Germa-  
niam cumulerent, inde fuisse motos,  
quod sibi potissimum à Deo injunctum  
crederent providere, ut isti ordini  
quam lautissime esset prospectum. Sic  
quantas opes prodegit Germania in  
profectiones ad capeffendam Coronam  
Romanam? Quantum auri & viro-  
rum absumserunt expeditiones in Ita-  
liam, compescendis turbis à Pontifi-  
ce motis, aut ad eundem contra refra-  
ctarios protegendum? Nec enim un-  
quam extranei valde gavisi sunt Ita-  
liam tentavisse. Denique nulli unquam

Principes sæpius anathemate fuerunt percussi , nulli crebrioribus Sacerdotum turbis agitati , quam Germanorum Imperatores. Cujus rei præcipuæ causæ fuisse videntur , vel quod crederetur ad Sedem Romanam rationis suas potissimum referre debere illos , qui eo titulo præ cæteris superbirent : vel ut alieni Imperii impatiens ordo abs matre sua invisam secularium autoritatem amoliretur.



CAPUT



## CAPUT II.

*De Membris, è quibus jam Imperium  
Germanicum componitur.*

**P**ostquam igitur semel ope  
Francorum coaluere populi  
Germaniæ, validissimum  
semper inter Europæos corpus consti-  
tuere visi sunt; quod nec hodie mole  
sua conspicuum esse desiit, utut non  
modicæ partes in aliorum ditionem con-  
cesserint, aut in separatas sese civita-  
tes segregaverint. Quanto angustius  
jam olim, quam olim, à Germanis  
imperitetur luculenter exsecutus est  
*Hermannus Conringius*, Vir rerum pa-  
triarum peritissimus, peculiari libro  
*de Finibus Imperii Germanici*. Nobis  
præsentia duntaxat observasse proposi-  
tum est. Ergo qui inter primaria Im-  
perii membra censentur, *Statuum Im-  
perii* vocabulo designantur; qui scilicet  
sessionem, ut loquuntur, seu jus suffra-

gii ferendi in Comitiiis obtinent. Quamquam sunt non pauci, qui ab aliis eximuntur, seu quorum personam alii potentiores Ordines in Comitiiis referunt, idque vel publice ab omnibus quorum interest concessio, vel ambiguo adhuc jure, dum quibusdam super immediato statu ab aliis controversia quidem movetur, his tamen ipsis, quorum exemptio tentatur, vel Imperio contradicentibus. Ea exemptio huc tendit, ut hi istos inter Ordines suos provinciales revocare velint. Sed & circa Principes potissimum observandum, regulariter Domui alicui Principali in Comitiiis certum suffragiorum numerum competere, prout ditiones possidet quibus è consuetudine jus suffragii adhæret. Aliæ enim Domus seu familiæ unum duntaxat suffragium obtinent, aliæ duo, tria, & amplius. In quibusdam porro Principatibus primogenitus totam ditionem sortitur, reliqui apenagio coguntur esse contenti; in aliis omnes fratres ad aliquam, utut non semper æqua-

æqualem, cum primogenito portionem admittuntur. Ubi prius obtinet, primogenitus reliquorum fratrum personam solus refert; vel potius nulla eorum habetur ratio. Sed posteriore casu, ubi à pluribus una ditio suffragii capax pro indivisa possidetur, singuli quidem venire ad Comitia possunt, sed suffragium duntaxat unum ferunt, de quo inter ipsos est conveniendum. Sed ubi singuli seorsim de sua portione sessionis jure dotata sunt investiti, singuli quoque suffragium ferunt.

§. 2. Cæterum ut quis probet, se Statum esse Imperii, duo judicantur vulgo sufficere; ut sit inscriptus matriculæ, seu albo Statuum; & ut, quæ Imperio solvendæ sunt collectæ, eas in publicum; non autem in alterius status ærarium inferat. Et si planissimum heic est ad possessionem provocare. Nam aliqui contendunt, se per errorem in alterius ærarium suam portionem intulisse; alii contra nonnullos per meram usurpationem, præterito ærario provinciali, ad

ad publicum provolasse arguunt; prout quisque inter Status referri, aut alterum inde excludere laborat. Nec vero ulla adhuc extat matricula, in qua nihil deficiat aut redundet, & circa quam non aliqui controversiæ quid movere soleant. Etsi pro authentica habeatur illa, quæ anno *superioris* seculi XXI. WORMATIÆ communi Cæsaris atque Statuum consensu condita fuit, cui ejusdem seculi Anno LI. LVI. & LXVI. supplementa accessere. Ego judicaverim, antiquissimas illa matriculas, quæ plurimos inter Ordines Imperii referunt, qui dudum à Comitibus exularunt, esse potius recensitionem eorum, qui hisce tunc interfuere, quam, instrumenta auctoritate publica confecta, è quibus in utramque partem indubia argumenta possint deduci. Sed & è varietate ista matricularum liquido videor colligere, antiquissimis temporibus non fuisse certum Ordinum numerum, sed Comitibus adire licuisse, quicumque aliquod in Republica momentum opibus aut prudentia

tia

tia se putabat facere. Postea paulatim tenuiores, quos privatarum rerum cura publico vacare non permittebat, ultro emanfisse alios à potentioribus exclusos, donec ad eum, qui nunc est, numerum fuit perventum. Nobis matriculam integram huc transcribere tædio est. Præcipuos tamen Ordinum recensere necessum fuerit, ut exinde de magnitudine totius corporis judicari queat.

§. 3. Inter Principes seculares primum locum deferimus familiæ Austriacæ, non tam ob antiquitatem, qua etiam aliæ familiæ se jactant, quam ob ditionum amplitudinem, opulentiamque, & quod fastigium Imperatorium per aliquot jam secula infederit. Hanc inusitata quædam fati clementia è sat tenuibus initiis ad invidendam magnitudinem provexit. Rudolphus erat Habsburgi Comes, modicas opes, nec supra dignitatis suæ mensuram, in Helvetia & Vicino tractu possidens, sed bello strenuus. Hic Electorum suffragiis idoneus judicabatur, qui confusissimum qua-

quatuor fere lustrorum interregno Germaniæ statum repararet. Hic uti Rempublicam sat egregie constituit : ita circa stabiliendas & amplificandas Domus suæ res non minus felicitatis quam industriæ fuit. Nam & per nuptias filiarum primariis Germaniæ familiis sese innexuit, novis suis rebus in decus simul atque subsidium. Parando de hinc familiæ suæ peculiari Patrimonio sat facultatis præbuit dignitas Imperatoria, cui cum feuda vacantia in alios conferre liceat, quo minus & suorum rationem habeant, nemo sanus vitio dederit. Ita in Albertum filium collata Austria, Stiria, Carniola, Vindorum Marchia, & aliæ quædam ditiones, quas devicto Ottocaro Bohemiæ Regi earum usurpatori eripuerat. Quibus dein plurimæ aliæ ditiones accesserunt fere per matrimonia, circa quæ vix alia familia felicior unquam fuisse legitur. Cum opibus reliquos Principes exsuperarent, par quoque fuerat eosdem tituli splendore cæteros Duces eminere. Sed &  
quia

quia invidiosum nimis erat, recentem familiam præ antiquis priorem in Comitibus locum occupare, nec illis tamen cedere placebat; Igitur primum sibi locum inter Principes Ecclesiasticos cepere, qui separato à Principibus secularibus scamno sedent. Hi enim, cum ex inferiore ut plurimum profapia ad fastigium principale adscendant, non adeo pertinaciter super loco cum ipsis erant certaturi. Quo ipso & directorium quod vocant in Senatu Principum alternis vicibus cum Archi-Episcopo Salisburgensi exercendum obtinuerunt. Sic ergo Austriaci ditione sua complectuntur pleramque Germaniæ partem, qua illa ad meridiem & orientem vergit: quam Regnum Bohemiæ, ac Provinciæ Austriacæ propriæ dictæ componunt. Accedit Regnum Hungariæ jam quoque hereditario jure, postquam felicibus Leopoldi Imperatoris armis major ejusdem pars è barbarorum manibus erepta fuit.

§. 4. Probe autem observandum, Austriacos in sua familia dignitatem Cæsaream tamdiu continuasse, non solum quod vix ulla sit præter ipsam in Germania Domus, quæ ejus fastigii splendorem propriis redditibus tolerare queat: sed etiam quod opes suas ita disposuerint, ut nullo negotio peculiarem Rempublicam constituere possint, si contingat, alium ad Cæsareum munus vocari. De talibus enim privilegiis ipsis est prospectum, ut ubi alterius Imperatoris auctoritatem agnoscere displiceat, statim dicere possint: sibi cum Germanico Imperio nihil negotii esse; suas ditiones separatam efficere civitatem; aut se non nisi precario, & quantum ipsis arrideat majestatem Imperatoris agnoscere. Id quod non solum corpus Imperii insigniter esset mutilaturum, avulsa tam insigni parte: sed etiam ad similia molienda invitaturum, qui propriis sese opibus subsistere posse confiderent. Imo exemplo semel introducto etiam tenuiores dispari esse con-



conditione fastidient. Sicut demum ad Italiae faciem redigenda esset Germania; quæ tamen an eodem sese modo sit conservatura mihi valde dubium videtur. Isthæc autem non temere fingi facile agnoscet, qui noverit, Regno Bohemiae cum reliqua Germania nihil fere negotii esse; aut qui pleraque privilegia Domus Austriacæ paulo attentius consideraverit. Pauca capita è privilegio Caroli V. excerpisse sufficiet: in cujus exordio non dissimulat communem hominibus affectum, ut suis familiis quam optime cupiant. Jubet Austriam esse feudum perpetuum, quod nulli Imperatorum ab ea familia tollere liceat. Jubet Austriæ Ducem esse Consiliarium Imperii, ita ut ipso inscio nihil decerni queat. Et tamen ipsum ejusque ditiones ab omnibus Imperii oneribus immunes declarat, utut Imperium isti tutelam præstare debeat. Igitur in favorabilibus membrum Imperii esse videtur, in odiosis non item. Dux Austriæ non tenetur investituram

D

petere

petere extra suas ditiones , sed illa ipsi intra easdem offerri debet. Scilicet quia ob nudam recognitionem feudalem obnoxium se Imperatori agnoscere non vult ; quasi ultro rogandus sit , ut Imperii vassallus audire non dedignetur, & insignia, quibus, dum investituræ ritus peragitur, utitur, satis arguunt, agendum cum ipso magis tanquam cum æquali , quam cum subiecto. Quæ gesserit in sua ditione Imperatori corrigere non licet. Imperio in Austria feudum obtinere non conceditur. Subditi ipsius ad extranea judicia non trahuntur ; à sententiis ejusdem provocatio non datur. Licet ipsi citra periculum receptare banno notatum , ut tamen aëtori requirenti justitiam administrari curet. Sed ab Austriaco proscriptus , ab alio, aut alibi quam in Austria non absolvitur. Tributa nova in ditionibus suis pro arbitrio indicit. In ditionibus itidem suis Comites , Barones, Nobilis creat ; id quod in Germania alias summi Imperii esse creditur. Deni-

Denique ne obscurum sit , ipsum nihil juris Imperio in suas ditiones concedere , deficientibus masculis ad fœminas devolvi easdem cautum est ; aut si ne fœminæ quidem supersint , licebit easdem ultimo possessori transferre aut alienare , quocunque placuerit. Plura addere nihil attinet. Nam ista etiam modice sapientibus sufficere possunt , quibus satis constat , quam facile eludantur speciosa juris vocabula , hominibus Scholasticis tanto cum fervore jactata , ubi quis aliorum vires tuto despicit. Quæ tamen hautquidquam ad invidiam isti Domui faciendam moventur ; cum in laude utique habendum sit , fortunæ sese ultro præbentis favore ad opes suas stabiliendas dextre uti calluisse. Equidem non desunt , quibus hæc interpretatio ideo displicet , quod privilegia ista in Austriacos à Friderico I. Imperatore jam collata fuerint , diu antequam Habsburgici Cæsarea dignatione potirentur ; adeoque antequam per rerum naturam cogitatio suscipi posset de hac

D 2

digni.

dignitate per hæcce privilegia penes istos stabilienda. Quibus addunt aliqui, ista oneroso admodum titulo par-  
ta ac ingenti Germaniæ bono cessisse :  
quia scilicet Henricus Marchio Austriæ  
jure suo in Bavariam destiterit, cui an-  
tea controversia cum Henrico Leone  
Saxone agitabatur cum perturbatione  
totius Germaniæ. Nam cum privile-  
gium Friderici I. Henrico Marchioni,  
post Duci Austriæ ob peculiarem cau-  
sam concessum sit, non potuit istud  
ejusdem Personam & familiam egredi.  
Nequaquam autem illud collatum fuit  
in ipsam Provinciam Austriam, ita ut  
quicumque deinceps eadem potiretur,  
ex alio jure, quam quod ab Henrico  
isto derivatum fuit, eodem utique  
gauderet. Nam Henricus Marchio jure  
in Bavariam cesserat, non Ordines Pro-  
vinciales Austriæ. Multo minus in Fa-  
miliam Habsburgicam cadunt rationes  
illæ, quas Fridericus I. adducit; quæ  
nullum unquam jus in Bavariam ha-  
buit, nec ejus cessione tranquillitatem  
Ger-

Germaniæ restituit , tanto privilegio pensandam. Unde & eadem, cum post extinctam priorem Austriacam familiam istis Provinciis potiretur , prioris hujus familiæ privilegia ob peculiarem causam concessa vindicare sibi non potuit , nisi postquam à suis Cæsaribus in ipsam collata sunt ; quibus minus invidiosum judicatum id suis tribuere, quod priores ejus Provinciæ possessores obtinuerant ; præsertim cum nemo reperiretur , qui isti concessioni contradiceret. Ac nihil obstat, non eandem intentionem fuisse ejus, qui privilegium ab initio dedit aut accepit, qualis est ejus , qui postea ad usum prioribus non cogitatum id adplicare callet. Ac sane si Fridericus I. ejusmodi interpretationem & effectum istius privilegii prævidere potuisset , graviter eo concessio in munus Imperatorium peccasset , quippe proximo gradu ad destruendum Imperium structo. Nam si omnes principes tali privilegio gauderent, dudum in Scopas dissolutas abiisset Germania.

D 3

mania. Sicuti & à nullo alio Imperatore ulli Ordinum quantum mihi constat datum fuit; quod nec in ullum cadere potest, nisi qui Imperatorium fastigium suæ familiæ velut desponsare instituit. Laxius adhuc cum Germania cohærent Provinciæ Belgicæ, quas Carolus V. Cæsar Imperio sub Circuli Burgundici vocabulo innectere instituit pollicitus ad publica onera tantundem illas collaturas, quantum duo Electores. Cujus instituti ea præcipue ratio videtur, ut Germani eo nomine obstrictos sese crederent ad mittenda auxilia, si quando istæ Provinciæ à Gallis impeterentur; utque adeo Germania omnibus bellis, queis Austriaca Domus cum Gallia fere continuis colliditur, immisceretur. Forte & hoc modo animos addere voluerat Ordinibus, ut lubenter ad bellum Turcicum conferre pecunias vellent Ordines, in quod tunc pleraque ista tributa erogabantur, si & ipse Cæsar ditio-  
nes suas in partem oneris vocaret.

An

An & illud tunc spectavit, ut Philippo filio ad Imperium adspiranti objici non posset, ipsum in Germania nil ditiorum habere, postquam Austriacum in Germania patrimonium Ferdinando cesserat? Sed quæcunque ratio subegerit, ea conjunctio fere effectu carere visa fuit, nisi quod Burgundiæ nomine in Comitibus suffragium fertur. Nam & ita ample Belgacum libertati cavendum fuit, ut tota illa concorporatio ad solam fere causam tributorum, quæ pro communi titulo Germaniæ essent necessaria, adstringeretur; quæ & ipsa tamen Belgæ conferre abnuerunt: ac vicissim Germaniæ Ordines nunquam se obligatos crediderunt ad partem bellorum Belgicorum capeffendam, velut ad se nihil spectantium. Hodie mascula ejus domus stirps, quæ ad duos tantum redacta erat, per Leopoldum Cæsarem velut revirescere in Josepho & Carolo cæpit, cum Carolo Hispaniarum Rex optata prole bearinon potuerit.

§. 5. Familia Comitum Palatinorum

D 4

Rhe-

Rheni & Ducum Bavarix circa antiquitatem nulli concesserit. Amplissimum quoque tractum ab Alpibus ad Mosellam usque, etsi aliorum ditionibus hinc inde interstinctum, duosque insuper Ducatus in confinibus Belgii ditione amplectitur. In duas lineas dividitur, Rudolphinam & Wilhelminam. Hæc jam olim Ducatum Bavarix obtinuit, divitiarum opinione semper celebris. Tricennali bello accessit dignitas Electoralis, & ereptus cognato Superior Palatinatus. Sed & per integrum fere sæculum Bavari obtinere Coloniensem Electoratum, adjunctis quoque aliis Præsulatibus. Linea Rudolphina in complures sese ramos scindit, cujus caput qui post priorem extinctam lineam nunc est, præter Palatinatum Inferiorem, fertilissimam, & amœnitate nulli Germanix parti cedentem regionem Ducatus Juliaci & Montium obtinet, modica cum ditione Neoburgica ad Danubium. Ad Carolum XI. Sueciæ Regem Bipontinus Ducatus devolutus



volutus est, quem tamen Galli cavillatione feudorum Metensium usurpare instituerunt. Sunt præterea Palatini Lautrecenses seu Veldentini, Sulzbacenses, & Birckenfeldenses, ex parte etiam prægravem Gallorum viciniam experti.

§. 6. Duces Saxoniae medietullum ferre Germaniae obtinent; ad quos jam pertinet Misnia, Thuringia, & modica ad Albim regio Superioris Saxoniae nomine: Superior quoque & Inferior Lusatia; nec non in Franconia Ducatus Coburgicus, & Comitatus Hennebergicus: Regio alibi ubere agri, alibi metallis fecundissima. Ista familia in duas lineas dividitur, Albertinam & Ernestinam. Illa per Johannis Georgii I. filios in quatuor sese ramos divisit: alteram Wilhelmus Vinariensis, & Ernestus Gothanus, ille per quatuor, hic per septem filios diffudere, nepotibus subinde in ampliorem numerum germinantibus.

§. 7. Subeunt inde Marchiones Brandenburg-

denburgici. Caput familiæ Elector latissimarum ditionum Dominus est, qui præter Borussiam extra Imperium Germanicum collocatam, & quam transactione cum Polonis supremi Principis dignatione obtinet, subjectam habet Marchiam quadruplicem; Ulteriorem Pomeraniam, in Silesia Ducatum Crosnensem tum Clivensem, & Marcæ ac Ravenspergæ Comitatus. Pro parte quoque Pomeraniæ Suecis cessa, quæ post extinctam familiam Ducum Pomeraniæ ad ipsum erat devoluta, in pensationem accepit Præsulatus, Magdeburgensem, Halberstadiensem, Mindensem & Caminensem, ditiones amplas juxta & fertiles: etsi his carere maluisset, si totam Pomeraniam retinere datum fuisset. Ex eadem familia sunt & alii Marchiones in Franconia, qui in Culmbacenses & Onolzbacenses discescuntur.

§. 8. Succedunt aliæ adhuc Familiæ superstitēs. Quarum cum nonnullas inter se super præcedentia contendere norim,

ita

ita recensitionis hujus ordinem velim accipi, ut ne quid litigiis istis præjudicium creetur. Duces Brunsvicensis & Luneburgenses validissimam in Saxonia Inferiore ditionem possident. In duos sunt divisi ramos, Guelferbytanum & Cellensem; quorum hic ditionem in præsens bipartito possidebat, uno fratrum Cellis, altero Hanoveræ residente, cui & Osnabrugensis Præsulatus quoad vivebat & post Electoralis Dignitas, obtinebatur. Meclenburgensibus Ducibus sat amplius à Mari Baltico ad Albim usque tractus possidetur. In duas olim lineas discesserunt, Sueriensem atque GUSTROVIENSEM. Dux WÜRTEMBERGICUS in Suevia ampla nec invalida ditione gaudet. Ejus agnatus in extrema Germaniæ ora Comitatum Mumpelgardensem obtinet. Landgraviis quoque HASSIÆ latum territorium subjicitur. In duas lineas primarias dividuntur, Cassellanam atque Darmstadiensem. Marchiones Badenses longum tractum ad dextram Rheni ripam possi-

denburgici. Caput familiæ Elector latissimarum ditionum Dominus est, qui præter Borussiam extra Imperium Germanicum collocatam, & quam transactione cum Polonis supremi Principis dignatione obtinet, subjectam habet Marchiam quadruplicem; Ulteriorem Pomeraniam, in Silesia Ducatum Crosnensem tum Clivensem, & Marcæ ac Ravenspergæ Comitatus. Pro parte quoque Pomeraniæ Suecis cessa, quæ post extinctam familiam Ducum Pomeraniæ ad ipsum erat devoluta, in pensationem accepit Præsulatus, Magdeburgensem, Halberstadiensem, Mindensem & Caminensem, ditiones amplas juxta & fertiles: etsi his carere maluisset, si totam Pomeraniam retinere datum fuisset. Ex eadem familia sunt & alii Marchiones in Franconia, qui in Culmbacenses & Onolzbacenses dispescuntur.

§. 8. Succedunt aliæ adhuc Familiæ superstitēs. Quarum cum nonnullas inter se super præcedentia contendere norim, ita

ita recensiois hujus ordinem velim accipi, ut ne quid litigiis istis præjudicium creetur. Duces Brunsvicensis & Lüneburgenses validissimam in Saxonia Inferiore ditionem possident. In duos sunt divisi ramos, Guelferbytanum & Cellessem; quorum hic ditionem in præsens bipartito possidebat, uno fratrum Cellis, altero Hanoveræ residente, cui & Osnabrugensis Præfulatus quoad vivebat & post Electoralis Dignitas, obtinebatur. Meclenburgensibus Ducibus sat amplius à Mari Baltico ad Albim usque tractus possidetur. In duas olim lineas discesserunt, Sueriensem atque GUSTROVIENSEM. Dux WÜRTEMBERGICUS in Suevia ampla nec invalida ditione gaudet. Ejus agnatus in extrema Germaniæ ora Comitatum Mumpelgardensem obtinet. Landgraviis quoque Hassiæ latum territorium subjicitur. In duas lineas primarias dividuntur, Cassellanam atque Darmstadiensem. Marchiones Badenses longum tractum ad dextram Rheni ripam possi-

possident ; qui itidem in duas lineas separantur. Durlacensem & Badensem, seu quæ Badenis præcipuam Sedem habet. Duces Holsatiæ partem Chersonesi Cimbricæ tenent, commodo admodum ob mare utrinque alluens situ. Quantum Holsatiæ ad Imperium Germanicum pertinet, à Rege Daniæ & Duce Gottorpiensi gubernatur, cujus posterioris Domus etiam Episcopatu Lubecensi fruitur. Nam Ducatus Sclesvicensis ab Imperio non dependet. Sunt & aliæ Ducum Holsaticorum lineæ è postgenitis ortæ, quæ in amplum sese numerum diffuderunt, & ultra modicæ ditionis rationem. Ad Ducem Saxo-Lauenburgicum olim haut ampla in Saxonia Inferiore regio ad Albim pertinebat, & par fere ad Principes Anhaltinos in Superiore Saxonia spectat.

§. 9. Et isti sunt antiqui Principes. Nam Duces Sabaudia, & Lotharingia, utut feuda quædam ab Imperatore Germanico recognoscant, eoque nomine in Comitibus sessionem obtineant, rationes

tiones suas ob situm ditionum fere à Germania separatas habent. Cæterum Ferdinandus II. cui, ut nonnulli crediderunt, in animo erat, redacta in ordinem Principum potentia, absolutum sibi imperium adstruere, inter alia isti fini hoc quoque adhibere instituit, ut in classem Principum nonnullos eveheret sibi potissimum obnoxios, solenni more homines novos evehendi, quando antiquæ nobilitati ruina struitur. Nam horum opera credebat sese adæquaturum aut superaturum suffragia antiquorum Principum, si forte Comitia universalia forent cogenda, à quibus alias iste vehementer abhorrebat. An ut ostentaret, non esse, quare antiqui Principes tantopere fastigio suo superbirent: cum in proclivi ipsi foret quantumvis numerum ad parem cum istis dignationem provehere. Et periclitabatur sine dubio antiquarum familiarum eminentia, si Cæsari tam facile foret novum Territorium creare, quam titulos largiri. Ex his qui in Comitibus sessionem

sessionem, ut fastidiose, & non nisi hac conditione obtinuerunt, ut bona immediata Principis fastigio digna, si nondum habeant, deinceps sibi comparent. Quantum mihi constat, sunt Principes ab Hohenzollern, Eggenberg, Nassau Hadamar, Sigen, & Dillenbourg, Lobcowiz, Salm, Dietrichstein, Aversperg, Piccolomini, Schwarzenberg, Portia, Ost-Frisland, Fürstenberg, Waldec, Oetingen. Verum quia Ferdinandi consilia successus destituit, nec istorum opes cum antiquorum Principum potentia ullo modo comparandæ, parum quoque momenti contra eosdem fecisse hactenus prehensi sunt. Præsertim cum facillima ad opes iisdem circumponendas via sit interclusa, quod Imperatori non licet feuda Imperii vacantia, quæ alicujus sint momenti, in quemcunque placuerit conferre.

§. 10. Alteram classem Principum per Germaniam constituunt Episcopi & Abbates. Hos etsi è simplici sæpe nobilitate,  
aut



aut Baronum, Comitumvé dignatione electio Canonorum ad illud fastigium provehat ; in Comitibus tamen aliisque actibus priori fere præ secularibus loco potiuntur. Scilicet postquam recentiorum fortuna Sacerdotum immane quantum à tenuibus antiquissimorum rebus discessit, absurdum fuerit illos amplius adstringere velle obsoletis legibus, super modestia ejus Ordinis à Salvatore promulgatis. Et fortasse istæ leges ad primæva illa tempora duntaxat debebant valere. Nam id revera ridiculum erat, homines piscatores, aut textores ambitiose priorem locum affectare, quibus indiem victus labore manuum aut collatis stipibus quærebatur. Etsi autem per totum orbem Christianum, qua Catholici ritus vigent, magna sit Sacerdotum autoritas, & fortuna lautissima ; nusquam tamen quàm in Germania, tantæ sunt ipsorum opes, tanta potentia. Ac multos eorum à Principibus secularibus haut differre videas ditionum amplitudine, aut adparatus

ratus domestici splendore. Par quoque in subiectos jurisdictio , ac potestas. Nonnullis quin etiam acrior galearum, quam tiaræ amor , & non paulo effica-  
cior vis in accendendo Marte, turbisque patriam suam & vicinos involvendis , quam in propaganda pietate. Frequentiores tamen hodie quam olim sunt , quos non pudet sacris ordinibus initiari, & semel aut bis per annum specimen edere , quam solerter calleant exprimere augustissimi sacrificii gestus. Cæterum cum quondam ipsorum opes secularium Principum ditiones superarent , aut saltem æquarent , non exiguum eadem detrimentum passæ sunt occasione reformatæ per magnam Germaniæ partem Religionis abreptis bonis sacris , quorum possessio convention-  
tione Passaviensi , & pace Augustana, ac post per pacem Westphalicam confirmata. Nam per Circulum utrumque Saxonicum paucissima Sacerdotibus remansere. Principibus superioris Germaniæ , si Ducem Wurtembergicum  
exci-

excipias , parcior præda. Causam assignaveris , quod Saxonibus minor è Carolo V. Cæsare metus , quam istis , quos vicinia suarum ditionum, aut præsentia premebat. Quin & dispersæ magis isto tractu Sacerdotum ditiones , & validiorum intercursum Principum debilitatæ. Per superiorem Germaniam , & Westphaliam contiguas magis , & ad auxilia invicem ferenda magis accommodas posuere Sedes , & inprimis totum Rhenum , qua parte lætissima est Germania , obsederant , nisi tam decoram seriem Electoris Palatini terræ interrumperent.

§. II. Principatus igitur Ecclesiastici , qui in Protestantium manus non pervenerunt , hi fere sunt. Tres Archiepiscopatus, Moguntinus, Trevirensis, & Colonienfis, quibus dignitas Electoralis annexa. Archiepiscopatus præterea Salisburgensis, & Vefontinus in Burgundia. Simples Episcopatus sunt Bambergensis, Wurzburgensis, Wormatiensis, Spirensis, Aichstetensis, Argentoratenfis,

toratensis, Constantiensis, Augustanus, Hildesienſis, Paderbornenſis, Freisingenſis, Ratisbonenſis, Paſſavienſis, Brixienſis, Baſileenſis, Leodiienſis, Oſnabrugenſis, Monaſterienſis, Curienſis. Inter Episcopos primum locum obtinet Magiſter Ordinis Teutonici Equitum. Aliquando tamen duo pluresvé Episcopatus uni conferuntur, vel quia unius redditus parum ſufficere videntur ad ſuſtinendum ſplendorem aulae Principalis, vel ut æmulis ſuis magis eſſent formidabiles. Episcopatus Lubecenſis, præterquam quod religionem Proteſtantium induit, paulo minus quam in patrimonio Ducum Holſatiæ cenſeri poteſt. Inter Abbates, qui Principum dignitate fulgent, ſunt Fuldenſis, Kemptenſis, Elwangenſis, Murbacenſis, Luderinus, Magiſter Ordinis Equitum S. Joannis, Abbas Berchtesgadenſis, Weiſſenburgicus, Prumiienſis, Stabulienſis, Corveianus. Reliqui Prælati, qui Principes non ſunt, in duas claſſes dividuntur, Suevicam, & Rhenanam, qua-

quarum singulis unum in Comitibus suffragium fertur. Isti dignitate Comitibus pares habentur.

§. 12. Comitum quoque & Baronum per Germaniam longe splendor conditio, quam in aliis regnis. Nam iisdem fere juribus, quibus Principes, fruuntur, & antiqui Comitatus sat ampla plerique territoria complectuntur; cum alibi sæpe modici dominum prædii titulo Comitis superbum videas incedere. Etsi quibusdam familiis Comitum, non minus atque Principum, haut parum nocuit ditionis inter plures fratres divisio, magnum illustribus domibus malum, & non nisi inter plebeios æquitatis aut pietatis nomine excusatum. Nonnullos etiam supina patrimonii cura, sumtuumque luxuria non parum afflixit. Hodie Comites isti in Comitibus quatuor ferunt suffragia; unum Wetteravici, alterum Suevici, tertium Franconici, quartum Westphalici. Qui mihi innotuere hi fere sunt, Comites de Nassau, Fürstenberg, E 2      Hohen-

Hohenlohe, Hanau, Sain & Witgenstein, Leiningen, Solms, Waldek, Isenburg, Stolberg, Wied, Mansfeld, Reussen, Oettingen, Montfort, Königseck, Fugger, Sulz, Kronberg, Sintzendorf, Wallenstein, Pappenheim, Castel, Lewenstein, Erbach, Limburg, Schwarzenburg, Bentheim, Lippe, Rheni & Sylvarum, Rantzow, & plures fortasse, quorum splendori uti nostrum silentium non obstabit; ita illos, quos nominavi, in justum disponere ordinem meum non fuit. Sunt præterea non pauci Comites & Barones tum in aliis Germaniæ partibus, tum magno numero in ditionibus Cæsaris hæreditariis, antiquiores aut recens in eum ordinem evecti, qui cum aliis Statibus subsint, in Comitibus locum non inveniunt. Eos recensere nostræ non est operæ.

§. 13. Est præterea non exiguus per Germaniam numerus liberarum civitatum, quæ quod nulli Statuum, sed Imperatori & Imperio immediate subsunt, Imperiales vocantur. In Comitibus  
pecu-

peculiare Collegium constituunt , ubi in duas classes (vulgo scamna vocant) separantur , Rhenanam , & Suevicam. Præcipuæ inter istas sunt Noriberga , Augusta Vindelicorum , Colonia , Lubecca , Ulma , Francofurtum , Ratisbona , Aquisgranum , & quæ postliminium expectat Argentoratum. Mediocres , Wormatia , Spira , Memminga , Eslinga , Halæ-Suevorum , Heilbronna , Lindavia , Goslaria , Mülhusium , Northusium. Reliquæ libertatem magis suam , quam opes possunt jactare. Harum urbium ante seculum unum atque alterum magna erat potentia , & ipsis Principibus formidabilis. Hodie plerarumque opes accisæ ; nec frustra aliqui augurantur fore , ut aliquando penitus sub jugum mittantur. Saltem Episcopi non obscure minantur illis , in quibus Cathedralis ipsorum Ecclesiæ extant. Sed & antea fuerunt quædam validissimæ urbes , quæ libertatem non ita liquido jure usurpare arguebantur , sed nunc in ditionem Principum sunt

redactæ, sic ut ex earum numero Hamburgum, & Brema præcipue supersint. In Hamburgum, totius Germaniæ opulentissimam urbem jus prætendunt Holfatiæ Duces velut in ipsorum territorio sitam. Sed quod jus Hamburgenses hæctenus tum oppositis aliis juribus, tum validissimis munitionibus eliserunt, accedente vicinorum favore, quos nunquam ea vecordia subibit, ut Regem Daniæ tam opimo bolo potiri patiantur, Saxoniam utrique deinceps prægravem futurum. Quæ & causa Visurgi accolæ Principes subigit, ne Bremam à Suecis in ordinem redigi concedant.

§. 14. Equestris Ordinis in Germania duplex est conditio: pars enim immediate Imperatori & Imperio subest, pars alios status dominos agnoscit. Qui ad priorem classẽ pertinent, vocare se sueverunt Liberos Imperii Nobiles, & conjunctim immediatam & Liberam Imperii Nobilitatem. Iidem pro districtibus, in quibus prædia possident, divi-



dividuntur in classem Franconicam, Suevicam & Rhenanam, quarum singulae iterum in minores particulas discescunt. Iidem ex suo ordine certos habent Directores & Assessores, quibus negotia rem ipsorum communem spectantia curae sunt. Interdum etiam, si quid majoris momenti inciderit, conventus agitant. Ad Comitata tamen Imperii non vocantur; quod ipsi in favorem sui interpretantur, ut sumptibus ibi requisitis possint superfedere. Et sane parum iisdem profuturum erat, unum atque alterum suffragium in tanta multitudine ferre posse. De cætero pari fere cum reliquis statibus libertate & juribus gaudent, ut ad Principum fortunam nihil ipsis desit, præter opes. Insigne quoque in eosdem redundat emolumentum è Canonicatibus & beneficiis Ecclesiasticis, per quæ facilimus est ad fastigium Principale adscensus; quo provectis in proclivi est familiis suis laute prospicere. Præterquam quod oppido quam jucundum sit opimos redi-

tus citra ullum laborem per otium posse consumere. Cæterum non paucos querentes audivi, Principes quosdam suæ libertati non obscure imminere, seque ab iisdem parum propitio vultu adspici, quod cum in mediis ipsorum territoriis sedes habeant, tanta libertate gaudeant. Quinimo à nonnullis jactari; tantam multitudinem minorum regulorum parum facere ad validitatem magnorum Imperiorum. Quod si externum bellum ingruat, ipsos utrique parti in prædam cedere. Enimvero neque Nobiles propter incertum periculum certam libertatem projicient: nec temere reliqui sunt passuri, tantam accessionem paucis Principibus accrescere; ni magna aliqua rerum conversio occasionem pandat, aut lento temporum lapsu & per subtiles artes attritæ Nobilium opes corruant.

§. 15. Paucis hic quoque monendum, vastum isthoc Imperium dividi in decem regiones, seu circulos, uti vocant,  
ex


ex instituto Maximilian. I. anno 1500. quo sex initio sunt designati, quibus anno 1512. quatuor sunt additi. Quorum nomina sunt ista: Austriacus, quatuor Electorum ad Rhenum, Rhenanus Superior, Suevicus, Bavaricus, Franconicus, Saxonicus Superior, Saxonicus Inferior, Westphalicus, & Burgundicus. Regnum Bohemiæ cum adjuncta Silesia & Moravia ad nullum circulum pertinet, neque peculiarem constituit; liquido argumento, fœdere id magis Germaniæ innecti, quam in eandem cum ipsa civitatem coaluisse. Quæ cujusque circuli membra sint, passim in vulgaribus libellis expositum in venias. Spectat ea divisio potissimum ad commodiorem conservationem pacis publicæ & executionem justitiæ contra contumaces. Cui fini etiam singuli sibi possunt eligere Ducem, penes quem summa sit militiæ, & conventus agitare, convocari solitos per primarium Circuli Principem, unum alterumve, in quibus cum de aliis ad defensionem,

atque utilitatem circuli spectant, tum etiam de re monetaria tractatur. Quamquam an non & eadem divisio ad distractionem Germaniæ faciat, dum quæ unum Circulum adfligunt mala, reliquos segnius afficiunt, non immerito dubites.

---

### CAPUT III.

*De Origine Statuum Imperii, & quibus gradibus ad istam potentiam adscenderint.*

D accuratam Imperiî Germanici notitiam comparandam cum primis necessarium est inquirere, qua via illi, qui Status Imperiî vocantur, ad tantas opes pervenerint. Citra hoc enim haut quidquam perspicemus causam, quare ista Resp. tam irregularem formam induerit. Cum autem Status isti sint vel Principes secula-  
res

res & Comites, vel Episcopi, vel Urbes; igitur de singularum harum classium origine pauca investigabimus. Principes Germaniæ seculares gerunt titulum vel Ducum, vel Comitum cum aliqua adjectione, qua audiunt Pfalzgravi, Landgravi, Marggravi, & Burggravi. Nam quantum memini præter novitios illos Principes soli Anhaltini hodie nudo vocabulo Principum utuntur, nisi quod nonnulli aliis suis titulis eundem interjectum habent. Sic Austriaci vocant se Principes Sueviæ, Duces Pomeraniæ, & nunc Reges Sueviæ Principes Rugiæ, Marchiones Brandenburgici Principes Halberstadii, Mindenæ, & Camini Landgravi Hassiæ, Hirsfeldiæ.

§. 2. Inter priscos ergo Germanos ante Imperium Francorum militare erat officium Ducum, arguente id satis etiam Teutonico vocabulo Herzog, qui ut plurimum ex opinione virtutis legabantur, quando necessitas bellandi ingruerat. In pace qui civitates gubernabant,

nabant, & per pagos, vicosque jus dicebant, è nobilitate fere electi, Greven sive Graven vocabantur; Latine Præfidem rectius diceres, etsi pro eo vocabulum Comitum magis arrisit. Nam ex usu seculorum à Constantino Magno (priorum temporum significationem non attendimus,) Comites audiebant, qui ministeriis aulicis præerant, aut qui in Provinciis milites regebant, jurivè dicundo operam dabant. Franci postea, cum Alemaniam & alia Germaniæ loca sibi subjecissent, ad morem Romanorum devictis Provinciis Duces imposuerunt, i.e. Præsides administrandis militiæ pacisque negotiis; quibus interdum Comites adjuncti dicundo juri. Quædam etiam Provinciæ Comitibus solis sine Ducibus regendæ tradebantur. Omnis tamen horum potestas non alia erat, quam magistratus proprie dicti. Successu tamen temporis factum, postquam isti Duces ad vitam constituerentur, & patribus plerumque filii surrogarentur, ut, nacti tam  
egre-

egregiam occasionem proprias opes stabiliendi, paulatim Regum suorum auctoritatem leviozem habere, & provincias sibi concreditas velut in patrimonio suo cœperint numerare. Neque vero magis exitiabilis Monarchiis error accidere potest, quam si ejusmodi administrationes fiant hæreditariæ, ubi cum primis eædem rem quoque militarem complectuntur. Sicut vix citra risum legi possint Scriptores, qui istud quasi laudabiliter & prudenter factum defendere conantur. Nam est quidem regia laus bene meritos magnificis mature præmiis. Verum si Dominus omnes servos suos libertate velit donare, ipse deinceps puto sibi calceos purgabit. Et magis quidem obstringitur bono aliquo pater, quod in filium se transmissurum novit: sed quo ardentius filium amat, eo magis dabit operam, ut in bonum illud alteri quam minimum juris sit. Sic majori cura solemus prosequi res nostras, quam alienas. Sed non ideo bonus paterfamilias statim

statim fundum suum colono donat. Ut rebellionibus Præsidum obviam eatur, minus sumtuosa dantur remedia, quam ut Provinciarum administratio hæreditario iure ipsis concedenda sit. Illud vero valde absurdum, imperantis majestatem inde æstimare, quod multos in sua ditione habeat, qui ipsius imperium impune possint spernere. Cæterum uti tale quid nemo ultro introducit, cui indolem Regni servare cordi est, ita quæ diximus hautquidquam eo pertinent, ut ubi istud semel in aliqua republica receptum fuerit, ideo aut hanc plane damnandam, aut in vim legis publicæ inolitum morem per violentiam convellendam judicemus.

§. 3. Cæterum Carolus M. animadverso majorum errore Ducatus laxa nimis spatia complexos sustulit, & Provincias ampliores in plures divisit partes, easque Comitibus regendas tradidit. Horum aliqui simplex Comitum nomen retinuerant. Aliqui dicti Pfaltzgraven seu Pallentsgraven, Comites Pala-



Palatini , præfecti Palatii Regii , quique adeo in aula Regis jus dicerent. Aliqui Landgravii, quasi dicas, Comites Provinciæ integræ impositi. Aliqui Marggravii , præfecti limitaneis locis, ad repellendas hostium incursiones , simulque dicundo juri. Aliqui denique Burggravii, quasi dicat præfecti arcu alicui regiæ. Et isthæc quidem munia ac dignitates Carolus haut quidquam in perpetuum aut jure hæreditario viris strenuis concedebat ; sed ut revocandi & in alios conferendi libera potestas foret. Post Carolum tamen ad antiquum errorem reditum, & præterquam quod in illis magistratibus filii fere patribus surrogati, etiam ex coalitione plurium Comitatum , aut voluntate posterorum Caroli aliquot Ducatus instituti, magna terrarum spatia amplexi. His præfecti , genio ambitionis humanæ ignavum ducebant occasione proprias stabiliendi opes non solerter uti , dum Francorum Imperatorum autoritas magis magisque invilesceret, intestinis discor-

discordiis convulsa potentia. Cumprimis Dux Saxoniae Otto, Henrici Augusti pater, validissimam sub se habens nationem eo usque se confirmavit, ut ad Regium Imperium nil præter nomen ipsi deesse videretur. Inde cum Conradus I. in ordinem redigere ejusdem Filium Henricum frustra agitasset, tandem moriturus autor fuit Proceribus, ut in istum regiam dignitatem conferrent; consultius credens ultro dare, quod per vim ipse sibi sumere poterat, aut ne iste à reliquo sese corpore Germaniae separaret. Sunt tamen & Principes, qui opes suas liberalitati Imperatorum in acceptis referunt; cujus rei exempla imprimis in historia Ottonum occurrunt. Quæ tamen an ad leges Monarchiæ attemperata, jam inquirere non vacat. Incrementa porro potentiae suæ Principes debent donationibus Imperatorum, emtionibus, hæreditatibus non solum jure Sanguinis, sed etiam per pacta de mutua successione (Germani confraternitates hære-

hæreditarias vocant,) delatis. Quale pactum adhuc extat inter potentissimas Domus Saxoniam, Brandenburgicam & Hassicam. Et tali pacto etiam ad Saxones devolutus est Comitatus Hennebergicus, ad Brandenburgicum Pommerania. Quia tamen potestatem Imperatoris, quam in ditiones Principum tanquam Dominus feudi obtinet, ejusmodi conventionibus hætenus eludi in aprico est, ut consolidatio in infinitum extrahi queat: inde neque tales citra ratificationem Imperatoris valebunt neque tranquillis reipublicæ temporibus in easdem Imperator aut reliqui ordines facile consentient. Quædam denique à nonnullis inter turbida Reip. per vim occupata.

§. 4. Cæterum cum sine convulsione totius Germaniæ, & fortasse non sine exitio convellentium semel parta utcumque Principum potentia destrui non posset, satius visum Regibus, præsertim postquam alia conditione in regnum ipsos non essent adscituri Principes,

F pos-

possessionem eorundem confirmare; ita ut deinceps ditiones suas tanquam feuda ab Imperatore recognoscerent, & fidem eidem atque Imperio jurarent. Et exinde factum, ut si quid ditionum deinceps ab Imperatoribus in eosdem conferretur, feudi fere nomine acciperetur. Non tamen multum potentiae & fastigii ipsorum per vocabulum Vassallorum decessit. Equidem cui de meo in feudum aliquid concedo, eundem & in plenum, utut honoratiorem, subditum mihi adsciscere possum, & quas placeat leges ipsius possessioni praescribere. Sed qui bona jam antea parta, ab altero tanquam feuda deinceps vult recognoscere, ille nihil aliud agere est intelligendus, quam ut isti, quem Dominum feudi salutat, sese tanquam inæqualiter foederatum adjungat, istiusque majestatem comiter colendam sese obliget, sub oneribus ei conventioni adjunctis. Atqui extincta stirpe Carolina in plenam libertatem evaserat Germania, & jamtum complures

Proce-

Proceres amplas sibi ditiones quæſiverant. Poſtquam igitur placebat regium nomen alicui è Proceribus deferre, ne in antiquam iterum faciem Germania, in modicas civitates divulſa rediret, hautquidquam credere licet, iſtos opes ſuas voluiſſe projicere, aut abſoluto alterius dominio ſubjicere, ſequē adeo ad ſubditorum conditionem redigere; ſed potius validum ſibi earundem protectorem quærere, magnæque ſe reipublicæ innectere per vinculum, quo ſimplicis conditio civis haut produceretur. Introducto ſemel & confirmato Principum ſtatu, in parem cum antiquis Principibus fortunam evehi conveniens erat, ſi quos deinceps ultro Imperatores eo titulo in locum extinctarum familiarum dignabantur. Nexum iſthunc feudalem, quo Principes Imperatori adſtringuntur, nil aliud fere efficere, quam conditionem inæqualiter fæderati, facile agnoſcet, cui ſcientiæ civilis ſolidior intellectus. Nam id quidem cum perſona ſubditi

consistere non potest : in ditionis suæ cives vitæ ac necis jus habere, in eadem magistratus pro lubitu constituere, fœdera inire , omnis generis redditus non fisco regio inferre, sed sibi retinere; denique nil præstare , nisi in quod ultro consenseris. Coërceri autem per reliquos socium in leges fœderis enormiter peccantem posse, compluribus antiquis & recentibus exemplis constat. Sed solum Imperatorem cognoscere super causis , quibus Princeps sua ditione ejici mereatur , uti fundamenta potentiæ Principum Germaniæ erat convulsurum ; ita talia tentantibus Imperatoribus qui acriter contradixere , per ignavam reverentiam jura sua prodere turpe judicarunt.

§. 5. Quod ergo etiam in justis regnis accidit , in quibus subjectorum potentia imperantibus est formidabilis , id multo manifestius ex eo tempore in Germania usu venit ut si quis Imperator propriis opibus , aut eximia virtutis opinione polleret, Principibus etiam  
utere-

uteretur obsequentibus ; debiles aut ignavi fere precario regnarent. Et qui tam profunde radicatam potentiam convellere , & sub leges veræ Monarchiæ Germaniam revocare conati sunt Imperatores, interdum sibi ipsis exitium invenerunt : semper spe sua exciderunt , & præter molestias sibi aliisque conciliatas nihil sunt lucrati. Nec qui astu grassati sunt, multum profecere ; cum altera ex parte semper fuerit repertum , quo machinationes illæ eluderentur : & si quid ablatum, alia id via pensatum. Sicquam infeliciter ceciderint superiore seculo Caroli V, & hoc nostro Ferdinandi II. conatus , notissimum est. Nonnullorum tamen Principum vires insigniter imminuit ipsorum luxuria , socordia , & prodigalitas , & quod rei augendæ aut servandæ nullam omnino curam haberent. Nec paucæ familiæ ideo debilitatæ, quod ditiones suas in plures particulas inter agnatos diviserint. Aliquos etiam præter suam culpam bellorum civi-

lium aut exterorum calamitates afflixit.

§. 6. De Episcopis nunc quoque aliquid addendum. Constat igitur, ab initio eos, qui Episcopi vocabantur, à reliquo Clero & populo fidelium fuisse electos & constitutos. Post circa seculum quartum, cum etiam Principes Christo nomina dare inciperent, passim invaluit consuetudo, ut qui Reipubl. summa cum autoritate præessent, non temere paterentur aliquem ad Episcopatum adspirare, nisi accedente suo consensu. Scilicet cum intelligerent, quantum ad tranquillitatem Reip. faceret, bonos & pacificos viros sacra tractare. Atque idem jus etiam exercuere Francorum Reges, ut ii in suo regno essent Episcopi, quos ipsi suo suffragio constituissent. Et eandem potestatem obtinuerunt Imperatores Germanici usque ad Henricum IV. quem Gregorius VII. & Successores ob eam causam miris modis exagitarunt. Donec tandem tot turbis fessus ipsius filius  
Henri-



Henricus V. anno 1122. in Comitibus Wormatiensibus renuntiavit juri Episcopos constituendi & investiendi, id quod olim fiebat tradito annulo & baculo Imperatori remansit potestas electo Episcopo conferendi regalia & feuda Imperii adhibito ritu tradendi Sceptri. Quo ipso quantum detrimenti autoritas Imperatoris ceperit, nemo non perspicit. Nam utut in seculares Principes parum fuisset potestatis; horum tamen vires æquare aut superare facile erat, obnoxii Imperatori Sacerdotibus. Cæterum etsi in conventionem Henrici V. cum Pontifice expressum foret, ut deinceps electio Episcoporum esset penes Clerum & Populum: tamen Canonici sive Capitulares Ecclesiarum Cathedralium electionem sibi solis vindicare cœperunt, connivente sine dubio Pontifice, è cujus re videbatur penes paucos potius, quam integras Ecclesias electionem esse. Demum eo res devenit, ut à Capitulo Electorum Episcoporum confirmatio

Roma peteretur ; cum antea illa , ut & consecratio ad Metropolitanos spectaret. Per provisionem constitutorum à Pontifice Episcoporum proximis abhinc seculis rariora quam olim exempla invenias. Nec crediderim taliter submissum nunc à Capitulo agnitum iri , nisi per tumultus intestinos reluctari non liceat.

§. 7. Debent autem Episcopi Germaniæ opes suas amplissimas liberalitati potissimum primorum Imperatorum. Scilicet fervens eo tempore Principum animos infidebat pietas , & quo quis plura in Sacerdotes profudisset , eo arctiore sibi nexu Numen obstringi credebatur. Quæ tamen opinio jam apud multos exolevit , qui autumant , studium excolendæ pietatis apud Sacerdotes per nimiam opulentiam suffocari potius , quam ali. Videtur quoque non paucis Sacerdotibus sat frontis fuisse , ut apud probos istos homines parum trepide procarentur , quibus professionis suæ asperitatem molliri posse adparebat

rebat. Donati ergo Episcopis & Ecclesiis non solum prædia, decimæ, alique redditus, sed etiam integra Domina, Comitatus & Ducatus: immo & regalia jura addita, sic ut demum secularibus exæquarentur. Etsi ad fastigium Principale plerique tempore Ottonum & deinceps evecti; nec jura regalia omnes simul & semel acceperunt, sed paulatim, & diversis temporibus. Unde factum, ut quidam adhuc aliqua parte istorum jurium destituantur; aliqui cum certa restrictione eadem possideant. Ad tantam dignitatem ut ascenderent, illud quoque non parum momenti attulit, quod nobilissimi homines ad munia sacra adspirarent; quodque barbaris illis seculis soli fere qualemcunque literarum cognitionem haberent, qui sacris sese ad dixerant. Inde mature Episcopi ad consilia in aulis adsciti, illisque officiis præfecti, quæ sine adminiculo literarum obiri nequeunt. Inde adhuc Cancellariorum dignitate primores Præsum

lum fulgent. Crediderim quoque Episcoporum bona non parum aucta, quod multi Principes, Comites atque Nobiles bona sua, aut partem eorundem ab Episcopis ultro tanquam feuda voluerint agnoscere, ut eo curatius ipsorum Salus per Clericos Deo commendaretur. Eorum familiis extinctis bona Episcopatibus accrescebant. Denique quantum per donationes & testamenta Procerum juxta ac Plebeiorum in Clericos divitiarum sit collatum, quis ignorat? cum quantovis pretio redimendas judicarent purgatorii ustulationes, quas sitis alioquin & æstus impatiens natio miris modis formidabat.

§. 8. Poterat jam Sacerdotes suæ fortunæ non pœnitere, utut vel maxime ambitionem & avaritiam non penitus ejurassent. Enimvero prout id genus hominum imperii in alios avidissimum, cæterorum in se potestatem ægerrime suevit ferre: ita hoc unum ad perfectam felicitatem deesse videbatur, quod  
in

in Imperatoris manu foret tam luculenta beneficia distribuere, cui eam ob causam peculiariter obstricti cogebantur vivere. Ni ejus ordinis reverentia obstaret, improbissimos mortalium dicerem, qui munificentia Imperatorum uti eventus ostendit, valde incon-sulta ad destruendum fastigium Imperatorium sunt abusi. Nec libertate dignum putaverim, qui manumissorem in patroni locum colere adspernatur. Ut igitur Laicorum imperio sese penitus subduceret Sacerdotum natio, fulmina Pontificis, & turbæ per Præsules Germanos strenue excitatæ demum effecerunt. Neque prius negotium facessere Imperatoribus desierunt, antesignano ut plurimum Moguntino, quem reliquus grex fideliter sequebatur, donec à solo Pontifice ipsis pendere liceret. Quo ipso gravissimum contraxisse morbum Respublica Germanorum censenda est, quod magna pars eorum, qui cives ejusdem audiunt, superiorem agnoscant, qui  
extra

extra horum Rempubl. est constitutus. Ni forte credere velimus, tam effluetim deperire eam nationem Pontifices, ut ejus salute nihil antiquius ducant; meliusque Romæ perspici, quid Germaniæ ex usu sit, quam in ipsa Germania.

§. 9. Supereſt ut de liberis quoque civitatibus aliquid addamus. Ad ſeculum ergo à Chriſto nato quintum Germania cis rhenana vicos duntaxat mœnibus carentes, aut diſperſa habebat ædificia. Imo ad ſeculum uſque nonum unius tantum aut alterius apud Venedos urbis mentio fit. Eſſi mature urbes exiſterint in partibus transrhœnaniſ Romanorum ditioni quondam ſubjectis; uti & in tractu, Danubio atque Alpibus interjecto, qui deinceps Germaniæ adcrevit. Nullæ autem antiquis iſtis urbes partim propter inſcitiam ædificandi, quam adhuc plurima Germaniæ loca præ ſe ferunt; partim propter ferociam gentis, quæ iſta velut clauſtra averſabatur, & quod ſummam  
fere

fere voluptatem venatione nobilissimi quique metirentur. Neque vero com-  
moda urbium fatis intelligebant, aut  
valde desiderabant, queis simplex agre-  
stisque victus, vilis supellex, adparatus  
tenuis, superfluarum opum aut deli-  
ciarum nulla notitia aut cura. At vero  
postea per religionem Christianam mi-  
tigati animi cultiorem vitam patientius  
ferre didicerunt. Subiit paulatim ha-  
bendi amor, & exquisitior luxuria aliun-  
de inuenta; quorum utrique ex urbi-  
bus multa accedunt alimenta. Princi-  
pes quoque ad tantas opes provecti  
ostentatione divitiarum struendis sese  
urbibus dare, rurestresque aut extra-  
neos, ut eo concederent, multis im-  
munitatibus invitare. Inprimis cum  
post introductam religionem Christia-  
nam multis in locis servitus exolesce-  
ret, aut laxior redderetur, liberti, qui-  
bus nulli agri, in urbes agminatim  
convolarent, opificiis aut mercaturæ  
sese addicentes. Sed & propter irruptio-  
nem Hungarorum complures urbes  
in

in Saxonia ab Henrico Aucupe extructæ , aut munitæ ; qui nonum quemque ingenuorum ex agro in urbes iussit migrare. Incrementa porro urbibus addidere præcipue fœdera mutuæ defensionis & gratia , aut commercia inita. Existis nobile in primis est id, quod Anno 1255. contraxere urbes Rheno adsitæ, cui etiam Principes quidam adscribi voluerunt. Ob commercia potissimum maritima institutum fœdus Hanseaticum , cuius quondam tantæ fuere vires , ut ipsis Regibus Sueciæ , Angliæ & Daniæ forent formidabiles. Etsi superiore seculo ea societas tantum non penitus corruit , tum quod minores urbes , cum lucrum viderent in solas majores redundare , passim desciscerent ; tam quod Hanficorum exemplo aliæ quoque gentes , Oceanum aut Mare Balticum accolentes, commercia cœperunt frequentare , Flandri præcipue & Batavi. Sic Monopolio istorum expirante vires quoque conciderunt.

§. 10. Cæterum etsi ab initio urbes  
molliori



molliori conditione habitæ, quam vici; Regum tamen atque Imperatorum potestatem non minus quam hi agnoscebant, iique in istis jus dicebant per Comites, aut Missos Regios, quos vocabant. Post enormi Imperatorum liberalitate multæ in Episcoporum concessere potestatem, multæ Ducum & Comitum factæ, reliquæ solis Imperatoribus immediate subjectæ remanserunt. Circa seculum autem XII. nonnullæ earundem, prout quæque opulentia suæ confidebat, laxiorem libertatem usurpare cœperunt; quod turbis intestinis agitati Imperatores, aut recens ad id fastigium evecti, in ordinem eas redigere non possent, aut ultro earundem favorem & subsidium privilegiis & immunitatibus concessis ambirent, firmamento in refractorios Episcopos & Principes. Advocatos quoque & Præfectos Imperiales paulatim excutere proximum fuit. Sed & sequentes Imperatores, cum viderent Episcopos opibus suis contra ipsos abuti, datis pri-

privilegiis effecerunt, ut primariae urbes istorum potestati subducerentur. Extincta quoque Ducum Sueviae prospia complures ejus Ducatus urbes, alias sat modicae, libertatis usurpandae occasionem impigre arripuerunt. Hanc tamen libertatem istae urbes non simul obtinuerunt, sed singulae, prout occasio aut favor Imperatorum arridebat. Inde est, quod non omnes aequalibus perfruantur juribus, quaedam parte jurium regalium adhuc plane destituatur. Non paucæ denique quod juris in ipsas competebat Ducibus aut Episcopis, emtione, permutatione, aut alio titulo redemerunt; ab aliis per vim jugum excussum, cujus tituli iniquitatem post subsecuta transactio purgavit. Nam infirmitate aut inopia pecuniae conflictati complures inter ultima subsidia habebant opulentis subjectorum libertatem venalem exponere; aut cum cernerent eripi non posse, quod isti sibi usurpaverant modico accepto adquiescere in lucro duxerunt.

CAPUT

## CAPUT IV.

*De Capite Imperii Germanici Imperatore, ubi de Electione & Electoribus.*

## §. 1.

**G**ermania, utut ex tam multis componatur membris, quorum plura justarum & validarum instar civitatum habent; à Caroli M. tamen temporibus uni capiti, (quod antiqui populari sermone simplicius Regem, sequentes ambiciosius Romanorum Imperatorem, aut Cæsarem nuncupavere) subjecta fuit, nisi qua interregna intercurrerunt; & ob istud caput plerisque una & simplex Respublica fuit visa. Istud caput quomodo constituatur, deinceps despiciendum erit. Operæ pretium autem fuerit rem paulo altius repetere, ut simul adpareat, quantum vetus electio à recentiore discrepaverit, & quæ genuina sit Principum Electorum origo. Circa

G

Caro-

Carolus ergo M. ejusque posteros distincte considerandum est Imperium Romanorum, & Regnum Francorum. Illud vocabulum in Carolum collatum est acclamatione & consensu populi Romani, & Pontificis, tanquam præcipui hujus membri, vel potius, qui imperium in eundem jam non obscure meditabatur; & quidem jure, uti adparet, hæreditario. Sicut Successorum ipsius coronatio in Imperatores Romanorum non habuerit vim novæ & liberæ Electionis, sed solennis duntaxat inaugurationis. Sane enim Carolus filium Ludovicum, & hic Lotharium in consortium tituli Imperatorii adsumsisse legitur; nec tamen de requisito prius novo Pontificis & Romanorum consensu mentio extat. Antiquos autem Francorum Reges consensu quidem & acclamatione Procerum & totius populi constitutos legimus; sed ita, ut nisi gravissimas ob rationes a prosapia defuncti Regis haut quidquam discederetur. Accuratius tamen inspicienti patet, ad  
fuc-

ſucceſſivum potius , quam electitium genus referendum eſſe regnum Francorum ; quippe cum in autorem ſtirpis hac cum conditione videatur Regnum collatum , ut idem in poſteros transmitteret , niſi eo valde indigni populo adparuerint. Adeoque per adprobationem illam procerum & populi filiis Regum defunctorum non novum jus ad regnum fuit quaſitum ; ſed declaratum , filium juris eſſe prima collatione quaſiti non eſſe incapacem. Dejecta deinceps ſolito Francorum ſtirpe Carolina , regnum Germaniæ , ſeu uti tunc vocabant , regnum Francorum Orientale , liberrima Procerum electione delatum fuit Ottoni Saxoni. Quo ſenium excuſante ejusdem conſilio electus fuit Rex Germaniæ Cunradus Franconiæ Dux , quem aliqui e Caroli poſteris eſſe putant. Hujus itidem conſilio per liberam electionem in regnum evectus fuit Ottonis Saxonis Filius Henricus Auceps , qui ſola contentus Germania ne invitante

quidem Pontifice Imperatorium nomen voluit recipere. Enimvero hujus filius Otto M. subacta Italia Romam & ditio- nem Ecclesiæ ita cum Regno Germaniæ connexuit, ut qui hoc fuisset potitus, citra novam electionem Romanorum quoque Imperator esset, coronatione Pontificis non nisi solennis ritus vim habente; etsi quondam ante eandem non temere Imperatorium nomen Reges Germaniæ usurpaverint. In ipso autem Germaniæ Regno idem fere succedendi modus obtinuit, qui in antiquo Francorum Regno, ut scilicet procerum & populi consensus ab ordine sanguinis non facile discederet. Idque duravit usque ad Henricum IV. cujus prava regni administratione quæ arguebatur moti Proceres Germaniæ, frigidam suffundente Pontifice, in Imperatorem insurgunt, eumque demum regno dejiciunt. Ex quo tempore vis successorii juris paulatim imminutum est, quoad demum electitium jus plane invalesceret.

§. 2. Facta autem fuit antiqua illa adprobatio & electio ab universo populo, seu Proceribus & potentiorum urbium selectis; etsi Procerum, Principum scilicet, Episcoporum & Nobilium, plurimum heic voluisse auctoritatem extra dubium sit. Ab aliquot tamen jam seculis, cæteris omnibus exclusis, eligunt septem, & post pacificationem Westphalicam octo Primarii Principes, ab isthoc officio Electores dicti: tres Ecclesiastici, Moguntinus, Trevirensis, & Colonienfis Archiepiscopi; & quinque seculares Rex Bohemiæ, Duces Baviariæ, & Saxonæ, Marchio Brandenburgicus, & Comes Palatinus Rheni. Hoc jusquo tempore isti Principes nacti sint, non ita liquido constat. Equidem per duo amplius secula, ab anno circiter 1250. ad annum 1500. recepta fuit opinio, Ottonem III. Imperatorem & Gregorium V. Pontificem septem Electores instituisse; nisi quod alii autores heic primas partes Imperatori, alii Pontifici tribuant,

G 3

buant, prout quisque in hunc aut illum studio ducitur. Hanc opinionem cum alii, tum inprimis impugnavit *Onuphrius Panvinius* peculiari Libello, qui inscribitur *de Comitibus Imperatoribus*, quem hodie Germani fere consensu sequuntur. Palmarium argumentum est, quod illa constitutio sive Ottoniana, sive Gregoriana, à nemine hæctenus reperiri potuerit, & de eadem omnes Scriptores ad Friderici usque II. tempora per annos 240. ab Ottone III. fileant. Nam primus mentionem Electorum facit Martinus Polonus; qui ait sub Friderico II. annos circiter 250. post Ottonem III. cujusque adeo fides omni exceptione non est major in re tam longe ab ipsius memoria remota, cum liquidioribus testimoniis destituatur. Neque tamen ipse constitutionis alicujus meminit, neque tempore Ottonis cœpisse Electores asserit; sed hoc tantum dicit, post Ottonis tempora cœpisse Officiales Imperii eligere. Quod duplici sensu admitti potest, vel quia



quia ditiones amplissimas eo tempore fortiti sunt, qui antea præcipua munia in aula obibant; vel quia munia ista in amplissimarum ditionum Principes tunc in perpetuum sunt collata. Qui tamen uti sine dubio insigni autoritate inter cæteros fuerunt conspicui; ita præter septem illos aliis quoque Principibus in Regum electione locum fuisse, nemo antiquitatum Germanicarum peritus negabit. Alii Electorum institutionem Friderico II. adscribunt. Sed nullius in eam rem sanctionis monumentum uspiam deprehenditur; nec verosimile est, reliquos Principes tam subito & libenter jure suo decessisse.

§. 3. Igitur apud peritissimos rerum patriarum Scriptores hæc fere sententia obtinet; jam ante Friderici II. tempora septem illos Principes tanquam Imperii Officiales, & opum magnitudine pollentes in electionibus Imperatorum autoritate reliquos paulatim eminerere cœpisse, iisque, cum per muneris rationem necessario electionibus adesse

tenerentur, alios sua suffragia non raro delegare solitos; quæ aliquorum non absurda conjectura est. Post Friderici autem tempora, rebus per Germaniam mirum in modum turbatis, cum reliquis publica negotia parum curæ essent, hos sibi solis id jus eligendi vindicasse. Hoc ubi in consuetudinem per aliquot actus confirmatam abiisset, Aureæ Bullæ quam vocant publica & solemnis sanctio accessit, in qua tota eligendi ratio, & omnis Electorum potestas continetur. Et ex isto tempore Principes illi nomini suo titulum Electorum adjicere, amplioreque quam reliqui dignatione æstimari cœperunt.

§. 4. Ut ut ergo ab initio eligendi munus isti Principes sibi videantur sumpsisse quatenus Imperii Officiales erant; postea tamen per legem Aureæ Bullæ non minus officia ista, quam electoria dignitas certis ditionibus est annexa, ut qui illas legitimo possideat modo, eo ipso sit Elector. Et quidem Ecclesiastici Electores, uti alii Episcopi Germaniæ, consti-

constituuntur electione, vel collatione. Ubi observandum, etsi alias Episcopi, ut omnes muneris sui partes rite queant obire, opus habeant Pontificis confirmatione, & pallio non gratis redimendo: tamen ad electionem Imperatoriam eosdem admitti etiam ante confirmationem Pontificiam; cum seculares functiones sine characterē consent. Verum sede vacante vicem Electoris hautquidquam subire potest Capitulum. In Electoralibus secularibus obtinet illa species successionis linealis, quam agnaticam vocant, & ita quidem, ut neque dignitas Electoralis, neque terræ peculiariter Electoralibus adsignatæ divisionem recipiant. Quod si autem novus sit Electoratus instituendus, aut ob delictum aliquis ea dignitate exuendus, sine dubio reliquis Imperii legibus & consuetudinibus conforme fuerit, Imperatorem solum propria autoritate citra consensum reliquorum Ordinum, aut saltem Electorum nihil heic dispo-  
nere. Etsi superiore, nostroque hoc se-

culo in contrarium extet exemplum : adversus quod tamen unus & alter ne quidquam est protestatus, facili ad spernenda verba Cæsare , cui Mars supra modum tunc videbatur favere. Astute tamen idem, quod dignitatem Electoralem uni ablatam in agnatum ex eadem familia contulit. Id enim invidiam facti insigniter erat molliturum, ne dominandi magis libidine , aut aliena rapiendi , quam necessitate muneris , & ut sua vindicaret in bellum ruisse videretur : sed & potentissimas familias æterna æmulatione distracturum , obnoxiiis Cæsari illis partibus , quas ipse validiores reddiderat. Addendum & hoc, Electoribus minorennibus in electione Imperatorum tutores ipsorum subire locum. Minorennēs autem desinunt esse completo ætatis anno octavo decimo.

§. 5. Modus electionis hic fere est. Moguntinus intra mensem à primo die, quo de morte Imperatoris rescivit, Collegis id significat , eosque ad futuram  
electio-

electionem intra tres menses suscipiendam vocat ; qui ipsi , aut per Legatos comparere tenentur. Francofurtum ingressuris certus equitum numerus nempe Ducentorum est præscriptus ; qui tamen hodie non ita accurate observatur. Dum electio fit , omnes extranei seu quibus in urbe domicilium non est , præter eos , qui ad Comitatum Electorum pertinent , urbe ista jubentur exesse. Actum electionis quæ fit in sacratio templi S. Bartholomæi , auspiciatur cerimonia Missæ. Inde ad Altare accedunt juraturi , quod idoneum sint electuri Imperatorem absque omni pacto , stipendio , pretio vel promisso. Moguntinus tanquam Director Collegii suffragia colligit , primo loco Trevirensensem interrogat , inde Colonensem , & reliquos , ipse ultimo loco sententiam dicit. Plura suffragia pro universis valent. Cum tamen hodie octo sint , nondum certi quid est constitutum , quid agendum , si fore suffragia esse æqualia contingat. Suffragio suo Elector

ctor se ipsum quoque nominare non prohibetur. Electio facta in literas solet referri, & sigillis Electorum confirmari. Postea hi ad Altare accedunt, ubi Moguntinus convocatam apud multitudinem Imperatorem electum pronuntiat. Ei mox certis sub legibus imperium committitur, ita tamen, ut omnibus & singulis Electoribus sua jura & privilegia statim teneatur confirmare. Coronationi quidem lege Aureæ Bullæ destinata urbs Aquisgranum etsi hætenus plerumque ubi electio facta, inauguratio quoque fuerit celebrata. Et quia ista urbs in Diœcesi Colonienfi sita, ideo ab Electore Colonienfi jam olim hæc frequenter peracta. Cui tamen Moguntinus super eo jure litem intendit; quæ ita composita est, ut coronatio in Diœcesi Colonienfi ab Archiepiscopo Colonienfi, in Diœcesi Moguntina à Moguntino extra utramque ab utroque alternatim peragatur. Alia cerimoniarum solennia passim in Scriptoribus Juris publici invenias.

§. 6. Electoribus uti jus eligendi Imperatorem, ita eo ipso haut statim potestatem eundem, si mereatur, imperio exuendi competere, manifestum est. Sed & tale quid publica & expressa lege sanciri durum nimis & invidiæ plenum erat futurum. Usurpasse tamen ipsos talem potestatem adparet in Wenceslao, filio Caroli IV. quem ut filio suo aliquando Imperium pararet, & Auream Bullam condidisse, & maximis largitionibus Electores maculasse, non obscure fremunt, qui eminentiam Electorum ægris oculis adspiciunt. Ad Henricum IV. imperio dejectiendum alii quoque Principes operam contulerunt. Etsi uti Wenceslaus ipse imperium pro derelicto habuisse videtur: ita cum Henrico IV. ad regulas juris actum fuisse ego non præstiterim. Quod autem Moguntinus uni atque alteri Imperatorum, ipsi quædam parum grata molientium, de abrogando imperio non timide occinuisse legitur, id genio seculi adscribendum, quo Pontifices potestati

testati se Imperatorum, adjuvante Clero Germanico, subducere laborabant.

§. 7. Habent & alia quædam præ reliquis Principibus præcipua jura Electores. Præterquam enim, quod exclusis reliquis Ordinibus possint conventus agitare, ac de summa rerum consilia conferre; ipsi quoque sunt summi Officiales Imperii. Archi-Cancellarii quidem sunt Moguntinus per Germaniam, Trevirensis per Galliam, & regnum Arelatense; (quibus vocabulis tamen juxta peritissimos autores non integra Gallia, sed quicquid ejus ad regnum Burgundicum pertinuit, quod seculo XI. Germaniæ jungi cœpit, intelligitur;) Coloniensis per Italiam. Etsi hodie penes priorem res, penes posteriores inane fere nomen nullo functionis exercitio remansit. Rex Bohemiæ est Archipincerna & in celebratione solemnis curiæ Imperatori primum poculum porrigit. Bavarus hodie Archidapifer est, & in solemni processione gestat pomum Imperiale. Saxo Archi-

Mare-



Marescallus præfert Imperatori gladium evaginatum. Brandenburgicus Archi-Camerarius Imperatori aquam porrigit, & in processione Sceptrum præfert, Comes Palatinus Rheni Archi-Thesaurarius in solempni deductione Regis coronati ad palatium in circumstantem populum nummos aureos atque argenteos spargit. Secularium singuli in istis officiis suos habent Vicarios, Bohemus Pincernam de Limpurg, Bavarus Dapiferum de Walburg. Saxo Marescallum de Pappenheim, Brandenburgicus Comitem de Hohenzollern, Palatinus Comitem de Sinzendorf. Sunt quoque alia privilegia Electorum in Aurea Bulla expressa, quorum tamen pleraque aliis quoque Principibus hodie competunt, præterquam quod ab ipsorum judiciis non adpellatur, & quod in renovatione feudorum suorum sunt immunes, & si quæ sunt alia.

§. 8. Interregno existente Vicariam in gubernando Imperio potestatem gerunt Palatinus & Saxo; ille quidem in par-

partibus Rheni & Sueviæ, & ubi jus Francicum in usu; hic ubi jura Saxonica vigent. Interdictum tamen iisdem feuda Principum, & quæ per vexillum conferri moris, cuiusquam attribuere; nec minus res Imperii alienare aut oppignorare. Cæterum quæ gessere, abs recens creato Imperatore confirmari solent. Nupero interregno post mortem Ferdinandi III. Electori Palatino super Vicariatu controversiam movebat Bavarus. In qua id cum primis callide ab hoc observatum, ut quid moliretur, altissima dissimulatione premeret, ne mature ipsius destinata possent eludi. Et cum per dispositos cursores ipsi de obitu Imperatoris nuntiatum esset, idem quaquaversum confestim literas dimisit, susceptionem Vicariatus indicantes: ad quas plerique statuum re non satis perpensa cum præpropere gratulatione responderunt, priusquam Palatino de morte Imperatoris fere innotesceret. Nec jus suum involari segnitè tulit Palatinus, sed & ipse passim denun-

denunciavit, potestatem sese vicariam deinceps exerciturum, non sine querela super injuria Bavarica. Et satis constat, non paucos Principum doluisse, literas sese ad Bavarum retractare non posse. Verum ut fit, alienam litem in sese nemo derivare voluit. Res postea inter partes per scripta publica agitata. Ubi quanquam nemini mirum videbatur, Bavarum isthanc dignitatem ad se conari pertrahere; quippe qui jam tum florentibus Palatini rebus Electoratum sibi deberi contendere non dubitaverat, ac nunc potentia propria & favore Austriacorum fidebat: Plerisque tamen a partium studio remotis Palatini scriptores sat manifeste judicabantur ostendisse, Vicariatum dignitatem haut quidquam partem aut appendicem esse Archidapiferatus, sed peculiare jus Palatinatui ad Rhenum perpetuo annexum. Prout etiam Saxo, non qua Elector, sed qua Palatinus Saxoniae Vicarii munere gaudeat. Enimvero cum non pauci in Bavarum favore propenderent, cæteri eundem aperte of-

H                      fendere

fendere nollent; neque Principibus mos sit facile de sua injuria confiteri, lis indecisa hucusque permanfit.

§. 9. Imperatori quandoque extra ordinem adjungitur Rex Romanorum, verbo quidem, ut tanquam generalis ipsius Vicarius eodem absente aut impedito Rempubl. moderetur, & defuncto demum sine ulteriori electione succedat. Verum necessitatem aut utilitatem Reip. semper obtentui sumi tralatitium est. Genuina causa fuit, saltem circa plebrosque, ut se vivis filios, fratres, proximosve agnatos faciliore negotio ad Imperium proveherent, prensante eo, quem penes summa rerum. Et arctioribus possunt legibus adstringi, qui vacante folio libere adsciscuntur.

#### CAPUT V.

*De Potestate Imperatoris, limitata  
per Capitulationem, Leges atque  
Consuetudines Imperii, & Fu-  
ra Ordinum.*

Qua

**Q**Ua occasione Proceres Germaniæ enormia incrementa, & ad leges Monarchiæ haudquidquam quadrantia ceperint, jam supra traditum fuit. Nec minus quod, libera Regum electione ad ipsos devoluta, opes semel partas omnino conservare iisdem cordi fuerit. Quo ipso Regibus ademptum de summa rerum pro lubitu disponere, ac necessitas imposita circa præcipua negotiorum consensum Procerum exquirere, & plura apud eosdem autoritate, quam imperio moliri. Quin verosimile est, juramento, quod omnibus fere Christianis Regibus præstare solenne habetur, mature per Proceres Germaniæ hanc quoque clausulam fuisse insertam, quod Rex velit jura omnium & singulorum Germaniæ civium tueri, & laudabiles atque receptas in Imperio consuetudines observare. An vero successu temporum peculiare quædam leges additæ, & scripto quidem comprehensæ, non satis liquet. Neque enim ante Carolum V. ejusmodi Capitulation-

nis exemplar lucem adspexit ; & si qua producuntur , sublestæ habentur fidei. Et quod in Aurea Bulla electus Imperator statim jubetur confirmare omnia jura, privilegia & immunitates Principum Electorum per literas & sigilla, illud ad hos peculiariter videtur pertinere, adeoque diversum quid notare a Capitulatione, qua totius Imperii libertati prospicitur. Cur autem Carolum V. expressis istis & prolixis legibus vellent adstringere Electores, in causa erant istius Principis potentia, ætas juvenilis, altique spiritus, quos suum illud *plus ultra* satis arguebat ; & ne patrimonii sui amplitudine abuteretur ad Germanos in ordinem redigendos: utque nosset, alio modo sibi gubernandam Germaniam, quam reliquas ditiones. Semel receptum institutum, & si fortasse hæ rationes non æque urgerent, retinere visum, ne ampliora sibi indulta crederent successores.

§. 2. Hæ porro Capitulationes hætenus a solis Electoribus Imperatori fuerunt præscriptæ, inconsultis reliquis Ordinibus.

dinibus. Qua de re tamen hi aliquoties sunt questi, & in ipsa pace Westphalica mentio facta, ut proximis Comitibus deliberaretur super concipienda Capitulatione perpetua. Quæ an unquam ad liquidum sit deducenda, merito dubites. E re quippe Imperatoris esse, ut Electores cæteros Principes emineant. Hos enim utpote paucos facilius in suam sententiam posse pertrahere, quam universos Ordines; quibus vicissim aliquid a se indulgeri æquum fuerit. Ex ipso Principum Senatu non valde adversari, qui familiis Electoralibus sint prognati. Reliquorum petita facile posse eludi. Nec congruere moribus Germaniæ, jure aliquem suo utcumque quæsito per vim aut coitionem exturbare. Ac ut non inique postulent reliqui Ordines, ut in Capitulatione æque sui, quam Electorum habeatur ratio; tamen vix concipi posse formulam, quæ deinceps non aliqua correctione opus sit habitura, mutata temporum ratione. Et in prioribus Capitulationibus multa adparere adjecta aut

interpolata, prout ex usu præsentium temporum visum, & obstruendis rimis, per quas Cæsares elabi erant conati. Electores porro non difficiles futuros, ut admonitu reliquorum Ordinum Capitulationi inferant, quæ ipsorum libertati tuendæ videbuntur inservire. Denique valde absurdos esse, qui Electoribus vitio velint vertere, quod emolumentis suis plus quam cæterorum velificari sint visi, quasi isti soli communem hominum inclinationem teneantur exuere, qua quilibet sibi proximus esse gaudet.

§. 3. Quicquid tamen hujus sit, saluberrimo videtur more introductum, potestatis Imperatoriæ leges expresso & distincto scripto comprehendendi. Nam utique ad existimationem Ordinum facit, ut, cum imperari sibi ad modum cæterorum Monarchis subjectorum non patiantur, non credantur ex contumacia, aut per meram usurpationem id facere, sed quia in tales leges Imperatorem adsciverunt. Eorundem quoque libertati & juribus præclare consulitur præfixis



fixis terminis , quos Cæsari transilire nefas. Præscinditur quoque hoc modo Cæsari querelarum causa , quod non ad reliquorum exemplar Monarcharum imperare possit iis , qui se ipsi subiectissimos multo cum verborum honore vocant. Nam ab initio Capitulationis profitetur , sese in has leges Imperium suscepisse , inque easdem cum Electoribus pro se & reliquis Ordinibus per modum pacti convenisse. Atqui si istæ conditiones displicebant , licebat dignitatem illam recusare , aut Electoribus ostendere , dictas leges iniqui aliquid aut absurdi continere ; qui talia sine dubio libenter correcturi erant. Ubi semel limitatam potestatem acceptare placuit , Imperatori nefas plenam & regiam potestatem in Ordines affectare ; aut si tale quid ausus fuerit , his impune non parere licebit. Nam quin non solum regia potestas certis limitibus includi queat , sed & potestas detur , quæ capiti corporis alicujus fœderatorum competat , quæque a regio , & pleno imperio

H 4

diffe-

differat, haud negabunt, queis penitior Doctrinæ civilis intellectus.

§. 4. Ceterum in multis scriptoribus, quando de Capitulatione agunt, observare licet abjectam adulandi libidinem, aut insignem Doctrinæ civilis incitiam. Impudenter non nemo asserit, per Capitulationem potestati Imperatoriæ terminos non poni; sed id tantum agi, ne Imperii vires per alienationes, oppignorationes, & similia flaccescant. Plerique agnoscunt, per eandem certis quidem limitibus circumscribi potestatem Imperatoriam, adeoque absolutam esse definire; non tamen summam, seu, uti quidam loqui amant, eandem plenitudini potestatis quid detrahare, non tamen summitati. Quod uti sequenti Capite curatius erit examinandum; ita illud heic obiter monendum, falli eos, qui putant, controversiam hanc solide expediri distinctione allata inter leges, quæ obligant ex præscripto superioris, & quæ ob placiti fidem & ex conventionione stringunt; ad quod posterius genus Capitula-

pitulationem referunt. Nam ex eo tantum probatur, Imperatorem non esse subiectum Ordinibus ; non autem , ipsum in eosdem obtinere imperium proprie dictum. Ut enim aliquis summum obtineat imperium, non sufficit, superiorem non habere : Sed requiritur, ut iuslibus ipsius citra tergiversationem , aut provocationem cæteri teneantur obedire. Multo minus rem conficiunt, qui sufficere ajunt, ut quis sit summus in ordine ad suam rempublicam. Nam & in Veneta Rep. Dux est summus, cui tamen ideo nemo summum imperium tribuere ausus est. Ac præterquam quod & in Rep. Optimatum , & in Democratiis dentur Principes proprie dicti, quos recte summos in sua republica vocaveris : etiam in Systematibus sociorum dari potest aliquis eminentior, & cui communis cura rei peculiariter sit commissa, qui in isto quidem corpore recte summus & Caput audiat, utut imperio proprie dicto in socios destituatur, seu iisdem ad modum subditorum uti nequeat. Verum satius opinor fuerit

in rem velut præsentem venire, & figillatim considerare, quidnam circa singulas summi imperii partes Imperatori competat. Ni quis enim ista norit, inepte ac temere de Germanorum republica judicare instituit. Erit autem nobis heic sequendus ordo, magis qui genio ejus Imperii, quam methodo scientiæ civilis examusim congruit.

§. 5. Initium ergo capiemus a constitutione Magistratuum, quæ in qualibet civitate est penes summum imperantem, in quem si ultimo demum redundare debet imputatio eorum, quæ ab istis recte aut secus gesta fuerint, necessum est, ut summo imperio competat facultas eorundem gesta examinandi, & si quid deliquerint, officio eosdem dejiciendi, aut alio modo plectendi. Ist hæc potestas quin Cæsari in ditionibus suis hæreditariis illibata competat, dubium non est. Sed de reliquo Imperio quæstio est, ad quod etiam omnia illa spectant, quæ de potestate Imperatoris hoc capite disputantur. Equidem ab initio Duces Comites-

mitesque Germaniæ magistratus proprie dictos fuisse supra asseruimus. Id vocabulum hodie pro summa injuria accipient. Nec ullus Germaniæ Principum concedet, quod Cæsar per ipsum ditioni suæ subjectum populum gubernet, aut quod ipsius subditi Cæsaris sint saltem hætenus, ut plus Cæsari in ipsos juris, quam sibi competere agnoscant: utut multo cum verborum honore de humillimo adversus eundem obsequio testentur. Et licet hæreditarium in regno magistratum existere non repugnet: Salvum tamen ut in ministrum suum summo imperio semper jus manebit. Quod si quis apud Imperatorem in vicem juris constituendorum magistratuum surrogare velit jus Cæsareum dignitatibus & honoribus alios extollendi, ne hoc quidem plane ex arbitrio Cæsaris dependere reperietur. Equidem potest Imperator conferre alicui titulum S. R. Imperii Principis aut Comitis; sed qui in Comitiis ad sessionem & suffragium haud admittetur citra reliquorum Ordinum

num consensum. *conf. art. 44. Capitul. Leopoldina.* Et cum frustra Principum titulo superbiant, quibus ditiones sustinendo ejus dignitatis splendori defunt, ne novitios istos per feuda vacantia locupletare queat Cæsar, *articulo 30. Cap. Leopold.* cautum est : Ubi talia bona in patrimonium Imperii jubentur redigi. *add art. 29. Capit. Leopold.* Ejus constitutionis duplex potissimum est ratio, tum ne omnia feuda vacantia per Domum Austriacam absorbeantur, quæ, si penes ipsam plena facultas relinqueretur ista denuo in alios conferendi, sui aut sibi obnoxiorum haut videbatur oblitura : tum ut tandem aliquando præter titulum tribuere quid possit Germania suo Cæsari, unde tanti fastigii sumtus toleret; ne in electione propriarum opum eligendi potissima sit habenda ratio. Ex hæreditariis autem ditionibus recens creato Principi dignum isto titulo patrimonium assignare, & ad conditionem cæterorum Germaniæ Principatuum idem provehere, supra mensuram puto sobriæ libera-

liberalitatis fuerit. Extraneum & a nemine superiore dependentem Principem in reliquorum Germaniæ Principum ordinem adsciscere Imperatori fors concessum. Sed si vel maxime alicui conditionem suam deteriore facere in mentem veniret, quem locum iste in comitiis occupabit? Nam & hunc infimi subsellii pudebit, & antiqui Germaniæ Principes nisi Regi loco haud cesserint. Circa urbes extraneas in censum Imperialium Germaniæ civitatum recipiendas minor videtur difficultas futura. Nam nec istas tanta ambitio uti Principes titillat, & facili negotio ab oppidis illis sola libertatis specie memorandis, qualia in Svevia non pauca dantur, obtineri posset, ut præfracta loci sui defensione Imperii Germanici incrementa ne impedirent. Sed ut libera civitas Germanis sese velit adungere, vix videtur prius eventurum, quam una aut altera vicinarum Rerumpublicarum dissolvatur. Ex urbibus autem Germaniæ, quæ jam alicui Ordinum subsunt, ullam Cæsari in

in conditionem civitatum Imperialium haud conceditur evehere.

§. 6. Multo minus autem in arbitrio Imperatoris solius est alicui dignationem Principis adimere, aut quempiam Ordinum suis ditionibus expellere, ne quidem ob crimen aliquod in Rempubl. admissum; sed in notorio etiam facto saltem Electorum consensu opus habet, priusquam proscriptionem delinquenti intentet. *Vid. art. 28. Capitul. Leopold.* Scilicet cavere placuit, ne qui fors in rem privatam Imperatoris quid deliquisset, tanquam hostis Reip. statim plecteretur. Immo & circa eundem *articulum 28.* dum Capitulatio Francofurti concipitur, quidam Ordinum non imprudenter monebant, ut expresse infereretur, executionem sententiæ in proscriptos fieri debere ex legibus receptis per membra Circuli, in quo isti sunt siti. Nam si Cæsar ipse sententiam exequeretur, fieri poterat, ut proscriptorum ditiones ad se traheret sub prætextu sumtuum in eam rem factorum. Et fortasse jucundum



dum erat futurum tam atroces ferre sententias, si istæ in emolumentum judicis cederent. De cætero etsi quidam Ordinum certas ob causas a suis subditis apud summa Imperii tribunalia in jus vocari possint; tamen quam curam quisque suorum civium gerat, & quam bene suas ditiones administret, Imperatori parum curæ est. Nam inter præcipua, quæ ipse jurato promittit, est, quod cuique Ordinum sua jura ac privilegia velit conservare, atque in eorundem exercitio neminem turbare. Atqui hoc jure cum primis sese efferunt Ordines Germaniæ, quod sibi subditos vel proprio ex arbitrio, vel prout cum ipsis pacti sunt, possint regere. *Vid. art. 3. 7. 8. 9. Capitul. Leopold.* Paucissima quoque sunt, quæ Imperator subjectis Ordinibus immediate possit imperare. Imo ne id quidem plerique concedere volunt, ut evocare eosdem queat testimonii aut litis causa absque omni subsidio juris in citationibus, quas suo nomine emittit. Præmiis tamen & privilegiis subjectos Ordinum

num afficere non prohibetur Imperator, ita tamen, ut juri Ordinum in eosdem nihil detrahatur. Et si fere intra titulos Cæsarea liberalitas adversus istos subsistat.

§. 7. Videamus porro, quidnam juris sit Imperatori in bona Ordinum, quatenus ex illis sunt contribuenda, quibus Resp. pacis bellicque tempore sumtus tolerat. Quantum mihi constat, omnia vectigalia extra ditiones Imperatoris, si paucissima excipias loca, ad Ordines spectant; qui ne eadem supra modum intendendo commercia pessumdent, Imperator se prohibiturum promisit. *Art. 21. 22. 23. Capit. Leopold.* Neque nova ipsi vectigalia in ditionibus Ordinum instituere concessum. Si quæ alia ad Imperatorem ex Imperio redeunt, magni adeo non sunt momenti, aut ministris Cancellariæ cedunt, quibus inprimis renovatio feudorum quæstiosa est. *Vid. art. 17. Capit. Leopold.* Tributa ab Imperatore pro arbitrio indici Germanis auribus inauditum. Nec statim quid ad

ad necessitates Reip. ab Ordinibus conferri suevit, nisi quod sustentandæ Cameræ Spirensi destinatur: quanquam & modicum istud sat tædiose a multis solvitur. Quondam etiam Imperatore ad coronam Romæ petendam proficiscente, ab Ordinibus armanda & alenda erant IV. equitum, & XX. peditum millia. Verum cum expeditiones illæ Romanæ dudum fieri desierint, descriptiones seu taxationes eam ob causam conceptæ huic fini inserviunt, ut si fors extra ordinem quid conferendum sit, ratæ partes singulorum Ordinum statim sciantur. Etsi & in istis super inæquali distributione a multis querelæ moveantur, quorundam opibus lapsu temporum attentatis, aliorum auctis. In Turcicum bellum Germanis maxima vis sanguinis juxta, aurique insumta; sed ne heic quidem pro imperio aliquid ab Ordinibus exactum. In Comitibus aut per circummissos Legatos omnia impetrata, eo facilius, quod nonnullis Principibus ea res in quæstum vertit, dum

I

par-

particulam aliquam istius tributi extra ordinem paulo laxius impositi sibi decerpere.

§. 8. Arbitrium belli & pacis jam sat arctis inclusum legibus intelligitur, amoto rerum gerendarum nervo. Equidem possunt Austriacorum ditiones hæreditariæ validum alere exercitum. Sed & easdem valde exhaustum iri, si solis onus incumbat, in aprico est. Ni ergo Ordines tam in bellum, quam in sumptus ad id conferendos consenserint, non est, quod auxilii quidpiam ab iisdem sibi polliceatur Cæsar. Cæterum uti non omnino destituere ipsum solent, si ab aliis invadatur; ita ultro alios armis petenti nemo temere adfistet, nisi peculiares ipsi cum Domo Austriaca rationes intercedant. Quin potius ex re Ordinum est impedire, ne iste bellum alteri inferat, non solum quia illa occasione tota Germania turbis involvi potest; sed & quia ipsa Cæsaris victoria illis parum læta est futura, gliscente nimium ejusdem potentia, quam libertatis suæ  
præ-

prægravem forte non injuria metuunt. *vid. art. 13. 14. & 16. capit. Leopold.* Quomodo itidem Cæsaris potestas circa fœdera ineunda sit restricta, docet *art. 10. ejusdem capitulationis.* Circa quæ tamen cum exteris jucunda quantum licentiæ non raro quidam Ordinum sibi indulserint, magno cum Imperii damno, exemplo non uno constat.

§. 9. Videamus, quid Imperatori circa sacra potestatis competat. Nam ut de hac quoque a Juris Publici scriptoribus anquirendum sit, reformata per magnam Germaniæ partem sacra effecerunt; cum e veteri theologia Romanis placitis addicta sacrorum cura penes solum Romanum Pontificem sit; ac summis imperantibus civilibus nil aliud relictum, quam clerum tueri & locupletare, & alicubi certa munia ac beneficia sacra dispertiri. Ast recentior doctrina longe plus potestatis summis imperantibus attribuit, eoque ipso magnæ rerum per Germaniam conversioni ansa præbita fuit; de qua pro capto hujus  
I 2 scripti

scripti paucis ita habendum. Cum igitur antea per Germaniam soli ritus Romani viguerint, nisi quod in Bohemia Joannes Hussus non paucos haberet discipulos, & Judæi passim tolerarentur, per Martinum Lutherum magna clades rebus Pontificis præter opinionem illata est: & levibus e causis exorta rixa magnam Germaniæ partem avertit. Istud hoc in negotio uti merito divinæ providentiæ primum locum deferimus; ita inter ea, quæ homines huc contulerunt, præter pronam admodum ejusmodi mutationi dispositionem incusari cum primis meretur, tum inscitia eorum, qui primi sese Lutheri opposuerunt, tum Leonis X. inconsulta præcipitantia. Scilicet Fraterculi quidam inter se rixabantur, quorum uni solida magis pietas, alteri quæstus sacerdotum cordi videbatur. Heic si ad humanæ leges prudentiæ res exigenda sit, cordati fuerat judicis utrique se parti æquum præbere, aut utrique parti mature silentium imponere, ne apud vulgus ea mox suspecta

suspecta fieri inciperet. Saltem non ita aperte in partes institorum erat descendendum, ne summo pastori lucrum magis, quam salus animarum curæ crederetur, aut quasi iste mallet peccata redimi, quam prohibere. Et præbebatur occasio suspicandi hominibus parum superstitiosis, quasi eadem cum medicis & chirurgis agitarint vota sacerdotes, quæ morbi, ac vulnera hominum emolumento cedant; quosque adeo iisdem bona fide indolescere nemini persuadeatur. Quod si autem stultum, & sacrilegum habebatur, sententiam ferri in detrimentum Ecclesiæ vergentem; debebant hominem præfervidi ingenii donis, aut per promissa delinire, ne facem iste laicis præferret ad excutiendum sacerdotum jugum. Et cum plures per ambitum, & largitiones, ad dignitates ecclesiasticas adspiraverint, tanti puto fuerat Monachum purpura involvere, ne tam male de Ecclesia Romana mereretur. Enimvero cum Lutherus deprehenderet, sacerdotem apud tribunal nil

æque sese obtenturum, favorem Laicorum captare instituit. Exinde Papam, qui aperte jam litem suam fecerat, judicem recusavit agnoscere. Tum ne patronis destitueretur, docere cœpit, ad principes seculares, aut qui his parem gerant potestatem, spectare curam Ecclesiæ; cumque videant, per bona, a majoribus pios ad usus destinata, clericorum ignaviam, & luxuriam ali, fas esse otiosum pecus sagina sua excuti. Id a multis avide arreptum, partim, quod ista vero congrua dici viderentur, partim quod redivisus suis opimam inde alluvionem sperarent. Innotuerat quoque, ab Italis simplicitatem Germanorum illudi, dum pecunia, e peccatis ipsorum redacta, aleæ, luxuriæ, aut ad satiandam Papalium nepotum avaritiam infumitur. Redibat quoque in memoriam dictum Martini V. oppido quam pastore animorum parum dignum, sibi esse in votis, ut ciconia fiat, dummodo Germani in ranas verterentur. Et qui antehac tam mascole Romanorum arma repulerant, in-



ingemiscebant, sese obtentu religionis ab imbelli hominum genere tantum non ad fœnum edendum compelli. Sed & non parum momenti attulerat instauratus tunc bonarum literarum cultus, quod nova isthæc disciplina tanto cum adplausu reciperetur. Habent enim id homines eruditi, ut non facile adduci queant ad credenda illa, quæ a ratione videntur abhorrere.

§. 10. Ist hac occasione magna pars rituum, & si qua dogmata novis doctõribus superflua, aut falsa judicabantur, apud multos Germaniæ populos eliminata; simul clerici passim bonis sacris evoluti. Super istis bonis cum occupatoribus apud Cameram plurimæ lites intenderentur, & vero hæc in clericos videretur pronior, Protestantes jurisdictionem Cameræ saltem hac in parte detrectabant agnoscere. Ersi enim alias ante omnia leges jubent spoliatos restitui; non sine ratione tamen tergiversabantur Protestantes, causati, prius generali concilio, eoque legitimo, aut alio

conventu publico definiendum, ejectos clericos veram fovere religionem. Ni hoc probatum fuerit, id quod sibi sit persuasum, impudenter istos petere fruitionem bonorum, quæ a majoribus vero cultui divino sint consecrata. Enimvero cum solis rationibus, & protestationibus parum sese tutos crederent, plerique eorundem fœdere, quod Smalcaldicum vocant, junguntur ad repellendam vim, si qua ex causa religionis mutatae intentetur. Ad arma inde procursum; quæ cum infelicitè cessissent, captis Electore Saxoniae, & Landgravio Hassiæ, religio quoque ipsorum non parum videbatur nutare. Donec Mauriti Saxonis armis restituta horum potentia Transactio Passavii iniretur. Post vero in comitiis Augustanis, anno 1555. habitis religioni Protestantium amplissime fuit cautum, per modum publicæ legis sancita pace, quam vocant, religiosa. Ibi præcipue conventum, ne partes se invicem obtentu religionis invadant, lædant, aut ad eandem ejurandam vi  
adi-

adigant. Si quæ bona ecclesiastica, quæ ad statum aliquem immediatum non pertinuerunt, ab Ordinibus secularibus fuerint occupata, modo clerici tempore transactionis Passaviensis, aut interea, ista non possederint, possessoribus relinquantur, neque propter hæc Camera in occupatores jus dicat. Jurisdictio ecclesiastica in socios Augustanæ Confessionis suspendatur, & ipsis circa sacra sua disponendi sit facultas. Ne quis alterius subditos in suam religionem pertrahat, eorumque defensionem obtentu religionis suscipiat. Subditis tamen, qui sacris addicti sunt a superiore suo diversis, detur facultas bona sua vendendi, & alio migrandi. Si dissidium religionis per licita remedia non componatur, pax ista in perpetuum duret.

§. II. Acerrime autem disceptatum fuit super concedenda clericis Catholicis licentia amplectendi religionem Augustanam, ita ut cum dignitate simul retinere daretur ditiones sacras. Id quod Protestantes obnixè urgebant; in

magnam suæ religionis redundare infamiam, si suscepta ejus professione bonis ac dignitate sit cedendum. Multis hac via ad puriorem doctrinam aditum obstrui. Sibi haut quidquam in animo esse, ditiones sacras in profanos usus convertere, aut Capitulis liberam electionem adimere. Verum cum isthac licentia jugulum religionis Catholicæ per Germaniam peti satis adpareret, non minus præfractæ Catholici Status isti sese opposuerunt, quibus favens Ferdinandus hanc clausulam paci religiosæ inseruit: si Clericus ad Protestantium religionem transeat, beneficia, quæ habuit ecclesiastica, perdat, salva tamen existimatione. Et si tunc & aliquoties postea, imprimis in causa Colonienfi, de isto reservato questi sint Protestantes, neque ea se teneri asseruerint. Quod haut eo secius Instrumento Pacis Westphalicæ confirmatum fuit.

§. 12. Enimvero isthæc pax omnia discordiarum semina, e diversitate sacrorum orta, tollere haut quidquam potuit.

potuit. Nam & inter ipsos Protestantes in partes discessum, quod plerique quidem verbis Augustanæ Confessionis simpliciter inhærerent, alii limatius quædam dogmata adornanda censerent. Et quanquam cordationibus videretur res tanti non esse, ut propterea in bella civilia iretur: tamen animi invicem non mediocriter exacerbati fuerunt intemperie concionatorum, & artificio Catholicorum, quibus dissensio adversariorum multum profutura erat. Cumque a pace religiosa exclusi essent, qui neque Catholicam, neque Augustanam fidem sectarentur, callide laborabant Catholici, ut ad illos, qui politius sese arbitrabantur credere, Augustana Confessio nihil spectare a reliquis eidem simplicius addictis judicaretur. Quanquam autem hi non semel publice testarentur, illos ob dissensum non capitalem a pace sacra haut quidquam sequestrandos, effecit tamen sacerdotum fervor, ut utrique seorsim fere suas rationes habere inceperint, parciusque in commune confule-

fulerint ; immo cum una pars a Catholicis premeretur, aliorum nonnulli tacite eos pereuntes spectarent, aut auxilia quoque in eosdem submitterent. Existere deinceps aliæ disfidiorum catiſæ, & demum in Bohemia incendium exortum, quo mox univerſa Germania fuit involuta. Eo in bello cum fortuna ab initio Cæſari ſupra votum arriſſet, iſque magnam Germaniæ partem jam armis oppreſſam teneret, anno demum huius ſæculi XXIX. ediſtum promulgat ſuper reſtituendis bonis eccleſiaſticis, quæ poſt transactionem Paſſaviſem a Proteſtantibus eſſent occupata. Ediſti arcana ratio hæc erat, ut Cæſar ſibi conciliaret ſacerdotes, reliquosque Ordines Catholicos, & iisdem perſvaderet, quæ moliretur, in gratiam religionis ſuſcipi, non ad opprimenda Ordinum jura. Quod ſi autem hiſce auxiliantibus, aut ſaltem non reluctantibus Proteſtantes ſubegiffet, in proclivi deinceps erat reliquos etiam ad nutus ſuos componere. Sed quomodo ea deſtinata

ta

ta eventus destituerit, notissimum est. Demum in pace Westphalica prolixè super negotio religionis fuit cautum *articulo V.* ubi transactio Passaviensis, & pax religiosa denuo confirmata; & expresse declaratum, eandem ad Reformatos quoque, uti vocant, pertinere. Additum, quæ post Kalendas Januarias anni 1624. in ecclesiasticis, & eorum intuitu in politicis mutata, in eum statum reponerentur, quo dicto tempore fuerunt; adeoque bona sacra, quæ tunc a Catholicis tenebantur, & interim a Protestantibus occupata fuerint, istis restituerentur, & vice versa. Bona sacra mediata, quæ Protestantes dicto tempore possederunt, in perpetuum retinerent. Jus religionem mutandi, quod antea Ordinibus libere videbatur competere, ita constringeretur, ut subditi Ordinum Catholicorum Augustanæ Confessioni addicti, qui anno 1624. exercitium suæ religionis habuerunt, id retineant, in eodem turbati restituantur: qui illud dicto anno non habuerunt, libertate con-

conscientiæ gaudeant, cultum tamen suum exerceant tantum intra privatos parietes, aut in vicinis locis. Quod si tamen a Domino territorii migrare sint jussi, liberum sit bona vendere, aut per ministros administrare. Nonnulla quoque Cæsar suis subditis in gratiam Principum Protestantium indulgit. Cautum præterea, ut si deinceps Principum aliquis religionem mutarit, id ei sit impune, suæque religionis sacerdotes in aula secum queat habere: subditos tamen ad suam religionem vi non adigat, sed in hæcenus recepta relinquat. Etsi & hisce licitum est ultro Domini sui sacra amplecti. Observandum præterea, libertatem illam religionis esse sancitam per modum pacti æquales inter initi, & in quo ipse Cæsar alterius partis est accessio; adeoque neque Cæsari, neque reliquis Ordinibus Catholicis, utut forte numero superantibus, aliquid heic immutare licet. Sed & illud manifestum est, Ordinum Protestantium meliorem conditionem esse, quam Ca-



Catholicorum; cum hi a Pontifice dependeant, illi de suis sacris proprio jure disponant. *Add. art. 1. § 19. capitul. Leopold.*

§. 13. Ad potestatem legislatariam pergimus. Ea cui competat, planius apparebit, si intelligamus, quali jure, & unde introducto Germania utatur. Ubi facem nobis prætulit *Hermannus Conringius* erudito tractatu *de Origine Juris Germanici*, quem heic fere sequimur. Operosus autem est laudatus autor circa refellendam communem opinionem, quasi jussu Lotharii Saxonis circa A. C. 1130. in scholas pariter & forajus Romanum sit receptum; ostenditque ad seculum usque tertium decimum judicia Germaniæ non tam ex jure scripto, quam ex receptis moribus, aut ex æquo & bono sententias pronuntiasse; judicesque ad privatas causas lectos non doctrina præstantes, sed quos senilis prudentia, pietas & justitia commendabat, plerisque tunc e populo laico legendi scribendique imperitis. Seculo porro ter-

tertio decimo jus Canonicum paulatim in Germaniam irrepsit, neque solum ea inde peti cœpta, quæ ad causas sacras faciunt, sed & processus causarum civilium ad idem institutus. Etsi multi antiquis suis consuetudinibus mordicus inhærere maluerunt. Circa eadem quoque tempora antiquæ consuetudines in scripta relatæ; quas inter præcipue celebrantur jus Lubecense, & jus Magdeburgicum, quod Teutonica lingua *Weichbild* vocant. Item Speculum juris Saxonici & Suevici, ut & jus feudale Saxonicum & Suevicum. Atque his fere juribus usa est Germania per seculum decimum tertium & quartum. Seculo demum decimo quinto jus Romanum, nec minus jus feudale Longobardicum sensim invaluit, peritis ejus juris in consilia Principum adscitis, queis artificium suum omnibus modis fovere cordi fuit; idemque pasim per Academias Germaniæ doceri cæptum ad exemplum, uti apparet, scholarum Italicarum, quas Germanis frequentasse tunc

tunc gloriosum habebatur. Hinc, qui in scholis isti juri operam navassent, cum tribunalibus admoverentur, idem jus paulatim in forum receperunt. Et anno 1495. a Maximiliano I. constitutum, ut in Camera jus ex legibus Romanis diceretur, salvis tamen receptis consuetudinibus, & peculiaribus statutis singulorum locorum. Ergo jus, quo Germania hodie utitur, est quasi cinnus quidam ex jure Romano, Canonico, antiquis consuetudinibus, & statutis singularum provinciarum, atque urbium, fere inter se plurimum discrepantibus. Et id in tribunalibus regulariter observatur, ut, si quidem statutum aliquod provinciale, aut municipale extet, id primo loco valeat. Hoc deficiente ad jus Romanum recurritur, quantum id communiter receptum est. Habent autem hoc Ordines Imperii, ut in suis ditionibus circa causas civiles possint leges ferre, etiam a jure communi Romano discrepantes, uti & alia statuta condere, ad usus suos facientia, inconsulto quoque

K

que Imperatore, modo nihil contineant statui totius Imperii adversum. Etsi multi jura sua provincialia per Imperatorem rata haberi fecerint majoris autoritatis, aut reverentiæ in istum testandæ gratia. Imo & circa criminalia leges possunt condere peculiares. Neque enim Constitutio Criminalis Carolina per omnia ubique observatur. Exercent etiam Ordines jus nocentibus veniam supplicii concedendi. Quod si novi quid statuendum sit, omnes obligaturum, id non nisi in comitiis universorum consensu condi potest: nec minus Imperator, quam Ordines eodem obstringuntur. *Vid. art. 2. Capitul. Leopoldinae.*

§. 14. Judiciorum per Germaniam diversis temporibus diversâ fuit ratio. Circa quæ cum accuratissime sit traditum a laudato *Conringio*, tractatu *de Germanici Imperii Judiciis*, præcipua inde excerpta heic subjicere compendium laboris fuerit. Quid ergo sub Carolo M. obtinuerit, prius videamus. Familiæ regiae cum inter se, tum adversus alios con-

controversiæ in concilio Procerum, & populi disceptabantur; nec minus causæ Procerum, quæ quidem magni forent momenti. Minores Procerum lites per Regem, aut ipsius Missos, (ita enim tunc vocabantur, quos hodie Commissarios, aut Visitatores, vel delegatos extraordinarios appellare possis) dirimebantur. Pro reliquorum controversiis erant in singulis pagis, seu districtibus, constituti a Rege Graviones sive Judices, stipati Scabinis, sive Assessoriis, e nobilitate, aut honesta plebe selectis. Hi super civilibus, & criminalibus actionibus cognoscebant. Graviones porro propter pagorum amplitudinem passim per vicos sibi substitutos habebant vicarios, sive ipsorum lingua Scultesios; a quibus tamen ad istos dabatur provocatio. Sacerdotes præterea in vitiosos Christianorum mores pœnis canonicis animadvertabant. Episcopis in clericos, & monachos jurisdictio. Ipsos Episcopos apud Metropolitanum, aut in Synodo deferri, moris erat; etsi

paulatim ad Pontificem Romanum ob istius fedis auctoritatem provocationes fieri cœptæ, ab initio, uti videtur, fere ex compromisso. Imo & laicorum causæ promiscue ad Episcopos devolutæ propter sanctimoniam, & integritatis opinionem. De bonis autem sacris judicium non erat penes clericos, sed penes Advocatos, sive Vicedominos, peculiariter a Regibus constitutos; adeoque clericorum personæ judicio cleri, bona eorundem judicio Advocatorum laicorum suberant. Ab hisce judicibus provocabatur tum ad Missos Regios, qui certis temporibus provincias circumibant, tum ad ipsum Regis palatium; ubi super provocatione cognoscebat ipse Rex, aut comes Palatinus, cujus etiam erat dirimere, causas, in ipsa aula enatas. Provocare tamen non temere concessum, nisi ubi Graviones, aut Misii justitiam administrare detrectaverant. Omnia tamen brevissimo, & planissimo processu, & per paucas audientias terminata. Sic, ut in hac judiciorum forma nihil possis desi-

desiderare, nisi provocationes clericorum ad Pontificem, velut extra Germanorum Remp. constitutum.

§. 15. In hisce successu temporum nonnulla mutata. Causas regias post Auream Bullam ad se solos fere revocarunt Electores. Pontifex quoque in Cæsares eousque sibi potestatem sumfit, ut ipsos excommunicare, & subiectos ab obsequio liberos pronuntiare non dubitaverit; Imperatorem insuper vassallum, & Imperium feudum suum jactans. Circa Principum causas illud ex antiquo more mansit, quod istæ nunquam solius Regis judicio fuerint permixtæ, sed adhibitis proceribus decisæ processu simplici, ac brevi, & ex æquo, & bono. Et si quando intra proximum potissimum seculum Imperatores sibi solis potestatem sumfere judicandi circa personas, & feuda Principum, animosiores Ordinum constanter contradixerunt. Quin & si alia deessent testimonia, universi structura Imperii satis arguit,

guit, solius Cæsaris arbitrio tanti momenti cognitiones relinqui non posse, saltem ut Electores in antecessum in consilium adhibere necessum sit. Sic, ut adulationis manifesti sint, qui Judicium Principum, seu Parium Curiae, Germanis das Fürstenrecht dictum, inane figmentum vocare sunt ausi. Id tamen deinceps introductum, ut pleræque Principum familiae, quos & civitates liberae sunt imitatae, judicia sibi arbitraria constituerint. Teutones sua lingua Austrægas vocant; quorum origo probabiliter ad extrema Friderici II. tempora, & magnum illud interregnum refertur. Martem quoque sæpenumero arbitrum sumere, quibus potentia magis sua, quam causa placuit. Id quoque a recentiore tempore, quod non ipsi Cæsares, ac Principes, causarum cognitioni vacent, sed eandem in ministros suos rejicere soleant, legum peritos. Quod non potuit non evenire, postquam pro simplicibus consuetudinibus patriis intricatae leges Pontificiae, & Romanae subierunt,



runt, quas Principibus addiscere summi instar supplicii futurum erat.

§. 16. Circa Clericos illud mutatum, quod Episcoporum causæ personales omnes Romam sint pertractæ, neglecta Metropolitanorum, & Synodorum provincialium autoritate. Id quod apud Protestantes mutatum Catholici adhuc retinent. Etsi Carolus V, & quidam alii, Pontifice inconsulto, & ringente, circa religionem nonnulla disposuerint, & in personas Clericorum manus iniecerint. Tempore quoque Friderici II, & deinceps, plerique Clerici liberam suorum bonorum administrationem, excusis Advocatis, sibi asseruerunt. Subsunt tamen Ecclesiastici Ordines Imperio intuitu feudorum suorum, & regalium, quibus multari possunt, si in pacem publicam, aliusque Imperii leges atrociter deliquerint. Monachi quoad personalia seculo Caroli Magni sub Episcoporum erant jurisdictione; cui deinceps antiqua quædam Monasteria exempta, & immediate Pontifici subiecta. Novi

Ordines, circa seculum decimum tertium & post exorti, suis provincialibus & Generalibus subjecti, unius Papæ supremam agnoscunt jurisdictionem, premdæ, uti adparet, Episcoporum auctoritati. Bonorum administratio ab initio ut plurimum Advocatis permissa, a quibus successu temporum aliqua cœnobîa exempta; plura in antiquo statu permansere. Pauca quoque ab oneribus publicis immunita facta.

§. 17. Causæ plebejorum seculares jam tum tempore Caroli M. vel coram Episcopali audientia, quæ late potestatem protulerat, vel in foro seculari agitabantur. Heic adeundi primum Scabini, qui antiquissimis temporibus per pagos atque vicos constituti. Ab his ad Graviones, seu Comites ibatur, quorum potestatem multi postea Duces, & Episcopi invasere. A Comitibus dabatur provocatio ad Missos Regios, & demum ad ipsum Regem, qui in aula ultimo lites decidebat. Enimvero, cum seculo decimo quinto appellationes fieri cœpissent

pissent frequentissimæ, ob introductas processus ambages, & per rabularum nequitiam, iis commodius excutiendis deliberatum fuit de amplissimo aliquo, & statò tribunali constituendo, quod demum Spiræ fixam sedem accepit. Sic, ut illi causam dederit, non quod aula Cæsaris fere ambulatoria foret, sed quod tanta litium moles separato in loco commodissime videretur expediri posse.

§. 18. Moderna per Germaniam judicia sic se habent. Privatus cum privato litigaturus in prima instantia Prætozem adit ejus urbis, aut vici, ubi degit, nisi alter privilegio sit munitus. Inde in omnibus, quos novi, Principatibus est superius aliquod tribunal, toti provinciæ commune, ad quod ab istis provocatur. Pleræque tamen civitates liberæ suam jurisdictionem unica instantia absolvunt. Communia toti Imperio sunt Camera Spirensis, & Curia Au-lica Cæsarea. Verum gaudent quidam Ordines hoc jure, ne ipsorum subditi

omnino ad ista suprema tribunalia possint provocare, uti sunt Electores, etsi circa Ecclesiasticos quidam dubium moverunt, magis an exerceannt illud jus, quam an habeant. Item Domus Austriaca, & Rex Sueciæ intuitu provinciarum Germanicarum. Vid. *Instrum. Pacis Westphal. art. X. §. 12.* qui Wismariae tribunal erexit, in quo appellationes, ad earum quondam provinciarum Principes, aut Spiram, aut in Curiam Aulicam devolvi solitæ, terminentur. *Add. Capitul. Leopold. art. 27. §. 28.* Hoc tamen omnibus, quantum mihi constat, Ordinibus est commune, ut ab illis provocatio non sit, nisi litis æstimatio certam pecuniæ summam excedat; quæ summa tamen alibi major, alibi minor est. Criminalem autem jurisdictionem non solum Ordines Imperii, sed etiam municipia quædam, ac Nobiles plurimi citra provocationem exercent.

§. 19. Quod si ipsis Ordinibus inter se lis sit, plerique eorum in prima instantia

tia

tia adeunt arbitros, five Auſtrægas. Eorum aliqui peculiari Ordinum conventionem conſtituti ſunt, alii ex communi diſpoſitione legum publicarum dependent. Origo prima eorundem in obſcuro eſt. Vero quam proxime videntur accedere, qui eosdem ad Friderici II. tempora, & interregnum illud magnum referunt, uti jamjam dictum. Sic ergo iſtorum autor, quod quidam volunt, non eſt Maximilianus I, etſi hic novam iſtis formam dederit, quæ extat in *Ordinatione Camera anno 1495. Wormatiæ* conſcripta. Ex variis, qui recensentur ibidem, Auſtrægarum modis duo potiffimum frequentantur; ut vel reus tres denominet Principes, aliosque Ordines, ex quibus unus ab actore eligatur; vel ab Imperatore Commiſſarii unus, pluresve impetrentur. Sunt tamen quædam cauſæ, quæ non ad Auſtrægas pertinent, ſed ſtatim ad Cameram, aut Judicium Aulicum ſunt deferendæ, quas paſſim enumerari videas. Comitantur autem Auſtrægas hæc incommoda, quod  
ab

ab illis provocari queat ad Cameram, & Judicium Aulicum, adeoque paucae lites hoc modo finiantur, quodque multi sumtus requirantur, dum muneribus demulcendi, lauteque tractandi sunt arbitrorum Principum Commissarii. Accedit, quod semestre, aut annum spatium sit praefinitum judicio Austrægarum, intra quod litem majoris momenti componi portentum in Germania foret.

§. 20. Supremum Germaniæ tribunal est Camera, cui Spiræ sedes fixa, quæ primum consensu Ordinum instituta a Maximiliano I. anno 1495. Hæc etsi in decretis, ac sententiis suis solius Imperatoris nomen præ se fert; rectius tamen illi, qui eandem non a solo Imperatore, sed & ab universis Ordinibus dependere, eorumque autoritate jus dicere, asserunt. Præsidem huic judicio constituit Cæsar virum Principem, aut saltem Comitem, vel Baronem. In Pace Osnabrugensi dispositum, ut deinceps sub primario illo Præside, quem  
Judi-

Judicem Camerae vocant, essent quatuor Praefides inferiores, a Caesare constituendi, & in universum L. assessores, quorum XXVI. religioni Catholicae, XXIV. religioni Protestantium forent addicti. Scilicet ut tolleretur Protestantibus materia querendi, quasi prevalente numero assessorum Catholicorum ipsi justitiam experirentur minus faventem. Quanquam numerus iste nunquam completus fuerit, plerisque Principum tardis circa sufficiendos assessores, aut conferenda eorundem salaria; quod ipsorum aures imperiosas ejus tribunalis sententias, utut raro ultra verba procedentes, fere averfentur. Qui accuratam ejus judicii formam cognoscere cupit, ei omnino legenda est *Ordinatio Camerae, Imperii Recesibus* inserta. Vulgo lites Spirae dicuntur spirare, sed nunquam expirare; cujus rei causa est tum causarum multitudo, & paucitas assessorum, tum immensae processus ambages. Sed inprimis, quia deficit ut plurimum facultas exequendi  
fen-

sententias. Inde, qui propriæ confidunt potentiae, fusque deque habent, quid Spirenses pronuncient. Et his ipsis tantum falis est, ut, quod superest auctoritatis, non temere velint prodigere sententias, dicendo validioribus ludibrium debituras. Imbelles tamen muscas heic, uti & in aliis tribunalibus, irretiri mos est. Circa defectus Camerae emendandos multa sunt constituta in *Recessu Imperii* anno 1654. A Camera non datur provocatio; sed si quis læsum se putat, revisionem potest petere; quæ tamen, quantum mihi constat, alto adhuc somno composta quiescit.

§. 21. Est quoque in aula Cæsarea iudicium; quod pari se potestate cum Camera Spirensi fert, sic ut, quæ in illo moventur lites, ad hanc non possint trahi, & vice versa. Ejus in concinniorem formam redacti leges Ferdinandus Cæsar promulgavit, anno 1549. auxit Maximilianus II. plane innovavit Matthias anno 1414. sed & quædam interpolata per Ferdinandum III. in Comitibus Ratisponen-



nenfibus anno 1654. Vid. *Inſtrum. Pacis artic. V. §. 20. & artic. 41. 42. 43. Capit. Leopold.* Id judicium a ſolo hætenus Imperatore dependit, utut Moguntinus tanquam Cancellarius Imperii, in eodem reſiſionis ſibi jus aſſerat. Cauſam vel inſtituti, vel inſtaurati, ſolenniusque adornati ejus judicii divinando aſſequi, non ita in arduo eſt. Scilicet ægre ferebant Auſtriaci Cæſares, dum Spiræ ſuper appellationibus, aliisque graviffimis cauſis cognoscitur, ibique juſtitia imploratur, aulam ſuam minus frequenter. Nam & in eo maxima reſplendet imperantium majeſtas, quod ad illos confugiant, qui ſuper jure ſuo conſequendo, aut propulſanda injuria laborant: & cui juſtitie oracula interpretari datum, facile ab eadem diva impetrabit, ut ne aliquid reſpondeat, quod commodis ipſius adverſetur. Sane notum eſt dictum Cleſelii Cardinalis, quod ei frequenter in ore fuit: non opus eſſe, ut Cæſar bellum in Proteſtantes gerat, ſed ſufficere, ſi in proceſſibus adverſas iſtis ſen-

sententias ferat. Camera porro Spirensis, præterquam quod ab universo Imperio dependeret, confessus erat ab aula Cæsarea remotus, Rheñoque suo affixus, qua Danubius flueret, parum videbatur curare. Controversiæ porro Ordinum inter se propter mutatam juris rationem non ita commode, uti olim, in Comitibus expediri poterant. Eas ergo si ad se solum trahere posset Cæsar, receptis etiam privatorum provocationibus, magnam Ordinibus necessitatem imposuerat ipsius majestatem colendi. Nec deerat plausibile prætextum tali iudicio fovendo. Quare namque in capitulationibus promiserat, se omnibus iustitiam administraturum, si omnes ipso præterito Spiram cursum intenderent? Accedebat, quod iudicium illud Aulicum lentissimo sese processui haut adstrictum profiteretur. Unde volupe erat brevi lite posse defungi, si cui ejusdem favorem mereri contigerat. Nam Spirensibus, ne si velint quidem, etiam in liquidis causis ambages illas præciderere

re non licet. Profundius adhuc genium illius judicii penetrabit, qui consideraverit, esse præterea secretius, sive sanctius Consilium in aula Cæsaris, in quo negotia, summam Reip. spectantia, potissimum tractari solent. Causæ igitur controversæ in Judicio Aulico prius disceptantur, & ubi respectus quidam politici intervenerint, ad Cæsarem transmittuntur, adjuncto, quid sibi videatur. Hinc causæ denuo in secretiore isto consilio proponuntur: ubi non tam juris, quam status rationes ponderantur, puta, num Cæsari aut Imperio expediat, talem sententiam ferri; an, & quomodo commode executio fieri possit. Ubi circa talia scrupulus occurrat, sententiæ pronunciatio suspenditur.

§. 22. Circa executionem sententiarum, in summis hisce tribunalibus dictarum, ita fere proceditur. Primo sententiæ ut pareatur, condemnato injungitur sub comminatione certæ summæ marcarum auri puri, partem fisco, partem victori solvendarum. Si tergiver-

L

fatus

fatus iste fuerit, multa intenditur. Si quis minas contemnere perrexerit, banno, si-  
ve proscriptione afficitur, ac vi armata  
in ordinem redigitur. Et quidem si  
alicui Ordinum subjectus sit, executio  
eidem mandatur, cui damnatus subest.  
Sin damnatus ex Ordinum numero fue-  
rit, executio mandatur Præfecto, aut  
uni alterive Ordinum circuli, cujus  
membrum iste est. Sin circulus parum  
sit validus cogendo damnato, duobus  
aut tribus ea res committitur. Verum  
rarius contingunt ejusmodi executio-  
nes; & magis est ex usu Germaniæ,  
Ordinumque libertate, ut tanti momenti  
lites arbitrorum interventu compo-  
nantur.

§. 23. Denique si quid incidat, quod  
summam Reip. spectet, de eo haud quic-  
quam licet Imperatori pro lubitu statue-  
re, sed in Comitibus, siue universorum  
Ordinum conventu, ejusmodi negotium  
est proponendum, & ex consensu eo-  
rundem definiendum. *Vid. Capitul. Leo-  
pold. art. 39. sub finem.* De his quia satis  
accu-

accurate a multis traditum, nos summa tantum capita delibabimus. Indicere Comitia solius quidem est Imperatoris, ita tamen, ut literis, vel per legatum, consensus Electorum sit requirendus, etiam super eorundem loco, & tempore. *Vid. artic. 17. Capitul. Leopold.* Possunt etiam Electores Imperatorem admonere de habendis Comitibus, si usus Germaniæ videatur exigere. Quia vero eadem multo Ordinum sumtu celebrantur, d. l. *Capit. Leopold.* cautum fuit, ne Imperator ipsis præter necessitatem habitis Comitibus molestus sit. Per interregnum Comititia indicare penes Vicarios Imperii erit, & absente Imperatore penes Regem Romanorum, si quis tunc extiterit. Indictio non fit publico, & communi aliquo edicto, sed per literas manu exaratas, aut impressas, singulis Ordinibus insinuandas; quæ concipiuntur verbis blandam potius invitationem, quam imperiosam citationem præ se ferentibus. Et isthæc indictio fere per semestre spatium antecedit Comititia, ut per otium

de rebus ibi tractandis Ordines meditari queant.

§. 24. Priscis temporibus per singulos annos Comitia fuisse habita, nec ultra mensem durasse, antiquitatum Germanicarum peritis verosimile videtur. Hodie quoties, & quamdiu celebranda, nihil certi constitutum, sed ista omnia necessitatibus Reip. definiuntur. Circa locum eorundem in Aurea Bulla quidem dispositum, ut prima Comitia Norinbergæ habeantur, ni legitima impedimenta intervenerint. In Capitulationibus de commodo duntaxat loco fit mentio, qui non sit situs extra Germaniam, & in quem Electores consenserint. Jamdudum urbs aliqua libera Comitiiis sedem præbuit, cujus rei ratio non est in obscuro. Et vix crediderim comparituros Principes, si Viennam aut Pragmam eosdem Imperator convocaverit.

§. 25. Vocantur ad Comitia omnes Imperii status, & quidem inter Ecclesiasticos etiam illi, qui nondum a Pontifice sunt confirmati. Possessores Episcopa-

scopatum, qui Confessionem Augustanam fuerunt amplexi, cum antea neque vocarentur, neque admitterentur, in pace demum Westphalica peculiarem locum acceperere; quem nunc solus Lubecensis tenet. Circa Principes seculares observandum, quod pro minorennibus ipsorum tutores vocentur. Majorennēs etiam ante petitam, & obtentam investituram vocari, & admitti debere, verius est; utut ea super re in Comitibus Ratisponensibus anno 1608. Joanni Friderico, Duci Wurtembergico, controversia mota fuerit. Si qua in domo jus primogenituræ receptum, solus primogenitus vocatur. Ubi divisioni ditionum locus est, singuli vocantur, qui de portione sua peculiariter sunt investiti. Qui ditiones suas indivisim possident, universi quidem vocantur, sed suffragium duntaxat unum obtinent. Vocati ad Comitā compārare tenentur vel ipsi, vel, si hoc incommodum fuerit, per legatos, mandatis sufficientibus instructos. Qui venire neglexerint, nihilo

fecius obstringuntur eo, quod a majori parte conclusum. Ex peculiari privilegio Rex Bohemiæ non tenetur venire ad Comitata, nisi ea Noribergæ, aut Bambergæ habeantur. Domui Austriacæ, statibusque Circuli Burgundici, venire, an emanere velint, liberum est.

§. 26. Quæ in Comitibus deliberanda, & constituenda sunt, ab Imperatore, aut ejus Commissariis proponuntur. Inde ad deliberationes proceditur. Ubi quæstio movetur, an idem sit ordo tenendus in deliberando, & constituendo, qui fuit observatus in propositione? seu an ad aliud caput rerum propositarum sit transgrediendum, prioribus nondum decisis? Heic status quidem sæpe contenderunt, non ita religiose inhærendum ordini propositionis. Sed Cæsareani semper sunt obnixi, uti aliqui interpretati sunt, quod primum semper locum obtinuerint, quæ ad privata Cæsaris commoda spectarent; quæ universam Remp. tangerent, post principia stare jussa sint. Igitur si de his quoque aliquid  
quid



quid cogitare vellent Ordines, necessario prius Cæsari gratificandum fuisse. Qui postquam scopo suo fuerit potitus, de negotiis Ordinum non adeo anxium deprehensum. Ubi ad deliberationes descenditur, in tria collegia Ordines separantur, Electorum, Principum, & Urbium : quæ separatio creditur cœpisse anno 1489. in Comitibus Francofurtensibus. In primo directorium, quod vocant, gerunt Moguntinus, in altero Austriaci, & Salisburgensis, alternis vicibus, in tertio civitas illa libera, in qua Comitia celebrantur. Principes viritim suffragia ferunt. Major pars pauciores quoque obligat, nisi circa negotium religionis, & ubi Ordines non tanquam unum corpus, sed tanquam partes invicem disceptantes considerantur. An idem in materia collectarum debeat obtinere, nondum est decisum. *Vid. Instrum. Pacis art. V. n. 19.* Rationi videbatur consentaneum esse, ut major pars etiam pauciores obligaret, ubi, quæ conferenda sunt, totius Reip. salutem spectant, quæ

nemo bonus civis defugerit. Sed circa ea, quæ in peculiarem Imperatoris usum tendunt, suæ quemque liberalitati modum statuere par fuerit. Quod collegio Electorali visum fuit, collegio Principum communicatur. Hoc illi vicissim suam sententiam aperit, (referre & correferre vocant) idque tamdiu, quoad inter ipsos convenerit. Id ubi factum, sententiam suam collegio urbium exponunt. Ubi & hoc conspiraverit, Imperatori, aut ejus Commissariis, unanimis Statuum sententia proponitur. Qui si eam adprobaverint, res confecta est. Si collegiis inter se convenire non possit, discrepantia suffragia Imperatori proponuntur, qui amica tractatione, non autem pro imperio componere discrepantes laborat. Similiter si & ipsi quid secus videatur, eousque res amice agitur, donec aut ipse cum Ordinibus, aut hi cum illo conspirent. Inde solennis in Recessibus Imperii formula: Hæc inter Imperatorem & Ordines per modum contractus constituta. Circa collegium  
Ur.

Urbium observandum, quod, etsi *in Instrumento Pacis, art. VIII. §. 4.* votum decisivum illi sit assignatum, cum antea cæteri ad deliberationes duntaxat illud admittendum contenderent; non prius tamen duo superiora collegia cum hoc communicent, quam ipsis inter se convenerit. Ita tamen, ut illa huic sua placita pro imperio, aut tanquam major pars invito nequeant obtrudere; sed ubi dissenserit, res ad Imperatorem deferatur, quousque & heic concordia fuerit inventa. Quæ componi nequeunt, in alium conventum differri moris est. Quæ sic universis placuere, a Moguntino directorio in justam Recessus formam rediguntur, denuo expenduntur, & post subscriptionem, & obsignationem promulgantur.

§. 27.. Quid igitur circa præcipuas summæ potestatis partes Imperatori sit relictum, satis, puto, adparet. Sunt tamen quædam jura, quæ soli Imperatori per Germaniam exercere datur. Inter quæ referuntur (1) jus primariorum pre-

L 5

cum,

cum, cujus vi electus Imperator in quolibet collegio Clericorum unam potest personam ad beneficium Ecclesiasticum præsentare. (2) Quod cujusvis generis, & gradus dignitates confert. *Vid. tamen art. 43. & 44. Capitul. Leopold.* (3) Quod ab ipso solo obtinetur investitura, & collatio feudorum principalium, & quæ per vexillum notari moris est. (4) Quod scholas publicas, five Academias constituit. (5) Quod facultatem indulget condendæ urbis: & si quæ sunt alia.

§. 28. Sed & exinde non difficile est colligere, quidnam Ordinibus ad summum imperium desit. Scilicet habent isti, saltem plerique, jus vitæ & necis in sibi subjectos; Leges condunt, etiam communi juri discrepantes; religionis libertate gaudent; omnes redditus e ditionibus suis sibi capiunt; tributa indicunt; Fœdera inter se, & cum exteris feriunt, modo non spectent contra Imperatorem, aut Imperium. *Vid. Instrum. Pacis artic. VII. §. 2. & Capitul. Leopold. c. VI. & VIII.*  
Quod

Quod jus mediatis Imperii civibus expresse ademtum, *artic. IX. Capitul. Leopold.* Idem armis se defendunt, aut injurias sibi illatas vi exequuntur, inprimis contra externos; munimenta in suis ditionibus extruunt; & quæ sunt alia ad gubernationem civitatis necessaria. *Add. artic. 33. 34. Capitul. Leopold. & Instrum. Pacis, art. 8. §. 2.* Ad dignitatem Electorum peculiarem facit *artic. V. Capitulat. Leopoldina.* Et ista quidem omnia suo jure, non Imperatoris loco exercent; quæ etsi quibusdam non ad summum imperium proprie dictum, sed ad superioritatem duntaxat territorialem, quam vocant, sufficere judicantur, qui gradus potestatis illo inferior & subalternus sit: tanti tamen ponderis ista superioritas est, ut civilem subjectionem longe excedat, & monarchicæ majestati locum non relinquat in eos, qui ista præditi sunt, præsertim ubi vires privatum modulum longe supergressæ accesserint. Neque tam ipsorum potestatem, quam habendi modum afficit, quod ditiones suas, tanquam

quam feuda ab Imperatore, & Imperio recognoscant. Nam cum eadem hæreditario jure ad posteros transmittant, ritus potius sollemnis, quam veræ collationis vim investitura habet, quicquid de prima acquisitione sit; cum nemini denegari possit, qui intra legitimum eam tempus petat. Et quanquam feudum dependentiam, & vinculum beneficium involvere dicatur; non tamen omnia, quæ eo vocabulo veniunt, possessorem statim ad civis, & subjecti conditionem redigunt. Sicuti & quod alicujus potestas ad Imperii leges restricta, aut ab Imperio, ac Dominio universali dependere dicitur, id est, magnæ illius Reipublicæ, & corporis membrum constituit, non ideo iste civilis subjectionis mensuram haut exceperisse dici potest. Juramentum fidelitatis intelligitur salvis cujusque juribus; & socios quoque, aliosque, subjectorum loco haud numerandos, juramenti vinculo adstringi tralatitium est. Ac revera jura Ordinum non e juramento sunt metienda, sed juramentum

tum potius ex illorum juribus est interpretandum. Neque illud tantum onus est, aut subjectionem arguit, quod in comitiis teneantur propriis sumtibus comparere, aut quod ad Imperii necessitates quædam conferant. Nam id in omnibus quoque sociorum conventibus fieri suevit; in quorum regulari systemate etsi major pars minorem dissentientem velut pro imperio obligare nequeat, in republica tamen, & corpore civili irregulari fieri potest, ut major pars obliget minorem, non velut pro imperio, sed velut ex pacto. Denique, quod durissimum videtur, Statum aliquem Imperii in supremis tribunalibus posse in jus vocari, & ubi in Rempublicam graviter deliquerit, ditionibus suis exui; ne id quidem natura societatum penitus respuit. Nam & apud antiquos talia exempla occurrunt in societate Amphyctionum, & Achæorum; & nostro seculo vidimus Fœderatos Belgas Groningam ad tempus castello coërcere. Statibus tamen Germaniæ abunde cautum *artic. 28.*

*Capitul.*

*Capitul. Leopold.* Ut autem, qui reliquos proterve, ac pertinaciter insultaverit, a cæteris compescatur, etiam in æquali societate fieri suevit. Heic enim cognitio delicti suscipitur non velut ex imperio in delinquentem, sed tanquam ex ultroneo ejusdem consensu, & quodam compromisso. Executio autem fit non tanquam in subiectum, legis civilis violatæ damnatum, sed per modum belli, ut in violatorem fœderis. Ista autem omnia facilius expediuntur, ubi non de regulari quopiam sociorum systemate fermo sit, sed de irregulari quopiam corpore, quod nonnulla cum civitate, aliqua cum systemate habet communia.

## CAPUT VI.

### *De Forma Imperii Germanici.*

#### §. I.

**Q**uemadmodum tria sunt corporum genera: naturalia, moralia, & artificialia, quorum singula diversis e partibus componuntur: ita,  
prout



prout hæ partes inter se probe sint digestæ, & temperatæ, aut concinne dispositæ, vel minus, sana ista, aut regularia, vel secus esse censentur. Satis autem e superioribus adparuit, in Germanorum Republica deprehendi aliquid, quod eandem ad simplices, & regulares Rerum-publ. formas referri, prout a politicis illæ describuntur, non patiatur; uti cuiusvis patet, qui istam cum regnis, & aristocratiis, quæ omnium confessione pro talibus agnoscuntur, contulerit. Eo curatius nobis in genuinam ejus Imperii formam erit inquirendum, quo securius de ista a plurimis tractatum reperitur, ignorantia scientiæ civilis, & quia a pluribus tradita citra disquisitionem sequi mos est. Sed & eo faciliorem mihi veniam polliceor ob admixtas paulo uberius, quam pro delicatis auribus, subtilitates scholasticas, quo difficilius est circa hæc solidum de Germaniæ statu judicium ferre. Etsi paucis apud rerum civilium solide peritos defungi liceret, ni aliorum errores, plurimis probati, operosius viderentur convellendi. §. 2.

§. 2. Singulæ porro partes Imperii, seu Ordines, separatim considerati etsi pro civitatibus perfectis haberi nequeant, cum tamen a provinciis proprie dictis, & earum Principes a Gubernatoribus provinciarum longe abeant, nil obstat, quo minus in diversas earundem formas inquiramus. Omnes igitur Principatus seculares, & Ecclesiastici, (quorum illi hereditate, hi per electionem conferuntur) nec non Comitatus, Monarchiarum instar gerunt. Cum hoc tamen discrimine, quod alicubi Principum potestas sit absoluta, nisi qua communibus Imperii legibus adstringitur; alicubi eadem insuper circumscribatur per certa pacta cum Statibus, quos vocant, seu Ordinibus provincialibus, eorumque privilegia. Urbium autem liberarum nonnullæ aristocratico utuntur regimine, in quibus nempe penes Senatum est summa rerum, in quem primarii cives ipsorum senatorum suffragiis adoptantur; & ubi Senatus neque a plebe in ordinem potest redigi, neque rationibus administratio-

strationis suæ reddendis est obnoxius. Alicubi democratia viget, ubi tribuum suffragio senatus suppletur, illisque in hunc inquirendi est potestas.

§. 3. Quæ autem toti corpori Germaniæ forma sit assignanda, inter scriptores non convenit, certissimo argumento vel reip. valde irregularis, & a tritis politicæ vulgo receptæ scitis longissime abeuntis, vel inscitæ scriptorum, quorum non pauci nulla, aut valde tenui rerum civilium scientia instructi ad commentandum de Jure Publico provolarunt. Qui democraticam Imperio isti formam attribuerit, nondum vidisse memini. Sunt tamen, qui illos tantum civium Imperii Germanici nomine velint dignari, quibus jus suffragii in Comitibus competit; secuti sine dubio Aristotelem, cui civis dicitur, qui jus deliberandi, & suffragium ferendi de republica habet. Hoc si adsumamus, sane Democratia erit Imperium Germanicum, quippe cujus cives soli sint Ordines, qui omnes & singuli utique jus de

M

Rep.

Rep. deliberandi, & statuendi in Comitibus obtinent; Imperator autem instar Principis proprie dicti habebit. Enimvero qui definitionem illam Aristotelicam ulterius, quam ad cives in Democratiis Græcanicis degentes velit extendere, valde absurdus fit. Quis enim liberis hominibus & patribus familias, in Regno aut Aristocratia viventibus, civium nomen denegabit, utut isti ad nullam Reip. partem admittantur? Aut quis in Regno unum esse civem Regem, in Aristocratia solos Senatores dicet?

§. 4. Plerique, queis exquisitam rerum civilium scientiam, & erectum libertatis studium ostentare placet, pro vera & mera Aristocratia Germaniam venditant. Hi, ut sententiam suam defendant, solícite inculcant: (1) Non esse, quod quis externa rerum facie, superbo adparatu titulorum & formularum, non nisi monarchicum quid resonantium, moveatur; quorum magna pars ex genio linguæ Teutonicæ, inanibus honorum verbis luxuriantis, ortum

tum trahat ; nonnulla ex antiquissima Republica, abs qua moderna multum discescit, remanserint. Penes illos enim revera summam esse potestatem, quibus jus competit de summa rerum proprio ex arbitrio statuendi, quocunque demum vocabulo insigniantur. (2) Non repugnare naturæ Aristocratiarum, habere unum caput paulo eminentius, & auctoritate reliquos antecedens, quod velut Directoris & Præsidis in concilio Optimatum vices obeat. (3) Discrimen esse faciendum inter ipsam formam Reipublicæ, & modum administrationis. Quæ distinctio ita est explicanda, quod interdum contingat, ut una Respublica modum administrationis ex alterius formæ republica proxime resultantem videatur æmulari, aut saltem ejusdem aliquod signum præferre. Sic, si Rex aliquis de summis Reip. negotiis ad concionem populi, aut Senatum referat, modus administrationis illic quidem videbitur habere aliquid Democraticum; heic vero quid Aristocraticum:

& tamen revera forma reip. erit monarchica, siquidem concilium populi, & Senatus tanquam consilarii adhibeantur; nec ab iisdem Rex necessario dependeat. Ex adverso, si in Democratia, vel Aristocratia extet magistratus aliquis eminentior, aut Princeps proprie dictus, cui jus referendi de negotiis publicis, atque exsequendi leges ac decreta soli, aut præcipue competat, & cuius nomen acta & decreta publica præse ferant; erit quidem aliquod simulacrum Monarchiæ in administratione reipublicæ; summa tamen potestas revera penes populum, aut concilium optimatum residebit. Sunt equidem, qui hanc distinctionem oppugnant eo potissimum ratiocinio, quod cum forma sit principium operationum, has utique non alias esse posse, quam prout istius efficacia permittit. Jam autem formam reip. esse illum velut fontem, ex quo operationes circa eandem administrandam profluunt. Fieri ergo non posse, ut ab ipsa forma administratio discre-

discrepet. Ad quæ ita nonnulli respondent, discrimen esse faciendum inter administrationem, quæ nomini proprio, & eam, quæ fit nomine alieno. Illam quidem concedunt non posse discrepare a forma reipublicæ : hæc autem, quo minus disparem faciem præ se ferat, nihil ob stare. Et ita res est. Diverſæ rerum publicarum formæ resultant e subiecto, cui summa potestas inhæret, prout illud est vel unica persona, vel concilium ex universis, aut paucis constans. Quibus autem ministris aut executoribus summa illa potestas nitatur, nihil interest. Ne dicam, quod axioma illud, cui ratiocinium innititur, in naturalibus duntaxat procedat ; non autem ad illa recte adplicetur, queis actionum suarum libera competit gubernatio.

§. 5. Enimvero Imperium Germanicum veram Aristocratiam esse, nemini persuadebitur, cui rerum civilium profundior paulo intellectus. Nam ad Aristocratiam requiritur, ut summa potestas sit penes statum aliquem & perpetuum

tuum Senatum, cujus fit deliberare & statuere de omnibus negotiis ad remp. spectantibus, executione rerum quotidianarum, aut singularium certis magistratibus delegata, qui senatui rationem gestorum teneantur reddere. Atqui talis senatus in Germania haut quidquam datur. Camera enim Spirensis, & Judicium Aulicum super litibus duntaxat, & negotiis justitiam spectantibus cognoscit. Comititia autem nullo modo statim & perpetui senatus instar habent, cui de omnibus negotiis totam rempubl. spectantibus disponendi sit potestas; quæ peculiares duntaxat ob causas vocari, moris est. Imo si vel maxime Comititia, quæ ab anno sexagesimo tertio per tot lustra durarunt, in perpetuum continuari contingat, quod & ex usu Germaniæ videtur futurum; ea tamen senatus Aristocratici indolem haud habebunt. Sane enim conventus ejusmodi, & quod in illis major suffragiorum pars prævallet, esse infallibile signum status Aristocratici, valde simplex est; cum in compluri-



pluribus Regnis comitia seu conventus Ordinum haberi soleant, in quibus itidem suffragia numerantur; sed quæ Comitia convocandi jus penes Regem sit, nec ipsis Ordinibus quoties aut quacunque de causa conveniendi jus competat. Quid etiam frequentius, quam inter socios arctiore fœdere in unius systematis compagem combinatos, conventus seu comitia agitari? Quorum in socios major aut minor, prout leges societatis ferunt, potestas, aliquando non multo inferior, quam comitiorum Germanicorum est in status Imperii, præsertim si non tam indolem potestatis, quam effectum spectemus. Exempli loco esse possunt ex antiquis societas Amphyctiorum, & Achæorum, e recentibus Helvetiorum & Belgarum Fœderatorum. Deinde habent id veræ Aristocratiae, ut universo quidem senatu nemo sit superior; singuli tamen senatores non minus addictæ universo senatui pareant, quam alii cives; & in illos æque atque in hos jus vitæ & necis exerceatur. Id quod

M 4

longis-

longissime a libertate Ordinum Germaniæ abest ; quod qui inficiatur, vel ipsam Germaniam , vel alias respublicas non novit. Sic & in Aristocratiis privatum sibi patrimonium habent Optimates , cæterorum civium fortunam sæpe plurimum excedens : non minus tamen illud senatorum patrimonium, quam quod extra idem reliqua civitas bonorum comprehendit, universi senatus summo imperio subjicitur, eiusdemque legibus est obnoxium. Ast in Germania, si removeas, quæ ad singulos pertinent Ordines, nihil remanet terrarum, quod ad universos pertineat. Et ludibrium debet, si quis asserere audeat, in Germania universis Ordinibus in singulorum bona tantum competere potestatis, quantum in quavis vera democratia senatui in bona singulorum senatorum. Nam quod adducunt dictum Alberti Electoris Moguntini, prolatum, quando de electione Caroli V. præ Francisco agebatur ; *hunc ad Monarchiam inclinare , Germania autem Principibus Aristocra-*

*stocratiam esse retinendam*, facilem habet responfionem. Nam a tali Præfule, ut ad exquisitæ philosophiæ regulas dictionem popularem ita anxie formet, requirere, putidum foret. Et sensus, ut minus commodis vocabulis expressus, in se perspicuus juxta ac verissimus est. Scilicet si præsentem suam conditionem & libertatem ament Germaniæ Principes, cavendum ipsis esse ab imperio Galli, qui cum in proprio Regno Procerum conditionem ad exquisitæ leges monarchiæ redigere laboret, Germanos in Principes sine dubio similia sit tentaturus.

§. 6. Restat, ut videamus, an Monarchiarum in censum Respublica Germanorum sit referenda. Earum sunt duæ classes; quædam absutæ, aliæ limitatæ vocantur. In illis penes solum Regem, aut quocunque nomine insigniatur, est potestas de negotiis summam rerum spectantibus proprio ex judicio statuendi. In his autem Rex circa exercendos actus summæ potestatis certis legibus est adstrictus. Hanc monarchiarum

differentiam qui non exacte observant, in hoc argumento vehementer sunt hallucinati; dum rationibus, quibus Imperatori absoluta potestas denegatur, ne limitatam quidem relinqui crediderunt. Cæterum absolutam in Imperatore potestatem, per universum Imperium exercendam, qui agnoscat, verveceum in patria natum oportet esse. Et quæ afferuntur rationes, sibilo magis, quam seria refutatione dignæ sunt. Æque absurdum, e visione Danielis, quam ex libris juris Romani Imperatoris Germanici potestatem velle definire. Quod Imperator neminem, nisi Deum, & enssem, superiorem agnoscat, id eidem in Principes Germaniæ non magis absolutum imperium tribuit, quam Provinciæ Hollandiæ in reliquas sex, cui utique idem elogium recte tribui potest. Tituli, formulæ, stylusque curiæ, quo literas interdum, & decretorum carmina scribæ solent adornare, longe rei ipsius vim excedunt. Denique jurant Ordines Imperatori fidelitatem, sed salva sua libertate,

tate, suisque juribus, quæ quantum isti potestatis reliquant, jam supra satis adparuit. Sed plura verba in re tam manifesta facere, putidum fuerit.

§. 7. Probabilissimam plerisque visi sunt sententiam fovisse, qui Imperatori tribuunt potestatem regiam & summam, non tamen absolutam, sed certis legibus circumscriptam. Quam sententiam passim quoque in scholis defendi audias. Hanc, quantum nobis constat, primus oppugnandam sibi in Germania sumsit personatus quidam, *Hippolithus a Lapide*, quo tempore quam maxime bellum inter Cæsarem & Suedos fervebat. Qui utut plurima habeat, quæ nemo possit abnuere, nisi omnem pudorem ejeraverit; in multis tamen eundem falli, & per implacabile odium adversus Domum Austriacam in transversum rapi, non minus in aprico est. Hic igitur uti recte summam ac regiam potestatem Imperatori in Ordines detrahit; ita in eo valde absurdus est, quod eundem Ordinibus subjicit, ac nudi magistra-

gistratus dignationem velut precario tot titulis superbienti concedit. Quasi vero necessarium sit, Aristocratiam existere, ubi Monarchia absoluta non datur; aut omnino cum quis superiorem cogatur agnoscere, cui pro lubitu non potest imperare. Et isthoc duntaxat qui observaverit, nullo negotio plerasque ipsius rationes elumbes dabit. Quanquam & passim multa futilia immiscet, quorum paucula duntaxat velut per satiram recenserebimus. Dicit alicubi, maiestatem sive summam potestatem esse penes Ordines, qui eam etiam tunc habeant, quando nullus est Imperator. At quis ignorat, in omnibus regnis tempore interregni summam potestatem redire ad populum, aut, qui eum repræsentant, Ordines; quam tamen, novo Rege constituto, non amplius sibi arrogare possunt. Non statim etiam superiorem agnoscit quis illum, cui ad reddendas rationes sese offert. Aliter ratio redditur ei, a quo poena metuitur, nisi illa sibi constiterit; aliter isti, cui ex pacto

cto duntaxat tenetur; aliter denique, cuius existimationem veretur. Sic Reges bella moturi publicis scriptis rationem toti orbi fatagunt reddere. Sic socius focio, tutor pupillo rationem negotiorum gestorum reddit. Præterea non statim altero est superior, aut imperium in ipsum habet, qui munere suo eundem dimovere potest. Nam potest quis ex pacto duntaxat plurium communibus negotiis gerendis esse præpositus, ut neutri in alterum imperium proprie dictum competat; qui, ubi displicuerit, officio evolvitur; non aliter atque contractus cum eo initus abrumpitur, qui ejusdem legibus non satisfecerit. Etsi saltem circa Henricum IV. & Adolphum Nassovium omnia ad juris normam fuisse gesta, merito dubiter. Quæ de Comitibus prolixè disputat, vera quidem sunt, sed frustra adducuntur ad probandum id, quod ipse intendit. Nam uti Imperator invitis Ordinibus nihil potest injungere, ita quod hi aliquid pro imperio invito isti queant injungere, puto,  
in-

inauditum est. Equidem præscribunt Electores in Capitulatione, quid Cæsari faciendum, quid omittendum, verum non velut ex vi alicujus in ipsum imperii, sed per modum contractus; cujus ea est efficacia, ut si contra conventiona quid Ordinibus velit injungere Imperator, impune possint ipsi non parere. Enimvero & hoc est e communi pactorum natura, non ex aliqua potestate, quæ Ordinibus in Cæsarem competat. Probabilius urgeri posset, quod ex antiqua consuetudine introductum, & post per Auream Bullam confirmatum est, ut Imperator, si quibus super causis fuerit impetitus, coram Comite Palatino respondere teneatur. Et notum est, quomodo tres Electores Ecclesiastici Alberto I. Imperatori denuntiarent, ut coram Rudolpho, Comite Palatino, causam diceret. Et si tanto reo arma magis in actores judicemque arriperunt. Post Auream tamen Bullam nullum ejusmodi judicii coram Palatino peracti exemplum legisse, meminimus.



mus. Origo ejus juris, Palatino competentis, sine dubio profluxit ex officio, quod hic antiquissimis temporibus tanquam Major Domus in aula Regia gessit. Hic enim uti in alios aulicos exercebat jurisdictionem; ita si quis ab ipso Rege quid postularet, de quo ambigebatur, Comitum Palatini erat cognitio. Cujus sententia stabat Rex, non tanquam istum agnosceret superiorem; sed quod cognito petitoris jure, justitia requirente, non posset non obligationem suam explere. Sicut multos novimus Principes in Germania, & alibi, qui super debitis, dubii quid habentibus, & aliis negotiis, e quibus aliis jus adversus ipsos fuit quaesitum, in propriis tribunalibus conveniri solent; quæ tamen tribunalia Principem haud quidquam cogere possunt, aut multa coercere, siquidem juris, ac conscientiae, publicæque existimationis reverentia eundem ad debitum exsolvendum non adegerit. Sed puto ipsas Ordines contentos esse, quod a Cæsare nihil posset ipsis imperari, quod displiceat.

Tam

Tam invidiosam libertatem, ut Imperatori suo ipsi queant imperare, cordatissimus quisque ultro adspernabitur.

§. 8. Sed cum *Hyppolito* quidem facile transegerit Imperator, ne ab eodem in subjectorum classem conjiciatur. Magis urgent isti, qui & Imperatori potestatem Regiam, & Ordinibus libertatem sub temperamento aliquo tribui posse autumant, dum inter Regna limitata Germaniam referunt. Isti quippe differunt, illa omnia, quæ Imperatoribus per capitulationes præscribuntur, stare posse cum Regno limitato: puta quod teneatur ad leges fundamentales Remp. administrare, & super negotiis summam rerum spectantibus consensum Ordinum requirere, quod leges novas iisdem inconsultis ferre non possit, in sacris nihil immutare, pacem, bellum, fœdera ex arbitrio Ordinum sumere, controversias subjectorum non nisi certa per tribunalia dirimere. Sic quod Ordines Imperio simul, & Imperatori fidem jurant, id hoc modo posse explicari, quod  
Im-

Imperatori velint obsequium præstare, quatenus ipsorum opera bonisque uti vult ad bonum publicum, & prout legibus regni est expressum; simul quod adversus reliqua Imperii membra commodos sese & fideles concives velint exhibere. Enimvero quo minus Germaniam pro limitato regno possumus habere, duo potissimum obstant. Primo enim in vero aliquo regno, utut in eiusdem administratione certas sequi leges Rex teneatur; revera tamen eousque omnes cives ille eminet, ut suam libertatem, suaque jura cum Regis potestate nemo comparare audeat, utque adeo omnes procures ab arbitrio Regis pendendant, eique ad rationem reddendam sint obstricti. Id quod in Germania secus esse, cuilibet notum. Nam nemo ex Germaniæ Ordinibus admiserit, ditiones sibi subjectas magis ad Imperatorem, quam ad se pertinere, aut sibi istius magis, quam proprium commodum in iisdem gubernandis esse respiciendum. Quin eousque sibi quisque

N

ten-

tendit, ut bellum sumere, fœdera cum aliis inire non dubitent vel inconsulto Imperatore, quicunque viribus suis fortiorumque confidunt. Denique quilibet Rex quantumvis limitatus id habet, ut virium totius regni directio atque applicatio demum ultimo ad ipsum redeat, utque sub ipso eadem vires velut uniantur ad commune bonum ita procurandum, ut ab una quasi anima cuncta videantur gubernari. Hoc qui in Germania videre possit, lynceus sit, oportet; ubi qui caput & Rex eluet, ex Imperio nullos redditus, saltem statos, percipit, sed proprio succo vivere cogitur: ubi nullum commune ærarium, nullus miles publicus est, sed quilibet Ordinum suis viris, suarumque ditionum redditibus pro arbitrio utitur, collato in publicum non nisi exiguo quopiam, idque post ambitiosas demum sollicitationes. Quæ singula superiori capite latius deducta sunt, & in ipso rerum actu manifesteprehenduntur. Sunt denique non pauci, qui inter mixtas respublicas Germaniam  
refe-

referunt, qui quantumcunque se tor-  
queant, nullo modo expedire se possunt.  
Quæ Aristoteles, mixturæ istius autor, su-  
per miscendis, aut invicem temperandis  
civitatum aristocraticarum & popula-  
rium formis tradit, ad remp. Germani-  
cam haut quadrat, quod quilibet, cui  
ipsum Aristotelem inspicere vacarit,  
agnoscat. Tum & quas mixturæ species  
recentiores commenti sunt, earum nul-  
la ad hancce quadrat; in qua neque uni-  
versa potestas summa est penes plures  
indivisi, neque ejusdem potestatis par-  
tes inter diversas personas aut collegia  
sunt distributæ. Qui autem Germaniam  
ideo e monarchia & aristocratia mixtam  
statuunt, quod jura majestatis potiora  
cum Ordinibus communicata sunt, in eo  
falluntur, quod Ordines Imperii indo-  
lem veri senatus Aristocratici habere  
præsupponant: id quod res ipsa aliter  
demonstrat.

§. 9. Nihil ergo aliud restat, quam ut  
dicamus, Germaniam esse irregulære ali-  
quod corpus, si ad regulas scientiæ civi-  
lis,

lis, aliasque respublicas exigatur, & cujus similis puto in toto terrarum orbe non extat. Quod lapsu temporum per socordem facilitatem quorundam Cæsarium, ambitionem Principum, turbulentiā sacerdotum, factiones Ordinum, atque inde prognata bella civilia e regno regulari in tam male concinnatam formam est provolutum, ut neque regnum etiam limitatum amplius sit, licet exteriora simulacra tale quid præ se ferant, neque exacte corpus aliquod aut systema plurium civitatum fœdere nexarum, sed potius aliquid inter hæc duo velut interjectum & fluctuans. Quod ipsum exitiabili morbo, internisque convulsionibus perpetuum præbet fomitem, hinc ad regni leges retrahere Imperium nitente Cæsare, inde partam libertatem tueri studentibus Ordinibus. Quemadmodum autem ea est natura omnium degenerationum, ut quando a principio suo longius discesserunt, prono lapsu & velut ultro ad extremum suum tendant, ad pristinam autem formam ægerrime pos-

possint retrahi; & lapidem & clivum montis semel impulsus facillime ad planum usque devolveris, ad verticem non nisi infano labore revocaveris: ita Germania sine maximis motibus, summaque rerum confusione ad justum regni leges reformari nequit: ad fœderatorum aliquod systema ultro vergit. Imo si tollas mutuam illam inter Imperatorem & Ordines renitentiam, jam revera similis erit Germania corpori alicui seu systemati sociorum, inæquali fœdere nexorum, ideo quod Ordines, qui vocantur, comiter colore, & reverentia prosequi Cæsarem teneantur, velut non solum simulacris regiis vestitum, sed & qui auctoritate, ac quadam potestatis prærogativa cæteros emineat. Exempli loco aliquatenus esse possit in societate civitatum liberarum fœdus inter populum Romanum, & populos Latinos, antequam hi ab isto ad subditorum conditionem redigerentur, aut demum civitate Romana donarentur. Atque istam quidem irregularitatem facile agnoscet, qui

compagem Germaniæ modumque regiminis heic recepti contulerit cum compage atque administratione regnorum, aristocratiarum, & systematum, quæ omnium confessione pro talibus agnoscuntur. Quibus addi possunt, quæ nos *peculiari diatribe de Republica irregulari*, ac in libris *de Jure Naturali & Gentium* circa hanc materiam tradidimus.

## CAPUT VII.

### *De viribus & morbis Imperii Germanici.*

#### §. I.

**V**ires alicujus Reip. considerari possunt vel in se, vel prout per concinnam reip. formam commode possunt exferi. In se consideratæ vires consistunt in Viris, & in Rebus. Viros quod attinet, parum habet Germania, quod de eorum multitudine aut ingenio queratur. Primariæ nobilitatis tanta multitudo, tantusque splendor, quantus nullibi per universum orbem.

In-



Inferior nobilitas non supra laxitatem regionis, nec præ nimia turba ad sordidas artes descendere coacta. Eorum, qui literis operam dant, major fortasse, quam expediebat, copia, ut inter multos laurigeros pauci Phœbi deprehendantur. Mercatorum & opificum affatim. Ruricularum tamen alicubi hodie pauciores sunt, quam pro latitudine agrorum. Cujus rei causa est partim tricennale bellum, quo Germania misere fuit vastata, & quæ ex eo tempore incubuere tempestates; partim quod rustici eo sunt ingenio, ut statim atque in re paulo laxiore cœperunt esse, filios suos ad opificium aliquod gaudeant admove-re, fortunatos præ se judicantes, qui in urbibus habitant. Quanquam autem vix putem esse, qui numerum urbium ac vicorum per Germaniam iniverit; non tamen vanitatis arguetur a peritis ejus regionis, qui dixerit, facile exercitum ducentorum millium posse conflari, si modo ex singulis urbibus quini, & e singulis vicis singuli aut bini milites scri-

bantur. Speciminis loco hæc esse possunt. In decem Circulis certi autores enumerant urbes, oppida atque arces 1957, excepto Regno Bohemiæ, in quo juxta Hagecium Ferdinandi I. ætate fuerunt urbes 102, oppida 308. arces spectatiores 258. monasteria 171. pagi 30363. Abbatiarum & Cœnobiorum quondam, antequam a Protestantibus tanta eorum multitudo destrueretur, numerabantur 11024. Sic Ferdinandi II. Zelo ad Ecclesiam Romanam revocata scribunt centies centena millia hominum, in sacerdotum crudelis adulatio numerum in majus auxit. Ipsa natio ab omni memoria bello insignis, & in militiam avida, per totam fere Europam venalem sanguinem circumferens. Cui ut nimius fervor abest, ita plurimum constantiæ suppetit, animique egregiæ disciplinæ capaces. Nec minus eadem ad omne genus artium manuariorum solertissima; & quod plurimum ad firmitatem civitatum facit, ad res novas haud quidquam proclivis, & imperii non nimium rigidi bene patiens.

§. 2.

§. 2. Inter Res primum obtinet locum ipsa regio. Cujus quanta sit amplitudo, facile intelliget, qui e Cassubia Mumpelgardam, aut ex Holsatia extrema in fines Camiolæ, aut Leodio in ultimas oras Silesiæ iter fecerit. In tam vasta regione, si Alpium juga excipias, pauca sunt loca, quæ nihil producant ad vitæ humanæ cultum faciens; is porro rerum ad vitam necessariarum proventus, ut eadem extraneorum rebus haud quidquam indigeat, nisi ad luxum, & superfluas voluptates. Auri quidem parum mineræ aut flumina quædam præbent; & quas Germania gignit gemmas, sequioris pretii habentur. Cæterum magna copia compluribus in locis effoditur argentum, cuprum, stannum, plumbum, ferrum, argentum vivum, aliaque mineralia vilioris pretii. Salis, quantum sufficit, fontes suppeditant, etsi loca, quibus mare, aut flumina navigabilia favent, importato e Gallia, Lusitania, aut Patavia jam frequenter utantur. Frumenti, & fructuum varii generis, li-

gnorum, eorum, quæ ad rem vestiariam faciunt affatim, ut & equorum, armentorum, pecorum, & ferarum. Nec, qui ebrietati generandæ inserviunt, liquores Germania desiderat. Sic ut in universum Germania opulenta possit æstimari regio. Nam præterquam quod materiam nummorum ipsa generat, omnia fere producit, quæ ad necessitatem aut delicias vitæ humanæ faciunt, ut non incolis solum sufficiant, sed & exteris communicari possint. Et quibus aliunde importatis utitur, vel eorum, quæ exportantur, copiam non excedunt, vel talia sunt, ut facile iis carere possint Germani, si luxuriam compescere, aut socordiam ineptiamque noscent exuere. Quam facile enim erat contentis vino & cerevisia sua, aut si hæc ad ebrietatem nondum sufficebant, adjunctis vini adusti tartareis ardoribus, ignorare Hispanica aut Gallica vina? Quam facile item vestiri pannis e domestica lana confectis, suosque relinquere Hispanis, Anglis, & Batavis? Aut si horum elegantia ardebat,

debat, debuerant artem illam melius excoluisse indigenæ opifices. Neque vero serico carere Germanis grave erat. Aut si utique nitidius vestiri sedebat, saltem tractus ad Rhenum uberrime morum ferebat, si a socordia sua isti populi possent impetrare, ut præter vineas aliquid magnopere colendum sibi sumerent. Suppetente bombycibus papulo, licebat ab Italis modum tractandi serici addiscere. Ea vero non levis est stultitia, quod non solum vestium formæ in menses fere mutari solitæ, sed & levidenses sæpe, ac absurdæ telæ e Gallia petantur, ac nihil elegans credatur, nisi quod ad præsentem Galliæ modulum sit expressum. Quod enim Gallici artifices tam sæpe pannorum ac telarum genera variant, non tam levitas est, quam astutissima solertia. Hoc modo enim prohibent, ne Germani artifices apud se quoque ista opera imitentur. Quamquam plerisque horum is sit stupor, ut sibi tantum nefas esse putent a modo operum semel recepto discedere; nec  
fibi

fibi politius quid putent faciendum, quia majoribus suis id fuit ignoratum. Denique aromatibus, saccharo, aliisque ex utraque India petitis longe parcius uti posset Germania, si luxuriæ fræna injicere nosset.

§. 3. Sed nec Germaniam deficiunt remedia, quibus aliorum opes ad sese queat trahere cultura commerciorum. Ad hæc requiritur & situs opportunus ad externos commeandi, eosque recipiendi, & ut supersit indigenarum usibus, quod ad externos possit exportari, præter solertiam indigenarum. Situs exercendis commerciis valde opportunus est iis urbibus, quæ mari Oceano, aut Baltico aluuntur; mediocris, quas navigabilia flumina perstringunt, propter vectigalium importunitatem. Terrestri merces via transvehere minus lucrosum. E Germania hæc fere exportari solent: ferrum, & varia ex eo confecta instrumenta, plumbum, argentum vivum, vinum, cerevisia, vinum adustum, frumentum, lana, panni lanei filo crassiore,

re, variæ telæ laneæ, atque lineæ, equi, oves, & si quæ sunt alia. Non tamen diffiteor, in quibusdam regionibus Europæ majorem, quam in Germania, pecuniæ copiam adparere; cujus rei non una videtur causa. Quid enim mirum est, exhaustam esse regionem, quæ triginta per annos exteris in prædam patuit, deinceps quoque non modicos insultus perpeffa. Deinde sunt regiones Europæ, quæ ad commercia cum exteris exercenda longe commodiore gaudent situ, quam Germania. Nam maris opportunitate paucæ duntaxat urbes Germaniæ gaudent; cum contra mare vehementer faveat Angliæ, Italiæ, Hispaniæ, Lusitaniæ, Galliæ, Belgio. Dantur præterea regiones, quæ alias sibi terras habent subjectas, quæque adeo omnes earundem opes velut in angustum confitipatas uno obtutu repræsentant; uti est Hispania, Lusitania, Anglia, Belgium. Germania extra se nihil possidet. Solet quoque exterorum oculos perstringere splendor & amplitudo primariarum urbium

bium in quibusdam regnis, intra quas maxima vis opum confluit. Sic multi imperiti e Lutetia de tota Gallia, aut e Londino solo, & Ulysipone de Anglia & Lusitania judicant. Germaniæ autem opes in tam vasta regione per tot Principum sedes dispersæ tenuiores easdem faciunt adparere. Nec modica pecuniæ vis ad externos transfertur per stultitiam Germanorum, dum ab istis merces petunt, quas vel apud se producere, aut quibus omnino caruisse, in proclivi erat. Nescio, an & hoc addi debeat, per discursationes juventutis Germanicæ ad externos non parum argenti extra natale solum trahi. Nam etsi genium Teutonicum conversatione exterorum temperari, fors non inutile fuerit; tamen merito ludibrium, an miserationem merentur, qui ex Italia nil nisi delicias quasdam vitiorum, Transalpinis vulgo ignotorum, & rariores blasphemandi formulas domum reportant. Neque vero Gallia plerosque peregrinatores, aliis instructos artibus dimittit, quam ut sordidius tubercina-



cinari deinceps norint, gradusque Veneræ scabiei e propriis ut plurimum experimentis recensere. Nonnullis tamen lucro habetur Italiam & Galliam vidisse, quos in patria tot per ambages ad inania titulorum scholasticorum tædet aspirare. Nam ibi minore cum pudore & sumtu domum licet reportare titulum Doctoratus & inscitiam. Etsi apud nos quoque sat rudi ex ligno tales Mercurii effigiantur.

§. 4. Enimvero cum nemo robustus aut debilis possit pronuntiari, nisi cum aliis comparetur; dispiciendum porro est, quomodo vires Germaniæ ad vicinos sese habeant. Contingit igitur Germania una ex parte Imperium Turcicum in Stiria, & quæ tanquam istius propugnacula possunt haberi, in Hungaria & Croatia; quas salvas manere, istius quam maxime interest. Ubi manifestum est, utut Turcæ e latisimis suis ditionibus longe gravius auri pondus redeat, ac fortasse ampliore hominum turba campos inundare queat; eun-

eundem tamen Germaniæ parum videri metuendum. Nam stringit iste Germaniam extrema duntaxat & modica ora sui Imperii, qua illud velut in cuneum tenuatur, & quidem procul a sede regni primaria; sic ut non sine maxima molestia ab eodem bella Hungarica gerantur. Præterquam enim quod Turcicus miles Germanis bene exercitatis haud quidquam par sit, si prætorianum Turcæ militem excipias, magno molimine ex Asia copiæ sunt transferendæ, cælo asperiori parum adsueta, & hyemis impatientes. Et postquam omnes vires in extremam imperii oram sunt collectæ, oppositæ partes in Persidem vergentes intumescere solent. Cumque vicinæ regiones, Servia, Bulgaria, & ipsa Hungaria Turcica non sufficiant diu alendæ tantæ multitudini, terrestri itinere difficili & longinquo commeatus est subvehendus, postquam magno Germaniæ bono versus Orientem Danubius evolvitur. Et vix unquam ultra quartam suarum virium partem adversus  
**Turcam**

Turcam vertit Germania, eamque plerumque inter Ducum ignaviam aut discordiam, pecuniæque ac disciplinæ defectum destitutam. Et tamen plura Germanorum de Turcis, quam horum de illis tropæa extant. In vulgus autem Turcarum nomen adeo formidabile est factum, tum propter truculentos ipsorum mores, tum per astutiam eorum, qui tali terriculamento Germanos ad pecunias conferendas promptiores redditum ibant, accedentibus sacerdotum clamoribus & vaticinandi prurigine, quod & horum interfit, plebis animos terroribus agitari.

§. 5. Italia & viris & opibus Germania longe inferior, ac in plures discepta particulas ad vim aliis faciendam ferre est inhabilis. Quin satis habent Itali, quod Germani Imperatores antiquum in Italiam jus non eant renovatum; præsertim cum per culturam seculi reverentia fulminis Pontificii, quod sæpe istos in terrorem olim dederat, nunc penitus videatur exolevisse. Helvetio vicino nihil

hil commodius, cui sua duntaxat tueri, alieni nihil affectare, & prodesse potius, quam nocere lex est. Nec Polonia ulla in parte Germaniæ sese audet comparare. Et cum rationes Reipublicæ Polonicæ postulent, sua potius servare, quam aliena concupiscere, quam modestiam Germanos quoque suæ Reip. conditio docet; vix adparet occasio, quæ duas illas nationes bello possit committere; nisi forte aliquis Germaniæ Principum intestinis sese Polonorum discordiis miscuerit, aut Poloni auro Gallico empti Germaniam a tergo destruere audeant. Danis hætenus ne ad Hamburgum quidem subjugandum vires fuere, quam & in istorum ditionem haut concedere, utriusque Saxoniae quam maxime interest, ne dum ut contra universam Germaniam sperare quidquam possint. Et instinctu aliorum turbas dare conantes facile fuerit immisissis a tergo Suecis semper infensis compescere. Anglia quousque Oceano suo insultet, Germanis parum curæ est. Et uti illa continentem  
ten-

tentare frustra præsumserit; ita his nullæ vires maritimæ, quæ cum Anglicis comparatæ momentum possint habere. Belgis Fœderatis nec voluntas est, nec facultas in Germaniam aliquid moliendi. Nam & ipsi parum ad militiam terrestrem idonei, aquatiles animantes, & ut ut pecunia superfit, haud quidquam libertati ipsorum expedit, numerosiorem terra alere exercitum, quam qui defensionem ipsorum sufficiat. Hispanici partes Imperii, quæ Germaniam contingunt, cum hac nulla parte comparari possunt. Ipsa porro Hispania longe remota, & viris exhausta, nec Lusitaniæ, tantillo regno, subjugandæ sufficiens. Quin Carolus V. tunc florenti quam maxime Hispaniæ imperans, & ditionibus Austriacis atque autoritate Cæsarea subnixus, nequidquam opprimere reliquam Germaniam tentavit. Suecia, ut ut ei annumeres provincias nuper partas, reliqua Germania & numero virorum, & opibus multis partibus est inferior. Nam quod simplices aliqui de

viris dubitavere , moti partim obsoleto vocabulo vaginæ gentium , partim progressibus Suedorum tricennali in bello ; id , quale sit , rerum peritis satis constat. Scilicet spatio XVIII. annorum non supra LXX. M. militum ex ipsa Suecia sunt emissâ , quorum multi in patriam iterum reverterunt ; cum tamen durante isto bello vix unquam infra C. M. Germanorum , sæpe supra in armis fuerint. Causa vero tantorum progressuum erat Germanorum discordia , & occasionis opportunitas , & quod Protestantes ab Austriacis pressi velut cœlitus demissum præsidium Regem Gustavum Adolphum susciperent. Circa florentissimum hodie Galliæ Regnum probabilius dubitari potest. Sed si utriusque vires in se spectentur citra commoda aut morbos , quorum illa Galliæ ex regulari sua Monarchia , hi Germaniæ e dissoluta Reip. forma surgunt , pro Germania pronuntiandum videtur. Nam & longe amplior est Germania , quam Gallia , & ut fertilitas utriusque par sit , subterraneæ  
tamen

tamen Germaniæ opes longe supra sunt. Nec Gallia virorum numero exsuperat: ac Germanum militem Gallo non concedere, multis speciminibus fuit ostensum. Circa vim pecuniæ non ita liquido definiri potest. Nam quid in annuis redditibus habeat, qui nunc rerum potitur, Rex, non sine admiratione percipitur. Considerari tamen simul debet, plebem in Gallia longe asperius tributis & vectigalibus exhauriri, quam in Germania, & ibi omnes opes regni in unum velut alveum confluere; qui tamen non parum attenuandus fuerit, si exteri merces Gallicas, quibus facile carere possunt, petere desierint, Germaniæ autem redditus inter tot Principes divisi, quanti sint, ita liquido adparere non possunt. Id tamen in aprico est, post contusos Turcas nullum Germaniæ infestiores esse hostem, quam Gallum; qui tamen olim, cum Burgundis, Lotharingia, Luceburgum, ac integræ adhuc Belgicæ provinciæ propugnaculorum instar isti prætenderentur, ne hiscere quidem adversus

eandem audebat. Sed nunc hisce omnibus subactis, adjecta insuper Alsatia cum Brisaco & Argentorato, & magna tractus transrhenani parte, ac validissimis succinctus munitionibus cisrhenanæ Germaniæ tanto terribilior imminet, quod jam omnem fœderum fideique religionem consumsisse videatur. Quem nisi intra priores limites Germani redegerint, ac paria ipsi munimenta opposuerint, continuis ejusdem incurfionibus expositi erunt, forte & penitus servitium ipsius subituri.

§. 6. Sed utut singula præponderet Germania, quid tamen fiet, si multi junctis viribus eandem invaserint? Heic initio observandum est, quorundam rationes non ferre, ut simul in Germaniam conspirent. Quorundam etiam vires tantas non esse, ut ad Germaniam aliquid momenti habeant. Deinde non concessuros cœteros, ut unus aut alter, oppressa Germania, tanta opum accessione gaudeat, quibus suffulto facile sit, toti Europæ leges præscribere : adeoque



que nunquam defuturos, qui ad istam servandam sint connisuri. Ante contusos Turcas tres erant, qui velut principes aut capita fœderum se videbantur ferre posse ad invadendam Germaniam; Turca, Domus Austriaca, & Gallus. Cum Turca nemo Christianorum Principum in Germaniam aperte conspirasse, compertus fuit; nisi quod Gallus clandestina consilia cum eodem subinde miscuerit. Et si, quæ superiore seculo Franciscus I. cum Turcis fœdera ferierat, forte aliquid excusationis admitterent, quod prævalenti tunc Carolo V. hostis undecunque excitandus esset, ne Gallia toti moli succumberet; cum salutis expediendæ quævis ratio honesta habeatur. Ast merito Christianissimi vocabulum commisisse debuerat Ludovicus XIV. qui nulla necessitate, sola fines proferendi libidine, Turcas in Cæsarem excitavit, e diversa parte Germaniam inundare certus, si hosce Vienna potiri contigisset. Sed, fallente ista spe, tamdiu quievit, quoad longe absentibus supe-

rioris Germaniæ copiis ex improvîso cis Rhenum sese effunderet, tum ut Turcæ spatium sese recolligendi daret, qui alias brevi tota Europa videbatur expellendus, tum ut, quod Germaniæ trans Rhenum superest, sibi subjiceret. Quam perfidiam an inultus sit laturus iste insatiabilis ambitionis Princeps, tanto jam tempore Europæ turbator, dies docebit. Domus Austriaca ut reliquam Germaniam regio complectatur imperio, nulli vicinorum optandum fuerit; nec puto, ullum fore tam tementem, ut conatibus istis subsidii quid velit adferre. Quin uti Hispaniæ quidem vires pro Austriacis sunt; ita aperte hisce se opponent Galli, Sueci, & Belgæ Fœderati eo promtius, quod istis nunquam sine præmio fuit Germanorum libertati suppetias tulisse. Quin nec Pontifex nimium videtur Austriacis heic fauturus. Nam ut ut tot myriades ovicularum errantium, quas iste putat, ad Ecclesiam revocasse, summo pastori gloriosum foret; ita quantovis animarum detrimento redimendum

dum videtur, ne Germanus aut Hispanus nimia subnixus potentia in res Italiæ sibi arbitrium sumat. Quod si denique Gallo Germaniam invadere lubido subierit, ut huic, quantum possint, suppetias ferant, Hispanos, Italos, Anglos, Belgasque, rationes suarum rerump. obstringunt; quorum hi non præter causam memores agunt antiqui dictærii; Francum amicum habueris, vicinum non habueris. Ac manifestum est, ubi quacunque ratione Germaniam cum Gallia in unum imperium coalescere contigerit, toti Europæ servitium imminere; ad quod neminem Principum opem collaturum crediderim, nisi cui fastigium suum cum servitio permutare volupe sit. E nationibus, quæ Germaniam a tergo distringere possint, Poloni quidem haut temere permovendi videntur, ut ante rationes suæ reipublicæ aurum Gallicum habeant, post subjugatam Germaniam ipsi quoque vilis servientium pars futuri. Eandem ob causam Danos quoque haud crediderim Gallo

operam navaturos, ubi de subigenda Germania agi adpareat; præsertim cum Europæ monarchiam invadere conanti, cumprimis maris Baltici claustra in potestate habere, opus sit. In Suecorum societate Galliæ plurimum videbatur momenti positum, inprimis si bellicosus ipsis Rex contigerit. Dudum tamen prudentioribus animadversum, Gallos quidem velle uti Suecorum opera non gratuita; verum ita, ut quod inde partum fuerit, solius Galliæ incrementis accedat. Id vero Gallis ne quidquam ad palatum, Suecos Gallico auro propriam potentiam eousque promotum ire, ut facile deinceps Gallorum amicitiam possint negligere. Ex adverso Sueci stultum credidere, pro Gallorum magis utilitate, quam propria contendere. Neque sunt tam hebetes, quin perspiciant, ubi Gallus rerum in Germania fuerit potitus, ipsum non minus Suecis, quam aliis vicinis leges dictaturum. Ac merito fastidire debent generosæ nationes mercenarii opprobrium, quod insolenti po-

populo solenne est, ingerere sociis, a se pecunia sublevatis. Denique cum commune omnium Principum bonum in eo consistat, inter eos nemo tantum eminare, ut cæteros pro lubitu insultare queat, sed ut quantum fieri possit, omnium vires in æquilibrio habeantur; communis libertatis proditor est censendus, qui peculiaris aut temperarii emolumenti causa ad struendam ejusmodi molem, omnibus formidandam, opem confert. Id tamen præcipue cavendum Germanis, ne ipsi in sui servitium Gallo operam navent, dum omnibus imminentem hostem non junctis consiliis & viribus propulsant, sed vel auro Gallico emti ad propriam patriam perdendam una incumbunt, aut pestilenti pretio corrupti simul boni publici incuria cæteris pugnantibus quiescunt, haut minus ipsi post absumptus reliquos a Polyphemo devorandi. Sane cæcum oportuit fuisse, qui Gallorum artes non prehenderit, initio blandiore via sese expromentes, quo Germaniæ rebus tempe-

pe-

perandis ingerendi sese anſa foret. Nonnullos Principes fœdere, & annuis ſtipendiis ſibi illigare, in univerſum ſolicitum ſeſe pro Germania oſtentare, controverſiis Principum componendis ſe dare, circa pecuniam & militem petentibus ſubmittendum alacrem ſe exhibere, id denique agere, ut quibus auxilio aliquo opus foret, intelligerent, certius ſibi præſidium in amicitia Gallica, quam in Cæſare, legibusque Imperii poſitum. Sed mox perpetuis ſucceſſibus aucta inſolentia proditione, abſurdiſſimis cavillationibus, aut aperta vi invadere placuit, quicquid opportunum fuerit viſum, alteramque Rheni ripam ex aſſe Galliæ adjungere, ac horrendis munitionibus firmare, ut nulli exercitui in Galliam penetrandi facultas foret, ipſi quotiescunque libido ſubiret, Germaniam incurſare, & ad miſeram conditionem redigere daretur. Circa quod inſtitutum uti, qui Gallo favent, aperti patriæ ſuæ proditores ſunt; ita, qui communi periculo ſubmovendo ſeſe ſubtrahunt, dignis-

gnisfimi Gallico servitio erant, modo cives suos eidem exitio non involutum irent. Inprimis autem cavendum est Principibus Germaniæ, ne jure fœderum in communis patriæ destructionem abutantur: & optandum fuerat, idoneam rationem iniri posse, isti abusui prævertendo. Quanquam apud sanos merito id maximum pondus habere debebat, quod, everfa Imperii compage, ipsorum quoque fastigium solo affligendum, & a Gallica superbia conculcandum sit. Ac probe notandum fuerit dictum istius ministri Gallici, qui legato alicujus Electoris, de fœdere cum Gallo agentis, ingenue dixerat, cum hic obligationem & vinculum, quo Imperio teneretur, excipiendum sibi testaretur: quid verbis est opus, inquit; ni tuus dominus est Elector Sacri Romani Imperii, est nihil.

§. 7. Enimvero isthæc Germanici Imperii moles, quæ, in justî regni formam digesta, toti Europæ futura erat formidabilis, per intestinos morbos & convulsiones ita debilitatur, ut ægre ipsa sibi defen-

defendendæ sufficiat. Causa primaria mali est ex inconcinna, ac parum apte digesta Reipublicæ compage. Quantumvis magna hominum multitudo uno homine robustior non est, quamdiu quilibet sibi soli tendit. Omne ex conjunctione robur est; & quatenus plures in unum corpus naturale non possunt coalescere, multorum vires uniuntur, dum uno consilio velut una anima reguntur. Ista unio quo arctior & concinnior, eo validior, cæteris paribus, existit societas. Laxitatem, pravamque membrorum combinationem necessario debilitas, morbique comitantur. Perfectissima unio, & ad diuturnitatem cum primis apta, in regno rite composito cernitur. Nam Aristocratia, præterquam quod vix commode possint subsistere, nisi ubi Reip. alicujus vires præcipuæ in unam urbem colliguntur, Monarchiis sua natura fragiliores sunt. E pluribus civitatibus per fœdus coagmentata systemata longe laxius cohærent, & facilius turbari aut dissolvi possunt. Ut tamen  
qua-



qualiscunque firmitas istis systematibus constet, necessarium cumprimis est, ut sociæ civitates eandem habeant reipublicæ formam, nec viribus inter se multum sint dispares, utque ex ista conjunctione in singulas par utilitas redundet. Deinde ut maturo consilio, legibus prius rite conceptis, in societatem coiverint. Nam qui temere & velut impetu quodam in societatem ruunt, futuro statu non prius curate pensiculato & digesto, non possunt non multa admittere, magis quia corrigi non possunt, quam quia expediunt aut decent. Est & illud dudum observatum, vix unquam Monarchias cum civitatibus liberis in fœdera etiam temporaria bona fide coalescere, nō dum ut perpetuo jungi sint idoneæ, Principibus plebejam libertatem avversantibus, plebe Principum fastum horrente. Illa porro est humani perversitas ingenii, ut vix æquo animo pari secum jure degentem adspicere possit, quem viribus inferiorem videt. Et communia onera ferri detrectat, qui nullam  
aut

aut exiguam partem communium commodorum sibi relinqui animadvertit.

§. 8. Cæterum Germania eo est habenda ægrior, quod in eadem junctim reperiantur morbi, tam qui e regno male formato, quam qui e systemate sociarum civitatum indigesto redundant. Imo præcipuum morbi effectum habet, quod ad neutram harum specierum Resp. Germanica exacte quadret. Exterior facies, & simulacra regnum aliquod præ se ferunt; antiquissimis quoque temporibus Rex erat revera id, quod audiebat. Post hujus potestas imminuta, & gliscentibus Ordinum opibus ac libertate haut multum regii imperii valde circumscripti remansit. Inde perniciosissimæ semina convulsionis penitissimis Imperii visceribus hærent, quæ in diversa tendere Imperatorem & Ordines subigunt, dum illo ad regiam potestatem velut postliminio grassante, hi partas semel opes obnixe defendere fatagunt. Ex quo non possunt non suspiciones, diffidentia, occultæque machinationes

nes oriri, præpediendis alterius incrementis, aut infringendæ cæterorum potentia. Quod & ipsum efficit, ut tam robustum cætera corpus ad externos invadendos, & aliquid acquirendum velut enerve deprehendatur; cum nova incrementa Cæsari nolint accedere Ordines, neque tamen eadem inter omnes æqualiter possint distribui. Quam irregulare igitur vel hoc solum est, quod per ipsam formæ indolem rationes capitis a rationibus membrorum in alia omnia discedant? Inter ipsos porro Ordines variæ distractiones diversis e causis proveniunt, ut ne concinnam quidem socialis systematis faciem Germania præ se ferat. Ipsi Ordines dispari reipublicæ forma utentes male inter se compositi, dum intermixtæ passim Principibus degunt liberae civitates; quæ cum fere commerciis floreant, opulentia sua Principum invidiam accendunt, præsertim cum ejusdem pars ex horum ditionibus eo confluerit. Neque negari potest, quasdam urbes ad lienis instar intumuisse, vicinorum Principum terris ad maciem redactis.

Etis. Est quoque proprium Nobilitati plebejos contemnere, qui tamen sæpe suis sibi nummis non minus placent, quam isti suis imaginibus, aut exhaustis ditioribus. Denique nonnulli istas urbes velut dominatum sibi exprobrantes adspiciunt, subjectorumque conditionem comparatione vicinæ libertatis impatientius ferri, deprehendunt. Hinc invidia, contemptus, insultationes, suspiciones, infidiæ. Quæ omnia tamen acrius & manifestius existunt inter Episcopos, illasque urbes, in quibus isti cathedrales suas Ecclesias habent. Quanquam & in ipsis Comitibus Principes universi non leve fastidium adversus collegium civitatum ostendent, Imperatore contra civitates fovente, quippe apud quas majoris fere suam auctoritatem fieri, quam alios apud Ordines sentit. Sed nec usque quaque propitiis sese oculis invicem adspiciunt Principes seculares & Ecclesiastici. His in eadem classe præ istis priorem locum assignat sanctimonia muneris, prima institutione, ac nativæ functionis indole nil principale redolens. Secularibus autem  
nescio

nescio quam molestum videtur, istos ex inferiore sæpe nobilitate tam repente in pari, aut eminentiori fastigio collocatos, & Dei gratiam præscribentes. Præsertim cum illam dignitatem ad posteros suos continuare non liceat, & familiæ ipsorum intra priorem conditionem subsistant; nisi quod multi Episcopi Pontificis exemplo suis agnatis per beneficia Ecclesiastica, & donationes sat laute soleant prospicere. Contra Ecclesiastici haut immerito sæcularibus se irasci putant, quippe per quos multi eorum abdomina cœperunt gerere multo pressiora. Id quoque non parum ad distractionem Ordinum facit, quod inter multos magna sit opum inæqualitas. Hinc enim vitio humani ingenii potentioribus oritur contemptus adversus imbecilliores, & libido eosdem opprimendi; his contra in suspensiones & querelas pronis, ac libertatis æqualitatem quandoque importunius crepantibus. Sed & eminentia Electorum præ reliquis Principibus non levis dissidii causa, his tantum fastigium ægre ferentibus, ac nonnulla præter jus usurpa-

P

pari

pari jactantibus; his pro jure atque auctoritate sua strenue nitentibus.

§. 9. Nondum morborum sat erat, ni efficacissimum alias animorum velut coagulum religio Germaniam in partes distractam asperrime collideret. Neque sola odiorum causa ex opinionum diversitate, & quod sacerdotibus solenne sit, diversa sentientibus cœlo interdicare: sed quod per Protestantes Catholici sacerdotes magna opum suarum parte sint exturbati, quarum desiderium ad easdem recuperandas noctes diesque ipsis stimulos subdit; cum isti semel invasa dimittere ignavum judicent. Imo in univ-  
ersum nimiae sacerdotum opes reipublicæ prægraves habentur; præsertim cum hi ab alio dependeant capite extra rempublicam Germanicam constituto, cui nunquam in Germanos sincerus amor, & cui secularium salus non alio fere pretio æstimatur, quam ut per eos af-  
fectis suis quam lautissime prospiciatur. Hoc enim modo peculiarem velut statum in media republica fundari, adeoque bicipitem fieri remp. in propatulo est. Quin

&amp;

& vis veritatis Pium Pontificem subegit, ut in historia Australi scriberet: nihil excellenter malum in Ecclesia Catholica patrari, cujus prima origo a sacerdotibus non dependeat, ni forte occulto quodam Dei consilio fiat. *Pandulf. Collenutius rer. Neapol. l. 4. p. m. 185.* Nec minus illud perniciosum, quod Ordinum Germaniæ quidam non modo inter se, sed & cum exteris peculiaria inire fœdera gaudeant, universi Imperii utilitatibus parum quadrantia; dum exteris per ista facultas præbetur Germaniam pro libidine sua temperandi, & demum occasione data sociorum ope contra universos invalescendi. Præsertim cum aliquando ejusmodi fœdera cum exteris non modo contra alios externos, (id quod aliquo modo ferri possit,) sed etiam contra ejusdem Imperii membra quærantur. Sed & Astrææ vestigia per Germaniam fere evanuerunt. Ubi enim Ordinibus inter se aliquid litium oritur, (id quod in tanto ipsorum numero, & interscindentibus se mutuo territoriis frequenter contingit) si Camera aditur, post seculum demum

controversiæ finis est expectandus. Apud  
Judicium Aulicum gratiæ & corruptioni-  
bus aditum non satis interclusum, non  
desunt, qui querantur; & quod tribunal  
illud nimium meminerit loci, in quo se-  
dem fixit. Inde in Germania qui viribus  
pollet, sibi facere executionem ipse potest.  
Sed imbellibus adversus valentioribus,  
etsi causa valentibus, vix præter inanes  
querelas quid relictum. Denique quam  
elumbem hoc arguit societatem, quod  
neque commune ærarium, neque com-  
munis Germaniæ miles est, repellendis  
quorumvis exterorum insultibus, aut  
comparandæ uni vel alteri provinciæ, ex  
cujus redditibus communes Reip. sumtus  
tolerarentur. Et quanto satius fuerat,  
Germaniam in proprios usus consumere  
illos homines pacis impatientes, qui per  
omnem fere Europam venalem sangui-  
nem circumferunt?

§. 10. Intercedunt quoque singulis Or-  
dinibus non paucæ invicem æmulationes  
& controversiæ, quæ & ipsæ totius cor-  
poris vires non parum convellunt. Tan-  
ta morborum colluvies efficit, ut inter  
mino-



minores naves referendus sit tædiosissimus processus in causis potissimum civilibus, per quem etiam liquidissimum jus in plura lustra eludi potest. Nec minus monetæ varietas per Germaniam commerciis privatorumque patrimoniis multum incommodi adfert; etsi ipsorum nummorum commendari mereatur modestia, quod tenuitatis suæ verecundiam ipso colore non obscure præ se ferant.

## CAPUT VIII.

*De Ratione Status Imperii  
Germanici.*

## §. I.

**C**irca adhibenda morbis Germaniæ remedia cum alii tradere fategerunt, tum præcipue personatus quidam *Hippolitus a Lapide* quondam se jactavit; quæ etsi initio non pauci admirati fuerint, tamen cum nobis semper nescio quam male temperata fuerint visa, ista convellere olim nobis placuit.

§. 2. Primo igitur iste promulgat sex leges, quæ ipsi Rationes status vocantur, observandas in tali Reip. forma, qualem

ipse Germaniæ affingit ; in Aristocratia nimirum, ubi summa rerum est penes Optimates, simulacra potestatis Regiæ in Principe. Dictitat ergo I. studendum esse concordiæ & a factionibus abstinendum. II. Ne diutius Imperatoria dignitas in eadem familia continetur, ne per diuturnam simulacrorum usurpationem solidum dominatum invadendi libido subeat. III. Licet in unum conferatur Principatus cum potestate dirigendi & moderandi functionem singulorum ad commune bonum, & Reip. unionem : Proceribus tamen clavum Reip. semper in manu retinendum, ac potestatem de summa rerum decernendi in Comitibus exercendam; quæ hanc ob causam frequenter habenda; saltem Senatum aliquem perpetuum constituendum, qualis initio superioris seculi erat *Regimentum*. IV. Ut simulacra duntaxat Majestatis Principi relinquuntur; ipsa vero jura & potestas Reipublicæ reservetur. V. Ne Ordinum Imperii vita, fortuna, ac fama solius Imperatoris arbitrio subjaciat. VI. Ne militia & loca munita ejusdem solius potestati com-

committantur. Multus deinde in eo est, ut ostendat, variis modis contra istas leges tam a Cæsare, quam a nonnullis Ordinum fuisse peccatum, non sine acerima infectatione Domus Austriacæ, & quorundam Electorum. Enimvero ut una & altera harum legum spernenda non sit; cum tamen Aristocratiam non esse Germaniam, supra sit ostensum, solis hisce legibus salutem Germaniæ contineri, frustra creditur.

§. 3. Inde sex remedia Idem præscribit curandis Germaniæ morbis. Primo loco commendat studium concordiæ, & generalem amnestiam, ac abolitionem omnium gravaminum, queis odia invicem aluntur; ac ne ob religionis diversitatem in partes discedatur, eamque ob causam publica salus negligatur. Hoc remedium declamationi scholasticæ copiosum potest præbere argumentum; in usum autem Reip. Germaniæ tunc demum adplicari poterit, quando omnes Germaniæ Ordines animi motus ad leges philosophicas exacte attemperare didicerint. Dein jubet extirpari Domum

Austriacam, & bona ejus in fiscum redigi. Hoc vero est carnificem, non medicum agere. Quasi vero excidium statim mereatur, cui opes, mediocritatem excedentes, contingere. Sed pareamus tam duro decreto. Quis vero securim admovebit extirpandæ potentiae, tanta terrarum spatia complexæ, & quam uni aut duobus non ad crescere totius Europæ interest? Germaniæ procerum pars in eam Domum affectu prona; aliqui extra odium; cæteri tantæ moli subvertendæ haud quidquam pares. Adsciscendi igitur socii, & quinam alii, quam Galli & Sueci? Nam hi, cum talia *Hippolitus* scriberet, omnibus modis hoc agebant, magno apud imperitos adplausu jactantes, a se libertatem Germaniæ vindicari, per Austriacos oppressam. Ast incivile fuerat, tantum ab iis laborem gratis exigere. Nec adparebat quæstor, qui prædam tam accurate in fiscum redigeret. Quin potius augurantur homines non absurdi, siquidem conatibus hostium Domus Austriacæ eventus respondeat, fore ut Ordines Imperii antiquam  
illam

illam ranarum querimoniam instaurent, quæ pro trabe ciconiam regem erant sortitæ. Post sublatam Domum Austriacam capite tamen non vult destitutam esse Germaniam. Jubet igitur alium eligi Imperatorem, cui ex locis suis communibus splendidum virtutum circumponit satellitium; sed ut inani tantum titulo fulgeat, & potestate regia destitutus directoris & magistratus vice fungatur. Atqui talis præses aut director usum potest habere in aliqua civitate Aristocratica, ubi procures in una urbe domicilium obtinent. Quod si nihil præterea potestatis ipsi foret conferendum, non video, quorsum omnino Imperatore Germania opus habitura sit, ubi ad puram Aristocratiam ea fuerit redacta. Quantum tamen potestati sui Cæsaris *Hippolitus* subtrahit, tantum redditibus ejusdem videtur velle adjicere: Esurire tantum Principem, turpe foret. Igitur in patrimonium Imperii destinantur ditiones Austriacorum; & ubi hæ forte non suffecerint, Electores jubentur restituere abs Carolo IV. ipsis dona-

donata aut confirmata. Atqui videtur communem hominum indolem ignorare, qui tantis opibus subnixum in tantillæ potestatis gyrum æquo animo redigi credit. Sed nec post exequias Domus Austriacæ tam faciles erunt Electores, ut restituant, quæ per tria & amplius secula quiete possederunt. Præterquam enim quod longe hebetiori sunt ingenio Principes, quam ut capere queant, quæ super restitutione bonorum minus recte paritorum Confessionarii crepant, non deest Electoribus, quod cæteris Ordinibus reponant. Nam credo non paucis ad tenues sat casus foret redeundum, si de quibuslibet accessionibus tam superstitiosa ratio esset reddenda. Ergo æquisissimum fuerit, ut quilibet, quæ diu possedit, deinceps quoque retineat. Quarto loco monet *Hippolitus*, confidentiam mutuum inter Ordines restituendam, diffidentiam eradicandam. Id quod futurum, si gravamina utrinque amica compositione e medio removeantur, quorum pleraque e dissidio religionis ortum habent. Atqui ista jam primo remedio fuerant

rant comprehensa. De constituendo Regimento; Comitibus ob gravia negotia convocandis; de tollendo Consilio Aulico; de parando item exercitu perpetuo, & constituendo ærario militari, cui alendo adhibendæ sint *Annatæ*, quid judicandum sit, quæ mox subjiciemus, indicabunt

§. 4. Enimvero genuinas Reipublicæ Germanicæ rationes investigare, in proclivi fuerit illis, qui ejusdem compagem penitus inspexerint. Scilicet fundamenti loco substernendum, præsentem Germaniæ statum ita legibus publicis, populi-que adfuetudine firmatum, ut sine convulsione maxima, ac forte everfione Imperii mutari nequeat. Unde & Cæsari omittendos conatus, queis illa resp. ad justam formam regni redigatur; nec Ordinibus ægre ferendum vinculum, quo nunc tenentur, nec plenam & independentem libertatem affectandam, servitium saltem majori eorundem parti allaturam. Nam abrupto præsentis vinculo imbecilliores Ordinum aut validioribus Ordinibus aut exteris sine dubio prædecessuri fuerint. Et in hoc consistit illa har-

mo-

monia inter caput & membra, quæ vulgari Germanorum dictione observanda inculcatur. Uti porro ejusmodi Respublicas, quibus irregulare quid inest, ante omnia non tam alienis acquirendis, quam tuendis propriis oportet invigilare: ita circa internam concordiam inter tam multos, civium vulgarium sortem longe supergressos, retinendam maximus labor. Ad hanc summe necessarium est, ut cuique sua jura maneant, ac nulli concedatur, ut imbecilliores possit opprimere; utque adeo inter dispares licet opes par sit omnium libertas, atque securitas. Exoletæ prætensiones æterno silentio damnentur, & uti quisque possidet, ita deinceps retineat. Recentes lites interventu potius communium amicorum, quam actione instituta componantur. Ne, qui caput Imperii cluet, libertatem Ordinum moliri queat, cavendum est, ne communis miles, & loca Ordinum munita ab ipsius arbitrio dependeant. Necessarium quoque videtur in republica, ubi summa rerum penes unum non est, existere perpetuum aliquod con-



consilium ex iis compositum, qui in partem imperii vocantur; ad quod tum præcipua domi negotia, tum quæ cum exteris intercedunt, referantur, ubi, communicatione prius cum singulis facta, commune decretum condatur. Ac in ejusmodi concilii vicem jam fere abierunt Comitia, quæ anno 1663. cœpta per tot lustra continuantur: quæ ut perpetui conventus indolem fortiantur, Germaniæ quam maxime interesse videtur, continendo communi Imperii vinculo, & ad commodam publicorum negotiorum communicationem. In primis cavendum, ne pauci quidam vel inter se, vel cum extraneis fœdera ineant, contra quodcunque Imperii membrum valitura. Quod si illa adversus alios tendant, prospiciendum, ne ista occasione Germania bello involvatur. Tum orto cum exteris bello haut concedendum, ut unus & alter peculiariter sibi consulere, & neutras sequi partes possit; sed quodlibet Imperii membrum, ubi ab altero impetatur, omnium viribus protegendum, etiam illorum, qui remotiore situ longe a periculo abesse sibi videntur. Providendum quoque, ne exteri Germaniæ sese

fese negotiis immisceant, ac ne ullam amplius isti particulam decerpant. Quin & obstandum, ne unam atque alteram vicinarum regionum potentior, & dilatandorum finium avidus hostis absorbeat, unde Germaniæ latus invasioni nudetur. Si tale quid tentari adparuerit, mature defensio adornanda, & eorum societas quærenda, quorum itidem interest, ne unius gliscens nimium potentia cæteris prægravis fiat. Ac prout vicinorum res militaris sese habet, ita & mature idonea, quæ opponi queant, arma paranda, ne post irruptionem jam factam delectus sint instituendi, serum vastatis jam late finibus remedium. Denique ne qui opinionibus circa sacra dissident, per importunum in religionem studium concordiam Germaniæ turbent, accurate servanda sunt, quæ super isto negotio leges publicæ constituunt; ac inprimis qui Romanos ritus sequuntur, Protestantes pari secum jure frui ægre ne ferant, ac profanum juxta noxiumque judicent, ad eos subvertendos vi astute irrumbere, qui non minore studio ad communem patriam ornandam defendendamque incumbunt; certo persuasi, oppressis Protestantibus, cæteros quoque in servitium trahendos.





005656798

